

**TAGSUGOD SA
PAG-EBANGHELYO
(Pioneer Evangelism)**

**Nagatubong mga iglesia ug
pagpananom sa bag-o nga
makasuporta sa kaugalingon
gamit ang Bag-ong Kasabotan
nga mga paagi**

THOMAS WADE UG BARBARA AKINS

© Copyright
Junta de Missões Nacionais
Convenção Batista Brasileira
Rua Gonzaga Gastos, 300
Rio de Janeiro, R.J. 20-541-000. Brazil
All rights reserved.

Partial or entire copying of this book is permitted as long
as its content is not modified.

Previous editions in Portuguese:

1991	1,200 copies
1992	2,800 copies
1993	2,000 copies
1994	10,000 copies
1995	10,000 copies
1997	10,000 copies
1999	10,000 copies

TOTAL: 46,000 copies

Previous editions in English:

1995	1,000 copies
1999	5,000 copies
2000	4,000 copies

Previous editions in Spanish:

1999	3,000 copies
1999	10,000 copies
2006	10,000 copies

Published originally in Portuguese under the title
Evangelismo Pioneiro.

Authored by: Thomas Wade and Barbara Akins
E-mail address: wade.akins@pobox.com
Home Page: <http://www.pioneerevangelism.org>

Copyright: Junta de Missoes Nacionais
Convencao Batista Brasileira
Rua Gonzaga Gastos, 300
Rio de Janeiro, R.J. 20.541-000 Brazil
All rights reserved. Partial or entire copying of this book is
permitted as long as its content is not modified or sold for profit.

PRESENTASYON

“Moabot ang panahon nga ang mga tawo dili na mamati sa matuod nga pagtulon-an. Ang ila na hinuong gusto mao na lang ang ilang sundon ug magtawag silag daghang mga magtutudlo nga magsulti kanila sa buot nilang madungog. Dili na sila mamati sa kamatuoran kondili sa mga tinumotumo nga mga sugilanon.” 2 Timoteo 4:3-5

Sa ulahing duha ka milenyo na karon, ang kalibotan napuno sa nagkalainlaing balasahon. Ang pagsulat ug libro mahitungod sa pagsangyaw – ang tinuod nga responsabilidad sa matag-usa diha kang Jesu-Cristo maoy usa sa pinakalisod nga buluhaton.

Kini nga buluhaton nahimong maslisod kon ang hisgotan mao ang tagsugod pagwali sa ebanghelyo. Walay mga pasundayag nga paagi apil niini, walay mga makahibulong nga teyoriya o mga tesis o saysay-sinulat nga nadunggan sukad pa kaniadto. Ang katuyoan sa tagsugod sa pag-ebanghelyo mao ang pagdala sa matagtawo ngadto kang Jesu-Cristo nga maoy una nga prayoridad sa kinabuhi.

Si Dr. Akins nakakuha ug mga maayo nga resulta sa pagpursige niini nga misyon. Aduna siyay nahimo tungod sa iyang pinasahi nga istilo, ug tungod kay aduna siyay awtoridad nga moagad sa iyang kasinatian o empirisista.

Ang Biblikanhong mando miabot kanato susama sa pagkadungog usab ni Timoteo: “himoa ang trabaho sa ebanghelista.”

Kini simple ug direkta. Susama sa ebanghelyo sa iyang kaugalingon.

Pr. Ivo Augusto Seitz, General Secretary:
Brazilian Baptist National Missions Board

TAGSUGOD SA PAG-EBANGHELYO

Talaan sa mga Sulod

Presentasyon.....	3
Pasalamat.....	11
Kahulogan.....	15
Unsaon Paggamit ang Libro sa Tagsugod sa Pagbanghelyo.....	17
Prinsipyo: Biblikanhong mga Prinsipyo sa Pag-ebanghelyo, Pagdisipulo ug Pagpananom sa Iglesia.....	21
Praktikal: Unsaon pagbansay ang imong panon.....	63
Part I: Unsaon pagsugod sa bag-ong mga grupo o bag-ong mga iglesia.....	65
Part II: Unsaon pagdisipulo ang imong panon.....	76
Plano: Stratehiya o Paagi sa Pagpadaghan.....	100
Pakapin Sa Basahon.....	115
Ang Tagsugod nga Ebanghelista ug Unsaon Pagdumala ang Balay nga Pagtuon sa Biblia nga Walay Materiyales.....	117

PAGHINUMDUM

Si **Sherry Deakins Akins** mao ang unang tawo nga gigamit sa Ginoo aron sa pagdasig kang Thomas Wade Akins nga mag-sugod ug magpalambo sa Pagsugod sa Pag-ebanghelyo sa Brazil. Nahunahunaan ni Thomas Wade nga ang pagsulat, pagpalambo ug ang pagdumala sa programa nagkinahanglan ug taas nga oras ug mahilayo siya sa iyang pamilya. Tungod niini, siya nagduhaduha kon padayonon ba niya o dili ang pagtrabaho sa maong proyekto. Sa dihang gipaambit niya sa iyang asawa nga si Sherry ang iyang pagduhaduha, ang iyang asawa miingon kaniya, “Thomas Wade, kinahanglan nga buhaton nimo kini; kini nga ministeryo lya sa Ba-laang Espiritu”. Ang Pagsugod sa Pag-ebanghelyo hinayhinay nga milambo ug mikaylap dili lamang sa nasod sa Minas Gerais, Brazil, diin ang iyang pamilya nagpuyo ug nagtrabaho apan sa katibuk-an sa tanang bahin sa nasod sa Brazil niadtong tuig 1989. Siya nag-sakripisyo sa iyang kinabuhi alang sa pagministeryo.

Si Sherry nakabaton ug usa ka peligroso nga balatian nga gitawag Schleroderma, hinungdan sa mga tanudtanod sa iyang baga, tinai ug sa uban pang bahin sa iyang kalawasan. Nadiskubrehan kini niadtong Setyembre 1992.

Sa dihang gipangutana si Sherry kon gusto ba niyang mobalik sa Amerika aron makig-uban sa iyang pamilya ug biyaan ang Brazil, siya mitubag, **“Ang katuyoan sa akong kinabuhi mao ang paghimaya kang Jesu-Cristo sa akong pagkinabuhi ingon man usab sa akong pagkamatay. Ang Dios maoy nagtawag kanamo sa Brazil ug buot kong magpabilin dinhi”**.

Sa Disyembre 4, tuig 1993, kalit nga naluya ug namatay si Sherry sa ilang pinuy-anan sa Belo Horizonte, Minas Gerais, Brazil. Sa pagkatinuod, si **Sherry usa ka tawo nga nagkinabuhi ug namatay nga nahisulod sa kabubut-on sa Ginoo!**

Ug ikaw?

DEDIKASYON

*Akong gidedikar kini nga edisyon sa manuwal sa akong maayo kaayo ug mahigugmaong asawa, **Barbara Ann Hawthorne**, nga usa ka gasa gikan sa Ginoo. Kini nga materiyal niining manuwal dili mga teyoriya bahin kang Barbara, tungod siya gigamit gayod sa Ginoo sa pagkabig sa mga kalag ug pagtanom ug mga kaiglesiahanan. Ang Ginoo nagpanalangin ug nag-tugot kanamo sa akong asawa nga mag-ministeryo pinaagi sa pagbansay diha sa mga komperensya mahitungod sa Tagasugod sa sa Pag-ebanghelyo sa tanang dapit sa Brazil ug uban pang mga nasod sa tibuok kalibotan.*

Thomas Wade Akins

PASALAMAT

Kini nga manuwal alang sa pagtudlo dili maugmad kon dili tungod sa kinabuhi ug inpluwensya mahitungod sa misyon gikan sa akong magtutudlo nga si **Dr. Cal Guy**. Si Dr. Guy ug ang iyang mga pahimangno nakatandog sa akong kinabuhi diin human sa akong pag-eskuwela ubos kaniya sulod sa tulo ka tuig sa Southwestern Seminary, ako mibiya sa usa sa mga mauswagon nga ministeryo sa kapitolyo ug miadto sa nataran sa misyon sa Brazil. Ang kanunay niyang pagsulat ug pag-ampo maoy dakong panalangin nga nagdasig kanako panahon sa kalisod. Ang iyang mga ideya ug konsepto kanunay natong mapatalinghugan niining manuwal. Mapasalamaton usab ako ngadto sa mga magtutudlo nako sa Louisiana College, New Orleans Seminary ug Southwestern Seminary. Pinaagi sa akong mga natun-an niining tulunghaan nahibalo ko sa paghimo ug pagsusi ug pagsulat sa mga proyektong praktikal.

Mapasalamaton gayod ako ngadto kang **Dr. Dennis Blackmon** sa iyang walay puas nga pagtabang sa pag-ugmad sa daghang mga ideya nga anaa niining libro, ug bisan pa man sa iyang pagsalmot ug mga mubong sulat mahitungod sa pagtanom ug mga kaiglesiahanan. Si Dr. Blackmon maoy mitawag kanako sa makadaghang higayon ug gidasig ako sa pagsulat ug pag-aplikar niini nga programa. Ang iyang mga pahimangno ug sugyot nakatabang gayod. Alang sa pagdugang sa mga mubong sulat gikan kang Dr. Blackmon, akong gigamit ang materiyal nga gikan sa libro, The Indigenous Church o Ang Kagikanan sa Iglesia ni Melvin Hodges, Indigenous Church Planting o Kagikanan sa Pagtanom ug Iglesia ni Charles Brock, ug uban pa.

Si **Dr. Charles Brock** usa ka misyonaryo kaniadto sa Pilipinas. Ang iyang libro, Indigenous Church Planting o Kagikanan sa Pagtanom ug Iglesia, diin namantala sa Broadman Press, usa sa mga libro nga dakog kalabotan ug pagkadahig sa akong kinabuhi kon diin ang mga ideya maoy sumbanan niini nga proyekto. Si **Dr. Waylon Moore** maoy nagsulat sa “Good News From God” o “Maayong Balita Gikan sa Dios” nga balasahon base sa ebanghelyo ni Juan alang sa Tagasugod sa Pag-ebanghelyo. Si Dr. Moore usab ang usa sa mga gigamit sa Ginoo aron sa pagdisipulo kanako ug isip modelo una sa tanan nga nakaila Kaniya sa kinabuhi ug ministeryo ni Jesus.

Akong giila ang akong igsoon diha kang Cristo, Si **Mario Ikeda**, kanhing Direktor sa Ebangelismo Departamento sa Brazilian National Convention, nga maoy nagtabang kanako sa pagsulat niining manuwal ug sa pagpasiugda niining programaha. Sa dihang gipasiugda ko kini nga programa sa nasod sa Minas Gerais, gisugdan usab kini nga programa ni Mario didto sa nasod sa Para. Kung wala si Mario, ang tagasugod sa ebanghelismo nga ministeryo wala unta nadayag sa kinatibuk-an sa Brazil.

Ako nagapasalamat usab kang **Pastor Aloizio Penido Bertho**, Executive Secretary sa Minas Gerais State Convention. Si Pastor Aloizio ang nahimong kauban nako sa pagtudlo niini bisan asa sa nasyon sa Brazil. Siya mihatag ug dakong pagsuporta sa pagpauwag sa TAGASUGOD SA PAGWALI SA EBANGHELYO nga ministeryo sa nasod sa Minas Gerais, partikular sa tudling nga pagpasabot niini sa mga pastors ug mga pangulo. Ilabina nga kining programa bag-o kaayo sa ilang pandungog ug halos sila tanan naa pa sa tradisyonal nga pag-ebanghelyo nga dili bibliikal. Pananglit, asa sa Biblia nag-ingon nga dili makaorganisa ug iglesya kon wala pa kiniy pastor nga naordinahan, walay mga propedad ug katukuran?

Akong gidayeg ang tanang **kuwarenta ka orihinal nga tagsugod nga mga ebanghelista** sila nagtrabaho uban kanako sa nasod sa Minas Gerais sa panahon nga ang proyekto ginasulayan pa. Duha ka lisod ug dugay nga tuig ang pagpamuhat alang sa matag-usa apan nagbunga kini sa saisentay-tres nga bag-ong buluhaton sa misyon. Kining mga ebanghelista naghawid ug maayong binulan nga rekord o lista ug mga ebalwasyon o timbangtimbang sa matag- bahin sa proyekto aron kining programa masusi ug mapauswag pa. Tungod sa ilang walay puas nga pagtabang, adunay daghang pag-usab gikan sa orihinal nga bersyon sa programa.

Dugang pa niini, ako usab nagapasalamat kang **Dr. Bill Richardson** nga maoy Area Director sa Brazil sa dihang nasugdan kining proyekto sa Brazil. Siya maoy nag-apruba ug nagtugot kanako nga sugdan na ang programa uban sa unang grupo sa mga magbubuhat sa unang duha ka tuig.

Ang nga pulong dili igo sa pagpasalamat kang **Curtis Sergeant**, usa ka misyonaryo sa Singapore. Si Curtis ug ako nahimong managhigala sa usa ka panagtigom, Strategy Coordinators Training Conference didto sa Sao Paulo, Brazil. Si

Curtis usa ka alagad sa Dios sa Asya ug aduna siyay mga sugyot ug tampo nga nakatabang gayod kanako. Ako usab nga gipasalamatan si **J.O. Terry** uban ni **Jackson Day** nga naghatag usab sa ilang mga sugyot sa mga Pagsugilanon.

Akong gipasalamatan ang mga higala nako nga nagtabang ug nag-ampo sa ministeryo nga gisangon kanako. Ang dili na maihap nga tabang nila maoy nagpabarog kanako luyo sa mga kalisod nga akong naagian sa akong kinabuhi. Kini sila mao si: **Dr. Ray P. Rust**, pastor nako sa dihang batan-on pa ako, ug mao usab ang unang nagdisipulo ug nagtudlo kanako; International **Evangelist Sammy Tippit** nga gikan sa San Antonio, Texas; si **Dr. Phil Jett**, usa ka pastor sa dako nga Englewood Baptist Church sa Jackson, Tennessee; **Mr. and Mrs. Gary A. Taylor**, tig-pauswag gikan sa Jackson, Tennessee; **Mr. and Mrs. Ronnie Mackey**, kontraktor sa Heath Springs, South Carolina; **Mr. Guy Wolcott**, negosyante gikan sa Portland, Oregon ug **David Wilson**, Presidente ug Direktor sa Open Air Campaigners Internaitonal. Ang matag-usa gigamit sa Dios sa espesyal nga bahin sa akong kinabuhi ug ministeryo.

Ako usab nga gipaabot ang dakong gugma ko sa akong duha ka mga anak nga lalaki, **Tim ug si Jason**. Gipasalamatan ko usab ang akong omagad, **Jeff Brawner**, nga nagtrabaho usab niini nga manwal ang maoy nag-andam sa mga grapika sa istratehiya nga seksiyon niini nga libro. Sa katapusan akong gipasalamatan ang akong anak nga babaye nga si **Cristy**, nga maoy naghubad niini nga libro gikan sa Portuguese ngadto sa English nga pinulungan ug mao pud ang nagsulat sa “Good News of Jesus” (Maayong Balita gikan kang Jesus) ug ang “Beginning a New Life in Christ” (Pagsugod ug Bag-ong Kinabuhi diha Kang Jesus) nga mga sugilanon.

Cristy, Tim ug Jason gihigugma ko kamo.

Thomas Wade Akins

KAHULOGAN

MAGSUSUGOD - Kini nga termino gigamit alang sa usa ka tawo o mga tawo nga nag-abli ug bag-ong buluhaton ug pagtanom ug bag-ong mga iglesia.

EBANGHELISMO O PAGWALI sa EBANGHELYO - Kini nga termino nagpasabot “isangyaw ang Maayong Balita ni Jesu-Cristo”. Ang ebanghelyo gisaysay sa 1 Corinto 15:3-4 nga nag-ingon, “nga si Cristo namatay alang sa atong mga sala sumala sa nahisulat sa Kasulatan. Gilubong siya ug sa ikatulo ka adlaw gibanhaw sumala sa nahisulat sa Kasulatan...” Mao kini ang maayong balita sa ebanghelyo. Ang pagsangyaw niining maayong balita ngadto sa nangawala nga katawhan sa kalibotan mao ang ebanghelismo.

UNSAON PAGGAMIT ANG LIBRO SA TAGSUGOD SA PAG-EBANGHELYO

Kini nga libro adunay tulo ka bahin:

- 1. Ang Prinsipyo**
- 2. Ang Praktikal**
- 3. Ang Plano**

Ang Prinsipyo naghatag ug Biblikanhong basihan sa pag-ebanghelyo, pagdisipulo ug pagtanom sa iglesiya. Ang Biblia mao ang Balaang Pulong sa Dios ug busa ang atong awtoridad nga maoy gitudlo kanato sa Dios sa Iyang kamatuoran kon unsaon pagkinabuhi ug unsaon pagbuhat ang Iyang ministeryo. Itudlo kining mga Biblikanhong Prinsipyo aron mahatagan ug maayong patukoranan sa paghibalo kon kinsa ang serbehan o alagaran, ang ministeryo ni Jesus ug unsaon sa pagsunod ang Iyang pagpamuhat sa atong ministeryo, ug ang katuyoan sa usa ka iglesya.

Ang Praktikal naghatag kung “unsaon sa” ang mga ang-ang sa pagtudlo, aduna kiniy duha ka bahin:

Unang Bahin: Unsaon Sa Pagsugod ug mga Bag-ong grupo o Bag-ong Iglesia nga nagtudlo unsaon pagtudlo sa ebanghelyo bisan unsa sa duha; ang pagpatubo sa imong iglesiya o pagsugod ug bag-ong mga iglesiya. Kini himuon pinagi sa:

- ◆ Pagpangita ug pagpaambit sa gugma sa Dios sa mga tawo nga diin ang Balaang Espiritu nagalihok sa ilang kinabuhi ug dad-on sila diha kang Cristo
- ◆ Pagpaambit sa Ebanghelyo kanila pinaagi sa paggahin ug han-ay nga mga Pagtuon sa Biblia
- ◆ Pagdisipulo sa mga bag-ong magtutuo pinaagi sa mga Pagtuon sa Biblia

Ikaduhang Bahin: Unsaon Pagdisipulo Ang Imong Panon-hatagig materiyales ug mando kon unsaon sa pagsipulo ug pagbansay ang imong panon.

Ang Plano maghatag ug estratehiya o paagi kung unsaon sa pagpatubo pinaagi sa pagpadaghan. Ang prinsipyo sama sa gibuhat ni Pablo sa 2 Timoteo 2:2, pagbansay sa uban sa pagbansay sa uban kinsa mobansay sa uban, ug uban pa.

**BIBLIKANHONG
PRINSIPYO**

**PAG-EBANGHELYO,
PAGDISIPULO
UG PAGPANANOM UG
IGLESIA**

MGA BIBLIKANHONG PRINSIPYO O SUMBANAN SA PAG-EBANGHELYO, PAGDISIPULO UG PAGPANANOM UG IGLESIA

I. UNSA ANG TAGSUGOD SA PAG-EBANGHELYO?

Kini mga ministeryo nagsugod sa tuig 1989 sa nasod sa Brazil human nga giistudyohan ang situwasyon sa lokal nga pagpananom ug iglesia. Samtang nga si Thomas Wade Akins anaa sa iyang una nga termino sa pagserbisyo isip usa ka misyonaryo ubos sa International Mission Board sa Southern Baptist Convention, siya misulod sa usa ka language school o eskuwelahan sa pagtuon ug mga nagkadaiyang lingguwahe sa kalibotan sulod sa usa ka tuig, ug sa iyang pag-abot sa nataranan sa pagpamuhat iyang gimugna ug giugmad ang plano alang sa pagtanom ug iglesia. Sulod sa iyang termino, siya nagsugod ug dose ka bag-ong Baptist nga mga kongregasyon sa nasod sa Minas Gerais, Brazil.

Human sa pag-abot gikan sa iyang bakasyon, gibati ni Thomas Wade nga ang trabaho nagahinay. Didto nga panahon nga siya nagsugod sa pagtuon ug pagbasa sa mga nagkadaiyang pamaagi sa pag-ebanghelyo. Ang libro ni Dr. Charles Brock nga Indigenous Church Planting, mao ang nag-giya kang Thomas Wade sa iyang pagsusi. Tungod niana nga proseso, si Thomas Wade nakaugmad ug ministeryo sa pagbansay gibase sa Biblia ug sa libro ni Dr. Brock ug uban pa nga mga tuburan niini nga manuwal. Ug iya usab nga naugmad ang sistema sa pagpananom ug mga kaiglesiyahan nga diin napasiugda sa panahon sa iyang unang termino isip misyonaryo sa Brazil.

Sa dihang ang programa nahisulat na sa orihinal nga porma, adunay ginabansay nga kuwarenta ka mga lalaki ug babaye aron magpadayon sa plano. Sa duha lamang ka tuig, nasulod nila ang saysentay tres nga mga nagkadaiyang siyudad sa nasod sa Minas Gerais ug nagsugod ug mga bag-ong kongregasyon. Kini nga mga tagsugod sa pag-ebanghelyo nagapadala ug mga report sa ebalwasyon kada bulan sa Evangelism ug Mission Department sa Minas Gerais Baptist Convention. Sa kataposan sa duha ka tuig, adunay grupo sa mga magbuhat ug ebalwasyon aron tun-an ang kinatibuk-ang ministeryo. Sa sunod nga tulo ka tuig, adunay dugang

pa nga mga grupo ang naporma sa nagkalainglaing bahin sa Brazil. Mga pastor, layman, ebanghelista ug mga pangulo sa konbensiyaon gibuhat ang pagtimbangtimbang sa matag-aspeto sa ministeryo. **Sa dose ka tuig, 200 ka mga kaiglesiahanan ang naorganisa; 179 ka mga kongregasyon ang nasugdan; ug 383 ka mga dapit sa pagwali ang nagsugod sa nasod sa Minas Gerais, Brazil.** Kani tanan gisugdan sa Tagsugod Sa Pag-ebanghelyo, ug ang mga istatistika o kaihapan nahisulat sa mga surbey o pagsusi ug mga report sa konbensiyaon. Niadtong 2000, mga 20,000 ka mga Brazilians ang gibansay sa kinatibuk-an sa Brazil ug sobra sa 1000 ka mga bag-ong buluhaton ang gisugdan. Karon, daghang ginatos ka mga grupo sa tagsugod sa pag-ebanghelyo ang naporma kada tuig aron sa pagpananom ug mga bag-ong buluhaton sa tibuok kalibotan.

Kini nga manuwal ug mga pamaagi resulta sa ginatos ka mga lalake ug babayeng magbubuhat nga gisunod ug gibuhat ang programa. Sila gigamit sa Ginoo aron sa pagkab-ot sa mga kaliboan ka mga tawo nga wala pa makaila kang Cristo ug sa pagbansay sa mga kaliboan ka mga pastor, misyonaryo ug layman aron pagsugod ug mga bag-ong iglesia. Ang tumong diha sa Brazil mao ang pagbansay ug kaliboan nga pastor ug pangulo sa pagsugod ug bag-ong kaiglesiahanan. Sila nakatuon sa mga importanteng mga sukaranon nga gipresentar niini nga manuwal, diin ang mga prinsipyo mahimong magamit ug maaplay sa bisan unsang kultura ug mga nasod sa kalibotan. Sa pagbutang niini ug simple nga mga termino, **ang Tagsugod sa Pag-ebanghelyo nga metodo o paagi apil ang pagbansay sa mga magbubuhat nga ebanghelista aron sa pag-adto sa mga dapit nga walay mga iglesia, pagdaug sa kalag ngadto kang Cristo ug magsugod ug mga bag-ong buluhaton.**

Ang pangutana karon mao ang, “Unsaon man nga mapadali ang pagwali sa ebanghelyo ug makasugod ug bag-ong iglesia?”. Ang tubag, sa akong opinyon o hunahuna, mao ang pagbansay sa mga magbubuhat nga mga ebanghelista sa tibuok kalibotan ug tudloan sila unsaon pagsugod ug pagpauswag ang bag-ong mga buluhaton.

Atong tan-awon ang mga nagkadaiyang problema nga giatubang sa atong mga pangulo karon sa moderno nga katilingban:

1. Kakulang sa Panglantaw
2. Wala mabansay nga mga layman

3. Kakulang sa Interes o kaikag
4. Pagkawala sa mga membro sa iglesia
5. Kakulang sa kooperasyon sa matag iglesia
6. Kalisdanan sa pagsulod sa mga balay sa dagkong siyudad.
7. Taas nga presyo sa mga luna ug pagtukod

Ato bang madaog kini nga mga problema? Kini atong madaog! Sa pagkatinuod, nadaog na kini ni Cristo. Apan, kinahanglan nga atong tun-an pag-usab ang mga sukaranan nga pamaagi sa Biblia, ug ilabi na gyod ang mga pamaagi nga gigamit ni apostol Pablo nga mao ang atong modelo isip usa ka misyonaryo.

Si Dr. Dennis Blackmon, misyonaryo sa Brazil, gitino ang upat ka sukaranang modelo aron sa pagsugod ug mga bag-ong iglesia.

A. Upat ka modelo alang sa pagtanom ug mga bag-ong iglesiya:

1. Ang Naandang Modelo nga adunay pipila ka mga magtutuo.

- a) Ang iglesia gitan-aw ang dapit sa buluhaton.
- b) Ang iglesia magdapit ug magbubuhar, nga dili kinahanglan nga usa ka pastor, aron sa pagsugod sa bag-ong buluhaton.
- c) Ang magbubuhar mangita ug dapit alang sa tigomanan ug magsugod sa pagdapit ug mga tawo sa pag-apil sa pagtuon sa Biblia ug pagsimba.
- d) Ang simbahan magkuha sa suporta sa lima hangtod sa napulo o daghan pang mga Cristohanon nga nahimutang o nagpuyo sa maong dapit.
- e) Ang pipila ka mga bag-ong magtutuo ug ang magbubuhar magsugod ug usa ka kongregasyon uban ang panalapi nga tabang o suporta sa iglesia.
- f) Ang iglesia maoy magbuhar sa mga desisyon ug maoy magpatigayon sa mga galastoanan sa bag-ong iglesia: ang propedad, ang bilding ug ang suweldo.

2. Ang Naandang Modelo nga walay mga magtutuo.

Ang iglesia maoy magdominar sa tanan hangtod nga ang bag-ong buluhaton mahimong opisyal na nga organisado nga bag-ong iglesia. Ang kalahian lamang niini, wala nay orihinal nga suporta gikan sa lokal nga grupo sa mga magtutuo.

3. Ang Modelo sa Pinasahi nga Proyekto

Ang iglesia ang magtan-aw sa dapit nga pagahimoon ang proyekto nga magresulta sa dako nga buluhaton. Usa sa mga kinaiyanhon nga komunidadhon nga proyekto mao ang Pagtuon sa Biblia o pag-ebanghelyo, pagministeryo sa mga wala pa nakab-ot nga komunidad. Kini nga mga proyekto pilion lamang sa organisasyon kung aduna silay igo nga panalapi ug mga magbubuhar.

Pananglitan, niadtong 1992 adunay dako nga baha sa nasod sa Minas Gerais, Brazil. Gatosan ka mga tawo ang nawad-an ug panimalay. Si Barbara Akins nakakuput ug pundo gikan sa organisasyon sa mga misyonaryo aron sa pagtabang ug pagpatindog sa mga balay. Ang Mayor sa siyudad naghatag ug luna, ug nasugdan ang bag-ong komunidad nga ginganlan ug BETHEL – ang siyudad sa Diyos. Napatindog nila ang 70 ka mga balay ug nagbuhar sila ug mga Pagtuon sa Biblia. Ang mga tawo naluwas hinungdan nga nasugdan ang iglesia. Kasagaran, sa paggamit sa Proyektong Espesyal nga pamaagi, ang magbubuhar mao ang maghimo sa proyekto, ug ang orgaisasyon o iglesia ang maghatag ug dapit sa tigumanan ug opisyal nga pagaablihan ang misyonhong buluhaton.

Sa paggamit sa proyektong espesyal nga pamaagi, mahimong maimplementar usab ang samang prinsipyo o mga kinaiyahan sa Tagsugod sa Pag-ebanghelyo nga mga pamaagi. Pagbansay sa mga nagsugod o mga membro sa iglesia aron sa pagtuon sa Biblia sa ilang mga panimalay aron makasugod ug iglesia.

4. Ang Modelo sa Tagsugod sa Pag-ebanghelyo

- a) Ang simbahan ang magtan-aw sa dapit nga kinahanglang kab-uton.
- b) Ang pastor o pangulo ang magpili sa mga “hamtong nga

mga pangulo” aron sa pagdala sa buluhaton.

- c) Ang pastor o pangulo ang mag-edukar sa mga pangulo. Ang katuyoan niini nga manuwal mao ang pagpakita unsaon sa pagbansay kanila.
- d) Ang mga pangulo ang magsugod sa bag-ong buluhaton pinaagi sa pagbuhat ug mga pagtuon sa Biblia sa pinuy-anan sa mga dili pa magtutuo.
- e) Ang mga bag-ong magtutuo tigumon sa usa ka dapit nga gikasabotan sa tanan ug magsugod ug bag-ong iglesia diin dinumalaan, sinuportahan, ug ubos sa pagdumala sa Dios.
- f) Ang Tagsugod sa Pag-ebanghelyo giyahan ang bag-ong grupo sa paghimo ug mga desisyon ilabina gayod sa panalapi nga bahin. Kung gusto nila magrenta ug dapit, kinahanglan magbayad sila, ang tanang desisyon ang iglesia ang magpasiugda niini.

II. ANG BIBLIA UG ANG KULTURA

Importante kaayo nga atong ibulag ang Biblikanhon ug ang Kulturanhon nga bahin. Si Thomas Wade usa ka Amerikano, apan ang Dios mitawag kaniya isip usa ka misyonaryo sa Asia (Vietnam), Amerika (Washington DC), Africa (Zimbabwe), Brazil ug karon siya nagapasiugda ug mga pagtuon nga konperensiya sa tibuok kalibotan.

Ang matagdapit sa kalibotan adunay kaugalingon ug talagsaon nga kultura. Ang buluhaton sa Dios nabuhat base sa Biblia ug base usab sa kultura sa matagnasod. Dili kini binase sa mga relihiyosong tradisyon sa kultura. Pananglitan, didto sa Amerika kadaghanan sa mga iglesia magsugod sa ilang mga panimbahon sa Dominggo sa alas 11 sa buntag. Kini ba nagpasabot nga ang tanan nga mga panimbahon sa kalibotan magsugod gyod sa alas-onse? Dili! Sa Amerika, daghang mga iglesia ang naggamit ug mga himno sa musika. Kini ba nagpasabot nga ang tanang iglesia sa kalibotan naggamit ug himno? Dili! Siguro kung pilion nila ang paggamit niini, apan kinahanglan nga maggamit sila sa musika binase sa ilang kultura ug instrumento sa pag-awit. Ang iglesia puwede mogamit ug mga electric guitar, mga trumpeta, mga kombo, ug uban pa nga mga instrumento.

PAHIMANGNO! Ang musika dili pagdayeg. Ang musika maoy paagi sa pagdayeg. Kini paagi aron nga mapadayag ang atong pagbati diha sa Ginoo. Ang importante nga ang musika mapadan-ag o mapahayag ang kultura sa mga tawo ug dili kinahanglan ang kultura sa nagsugod sa buluhaton o misyonaryo. Imposible kaayo nga mahimo kang misyonaryo o ebanghelista kon wala nimo masabti ang kultura sa usa ka komunidad.

Adunay daghang kultura nga nahimutang sa usa ka nasod. Importante kaayo sa usa ka tagsugod nga makahibalo ug makasabot sa kultura sa mga tawo nga naa sa lugar diin siya nagplano nga magsugod sa bag-ong buluhaton. Importante usab nga dili niya usbon ang kultura nila apan ang pagministeryo kanila ug tugotan si Cristo nga maoy mag-usab sa kasingkasing sa mga tawo. Ang mga kinahanglan nga usbon sa kultura mao lamang kadtong sukwahi sa mga prinsipyo sa Biblia. Pananglitan, sa ubang kalasangan sa kalibotan, adunay mga tawo nga nabatasan na ang pagsakripisyo sa ilang mga bag-ong nahimugso nga bata. Kini nga kinaiya sukwahi gayod sa gitudlo sa Biblia. Sa kini nga kaso, ang tagsugod maghulat nga ang Dios mag-usab sa kultura pinaagi sa pagwali sa kamatuoran sa ebanghelyo (maayong balita).

Naeksperyensyahan (nasinatian) ni Thomas Wade kini sa panahon nga naa siya sa Washington DC. Sa pagbalik niya sa Amerika sa tuig 1970, human nga nahimo siyang misyonaryo sa South Vietnam, nakita niya ang minilyon nga mga batan-on nagpuyo sa mga kadalanan. Sila mibiya sa ilang mga panimalay, sila nagdroga, dunay tag-as nga mga buhok, naga-awit ug mga ngil-ad nga musika, nagsuot ug Amerikano Indian nga mga bisti ug nagaprotesta batok sa Vietnam War. Sila ginatawag nga mga “hippies”.

Walay usa niining mga batan-on nagaadto sa iglesia. Kon kini nga mga batan-on nagkinahanglan kang Cristo, ang iglesia unta ang moduol kanila. Si Thomas Wade nagbisti Amerikano Indian nga bisti, ug nagpataas sa iyang buhok ug miduyog sa ilang kultura. Apan wala siya nag-inom o nagdroga. Nag-abli siya ug karinderya sa siyudad sa New England. Gipagawas ang tanan nga mga bangko aron ang tanan molingkod sa salog, giilisan ang suga ug asul nga mga hayag, ug nagbutang siya ug dako nga krus sa at-

bang nga adunay pula nga hayag nga midan-ag niini. Ang Baptista nga iglesia nag-andam sa pan ug kape matag-adlaw.

Matag-adlaw, gikan sa alas 3:00 sa hapon hangtod sa alas 2:00 sa kaadlawon, si Thomas Wade uban ang iyang asawa ug ang grupo niya nag-abli sa iyang mga pultahan ug gitugotan ang mga “hippies” nga musulod ug mokaon sa mga pan ug moinom sa mga kape nga libre lamang. Ang mga “hippies” moabot ug manglingkod sa salog samtang si Thomas Wade ug ang iyang grupo makiglingkod uban kanila ug makig-istorya kanila mahitungod sa ilang mga kinabuhi. Si Thomas Wade uban ang iyang grupo gidala ang mga kadaghanan dinha kang Cristo tungod kay andam sila nga mogawas sa ilang iglesia ug mosulod sa kultura nga dili kinahanglan nga moadto pa kining mga batan-on sa iglesia aron lang makadungog sa ebanghelyo (maayong balita). Mogawas kita igsoon.

Ang punto mao nga ang matagdapit sa nasod adunay kaugalingon nga kultura. Importante kaayo nga ang buluhaton sa tagsugod sa pag-ebanghelyo nga kontekstuwal sa lokal nga kultura sa usa ka dapit ug dili nga mahayloan sa ubang kultura sa ubang dapit. Ang Tagsugod kinahanglan nga magwali sa ebanghelyo, tungod ang ebanghelyo mismo ang mag-usab sa mga aspeto sa kultura nga wala sa Biblia.

III. ANG BIBLIA UG ANG IYANG AWTORIDAD

Ang matag-usa sa kalibotan adunay gigikanan sa iyang awtoridad. Si Dr. Ralph Neighbor, Jr., sa iyang libro nga “Survival Kit” (Broadman Press), gihulagway ang upat ka mga tuburan sa awtoridad aron sa pagtino kung unsa ang husto ug unsa ang sayop.

1. **Kahibalo:** Kon ang tawo magtino kung unsa ang husto pinaagi sa paggamit sa iyang abilidad aron sa paghatag katarungan kung asa ang sayop ug husto, maayo o dili, posible o imposible, ug uban pa. Pananglitan, ang tawo nga magsalig sa iyang kahibalo mahimo nga ilimud o idumili ang mga milagro ni Jesus kay tungod dili niya mapamatud-an sa siyentipiko nga pamaagi. Ang Isaias 55:8 nag-ingon, “Kay ang akong hunahuna dili sama sa inyong hunahuna, ug ang akong mga laraw dili sama sa inyong mga laraw, nag-ingon ang Ginoo.”

2. **Kasinatian:** Kon ang tawo maghukom sa husto ug sayop pinaagi sa iyang panaghap, pagsabot ug pagbati. Pananglitan, usa ka adlaw si Thomas Wade nakasakay ug taxi sa siyudad sa Rio de Janeiro, Brazil ug gipaambit niya ang pulong sa ebanghelyo sa drayber niini. Ang drayber usab gipaambit ang usa ka mga panagtigum nila sa iyang relihiyon nga adunay usa ka buta ug nakakita kini pag-usab. Sa dihang si Thomas Wade nangutana kung unsa ang pangalan sa simbahan sa drayber, mitubag ang drayber nga dili siya Cristohanon ug bisan pa gani ang iyang relihiyon dili matawag nga Cristiano.

Si satanas adunay gahom nga maghimo ug mga milagro, apan dili niya maluwas si bisan kinsa ni mahatagan ug tiunay nga kalinaw ug pagpasaylo. Usahay gamiton niya ang iyang mga milagro sa paglimbong sa mga tawo. Ang Biblia nag-sulti sa **II Tesalonica 2:9-12**, **“Ang Tawong Yawan-on moanhi nga may gahom ni Satanas ug maghimo sa tanang matang sa milagro ug mga buhat nga katingalahan. Gamiton niya ang tanang paagi aron malimbongan ang mga laglagonon. Pagalaglagon sila kay wala man nila dawata ug higugmaa ang kamatuoran. Kon gibuhat pa nila kini, maluwas unta sila. Tungod niini, gipadad-an sila sa Dios ug dakong kalibog aron motuo sila sa bakak ug aron kasilotan ang tanan nga wala motuo sa kamatuoran apan nagpatuyang hinuon sa pagpakasala.”**

Ang uban nag-ingon; “Ako nagtuo sa gahom sa mga druga ug mga ilimnon tungod kay nabati ko ang kaayohan kung mogamit ako niini”. Ang gigikanan sa awtoridad niini nga tawhana mao ang iyang pagbati lamang. Kini usa ka piligroso nga pamaagi sa pagtino sa imong sistema sa pagtuo. Ang uban nag-ingon, “Ako nagtuo niini nga mananambal o tambal tungod kay nahimo niya ang pag-ayo sa balatian.” Apan ang mananagna, nga maghimo ug nagkalainlaing butang, sama sa pagsulti sa umaabot, pagpanambal, dili na Iya sa Dios. Dili nato mahimo nga basehanan ang atong pagtuo sa mga milagro, pagbati bisan pa gani ang atong mga eksperyensya (kasinatian). Hinunoa ang basehanan sa imong pagtuo mao si Jesu-Cristo, nga mao Siya ug ang Iyang saad diha sa Pulong sa Dios.

3. Tradisyon: Kini usa sa mga dagkong problema nga giatubang ni Cristo. Nakiglantugi Siya batok sa mga tradisyon sa mga Judio tungod kay ilang ginasunod ang ilang mga tradisyon kaysa sa panginahanglan sa tawo. Sa Marcos 3:1-6, atong mabasa nga ang mga Pariseo gi-sulayan si Jesus:

Bersikulo 1— Dinhi atong makita unsay nahitabo sa pag-adto ni Jesus ngadto sa sinagoga. Ang sinagoga puno sa mga tawo ug diha sa tunga sa kadaghanan dihay tawo nga kimay ang kamot.

Bersikulo 2— Ang mga tawo nagsugod sa paghunghunganay sama niini, "Nakita ba nimo kinsa kining nagpadulong dinhi?" "si Jesus" "Nakita ba nimo kinsa kanang naglingkod diha?" " Ang tawo nga kimay ang kamot" "Naghunahuna ka ba nga si Jesus moayo kaniya?" "Wala ko mahibalo, karon ang Adlawng Igpapahulay."

Bersikulo 3— Si Jesus miingon sa tawo sa pagtindog, dali ngari ug unya Iyang gipangutana ang mga tawo kon unsay mahinungdanon sa sama niini, "Sala ba ang pag-ayo niini nga tawo?"

Bersikulo 4— Ang tanan hilum ug si Jesus mitan-aw kanila uban ang kalagot tungod sa pagkagahi sa ilang mga kasingkasing.

Bersikulo 5— Si Jesus miingon sa tawo, "Ituy-od ang imong kamot." Ang tawo mituy-od sa iyang kamot ug naayo kini.

" Dalaygon ang Ginoo ang kamot sa tawo naayo!" Apan dili kini nga paagi ang mga tawo moduol. Basaha ang bersikulo 6.

Bersikulo 6— Ang mga sakop sa pundok ni Herodes ug mga Pariseo namiya ug naglaraw sila sa pagpatay kang Jesus.

Ilang giplano ang pagpatay kang Jesus sa sinugdanan pa sa iyang pagministeryo – dili sa katapusan niini. **NGANO?**

- 1) Unsa ang problema dinhi? Adlawng Igpapahulay niadto.
- 2) Unsa ang problema sa pag-ayo sa tawo nga masakiton sa Adlawng Igpapahulay? Kay sukwahi kini sa tradisyon

sa relihiyon.

- 3) Nagtuo ka ba nga si Jesus bahin sa Trinity o Pagkatulo ug ang Anak sa Dios?
- 4) Nagtuo ka ba nga si Jesus mao ang Ginoo sa Adlawng Igpapahulay?
- 5) Nagtuo ka ba nga sa dihang giayo ni Jesus kadtong tawo sa Adlawng Igpapahulay Siya misupak sa Iyang Amahan sa langit?
- 6) Unya, unsa man ang problema?

**ANG MGA PANGULO SA RELIHIYON NAGBUHAT UG
DUGANG NGA MGA BALAOB UG MGA TRADISYON NGA
WALA BUHATA SA DIOS.**

**Unsa man ang kalabotan niana sa Tagsugod sa Pag-
ebanghelyo ug pagtanom sa iglesiya? TANAN MAY
KALABOTAN!!!!**

Sa dihang si Pastor Thomas Wade Akins miadto sa Brazil giporma niya ang grupo sa mga tigtanom ug iglesia. Kadaghanan kanila mga dili batid nga magbubuhat. Gitudloan niya sila "unsaon sa pagsangyaw ug unsaon sa pagsugod ang bag-ong iglesia". Sila miadto sa mga lungsod ug nadala ang katawhan ngadto kang Cristo ug Sila nakasugod ug 63 bag-ong mga buluhaton sulod sa duha ka mga tuig.

Luyo niini, Si Thomas Akins nag-atubang ug tulo ka kusganon nga mga tradisyon nga gibuhat lamang sa tawo, diin malig-on ug gipugngan gayod ang pagpadaghan sa pagpananom ug mga iglesia.

Tradisyon #1— Human nga madala nila ang mga katawhan ngadto kang Cristo, Si Ptr. Thomas Wade nag-ingon, "Kinahanglan nga atong tugotan ang mga bag-ong ebanghelistang magbautismo niining mga bag-ong magtutuo ug himuon nila ang Balaang Panihapon". Apan ang uban nga mga pastor miingon, "Dili kana mahimo tungod wala pa sila maordenaha".

Si Thomas nagtubag pinaagi sa pagpangutana, "Asa man sa Biblia nga gitudlo kana?" Ang tubag mao, "Ang Biblia wala magtudlo niana apan mao kana ang among 'tradisyon' (naandan) o balaod dinhi."

Ang sistema sa moderno nga pag-ordena wala mahisgoti sa Biblia. Ang pag-ordena dinhi sa Biblia DILI usa ka opisyal nga serbisyo o programa. WALAY pormal nga mga serbisyo sa pag-ordena. Ang pulong nga “ordena” nagpasabot nga “aron sa pagpili, sa pagmando o pagsugo”. Sa Juan 15:16, si Jesus mao ang “nagpili” (ordena) sa iyang mga disipulo. “Dili kamo ang nagpili kanako. Ako ang nagpili ug nagtudlo kaninyo aron kamo manglakaw ug mamunga ug bunga nga molungtad.”

Sa Buhat 14:23, si Pablo “nagpili” (ordena) ug mga katigulangan. “Si Pablo ug Barnabas ‘nagpili’ ug mga katigulangan alang sa ila sa matag iglesia ug, uban sa pagampo ug pagpuasa, gitugyan sila sa Ginoo, diha kaniya ang ilaang pagsalig” Kini nga mga katigulangan mga pangulo sa mga kaiglesiahan nga gisugdan ni Pablo?

Ang ordinasyon buhat sa Dios dili sa tawo nga naa sa Biblia. Ang Dios ang nagpili, nagbuot ug nagsugo sa mga pangulo o magbubuhat. Sa atong moderno nga sistema sa ordinasyon sa ubang mga nasod kini dugang na lang. Sa ubang dapit usab, ang pangulo o magbubuhat kinahanglan nga makakompleto sa iyang pagtuon sa usa ka Tulunghaan Sa Biblia o Seminaryo una maordenahan. Unsa man nga seminaryo ang gisudlan ni Jesus? Unsa man nga seminaryo ang gisudlan ni Pablo, Pedro ug Juan?

Ako mangutana kanimo, kinsa ang nagbautismo kang apostol Pablo? Usa ka Pastor o magbubuhat? Pila ka mga tawo ang gibautismohan ni Jesus?

Asa man nato nakuha ang ideya nga ang mga pastor LANG ang makahimo sa pagbautismo ug sa pagpanguna sa Balaang Panihapon? Sa kinabuhi sa iglesia atong gigamit ang Daang Kasabotan nga sistema sa iglesia diin ang Pari maoy manguna sa tanang tawo. Ang uban nga inpluwensya nakuha sa Romano Catolico nga iglesia.

Tradisyon #2- Si Thomas usab nag-ingon, “Kinahanglan atong iorganisa kining mga kongregasyon ngadto sa iglesia”. Ang uban usab miingon, “Dili nato kana mahimo hangtod nga dili sila makaangkon ug luna ug gambalay”. Si Ptr. Thomas mitubag sa pagsulti, “Asa man

makita sa Biblia nga nagtudlo niana”. Ug usab, ang ilang tubag, “Ang Biblia wala magtudlo niana apan mao kana ang among tradisyon (naandan)”.

Tradisyon #3– Sa ubang nasod ang mga Pastor miingon, “Ang atong konstitusyon sa Konbensiyon nagsulti nga dili kita maka-organisa ug iglesia hangtod nga dili moabot ang kongregasyon ug 50 ka membro”. Usab si Ptr. Thomas miingon, “Asa man makita sa Biblia nga nagtudlo niana?” Ang tubag, “Wala apan mao kana ang among tradisyon (naandan)”.

Sa daghan kahigayonan nga ang atong mga tradisyon masmolabaw pa sa pulong sa Dios ug mao usab kana ang mismong nasinati ni Cristo. Kung gusto kita nga makakita ug dakong pagtubo sa Ginharian sa Dios ug daghang iglesiya ang matukod, kinahanglan kita nga mobalik sa Biblia ug sundon ang pulong sa Dios ug ibutang ang Biblia labaw sa mga balaod ug tradisyon (naandan) nga gihimo sa tawo. Kung gusto kita nga makita sa tinuod nga kalihokan sa pagpananom ug iglesia sa atong kalibotan, kinahanglan atong iampo hatagan ug kagahom ang atong mga magbubuhay nga ebanghelista sa pagbuhay sa mga buluhaton nga ang Ginoo nagtawag kanila ug sundon ang mga gitudlo sa Biblia kung unsa gyod ang usa ka iglesia.

Kung atong ibutang ang tradisyon ibabaw sa pulong sa Dios, gihimo natong walay bili ang Iyang pulong. Si Jesus miingon sa Mateo 15:6-9, nga ang mga tawo hipokrito. “Sa ingon niana, gitudloan ninyo siya sa dili pagtahod sa iyang amahan. Kini maoy inyong paagi sa pagsalikway sa pulong sa Dios aron ang inyong kaugalingong pagtulon-an maoy matuman. Mga tigpakaaron-ingnon! Husto gayod ang giingon sa Dios pinaagi kang Isaias mahitungod kaninyo:

Kining mga tawhana, nagpasidungog kanako sa pulong lamang, apan layo kanako ang ilang kasingkasing. Walay kapuslanan ang ilang pagsimba kanako, kay ilang gitudlo ingon nga balaod sa Dios ang mga sugo nga hinimo lamang sa tawo!”

- 4. Balaang Kasulatan:** Ang pulong sa Dios mao lamang ang gigikanan sa atong tinuod nga awtoridad. Ang Dios nagpadayag sa kamatuoran pinaagi sa Iyang sinulat nga Pulong. Kini dili na mausab ug kompleto kini sa kaalam.

Si Jesus nag-ingon sa Juan 8:32 “Mahibalo kamo sa kamatuoran ug ang kamatuoran maghatag kaninyog kagawasan.”

Isaias 40:8 nag-ingon, “Malaya ang sagbot ug malarag usab ang bulak apan molungtad hangtod sa hangtod ang pulong sa atong Dios.”

Salmo 119:105 nag-ingon, “Ang imong pulong maoy suga nga magtultol kanako ug maoy kahayag sa akong agianan.”

Salmo 119:140 nag-ingon, “Motuman ka gayod sa imong saad ug gihigugma kini pag-ayo sa imong sulugoon.”

Salmo 119:160 nag-ingon, “Ang imong mga pulong matuod gayod, ug ang tanan mong mga sugo molungtad sa kahangtoran.”

Juan 14:6 nag-ingon, “Si Jesus mitubag, “Ako ang dalan, ang kamatuoran ug ang kinabuhi. Walay makaadto sa Amahan kon dili moagi kanako.”

Unsa ang kamatuoran?

A. Jesu-Cristo

B. Ang Pulong sa Dios

IV. KINSA MAN ANG MAHIMO NGA TAGSUGOD NGAEBANGHELISTA?

Sa Bag-ong Kasabotan, atong nakita ang nagkadaiyang mga responsabilidad sa pagpangulo. Ang istraktura sa primitibong iglesia dili komplekado; sa pagsupak, kay kini simple kaayo.

Si Apostol Pablo nagsubay sa mga proseso sa pagtanom ug iglesia:

1. Siya misulod sa siyudad:

Buhat 13:5,6,14; 14:1,6,24,25 – ang iyang unang paglawig

Buhat 16:12; 17:1, 10, 15; 18:1,19 – ikaduhang paglawig

Buhat 19:1; 20:2 – ikatulong paglawig

2. Siya nagwali sa ebanghelyo: Buhat 14:3,7,21,25

3. Siya nagdala ug mga kalag diha kang Cristo: Buhat 14:1,21;

19:8

4. Siya nagtudlo sa bag-ong mga magtutuo: **Buhat 14:22; 18:23; 19:9,10**
5. Siya nagbansay ug nagsangkap sa lokal nga mga pangulo: **Buhat 14:27; 15:36; 16:5; 20:20**
6. Siya nag-organisa sa mga iglesia ug nagpili ug hamtong (lokal nga mga pangulo) aron sa pag-panguna sa pagpangulo sa lokal nga iglesia: **Buhat 14:23; 20:17,28**
7. Siya mibiya sa siyudad ug mibalhin sa ubang siyudad alang sa pagpamuhat usab: **Buhat 20:36-38**

Kini mao ang angay nga proseso o pamaagi sa usa ka tagsugod nga ebanghelista, sa ilang paggawas sa pag-ebanghelyo ug pagsugod sa bag-ong mga iglesia.

Ang unang pangutana sa matag-usa mao ang, “Kinsa ang mahimong tagsugod nga ebanghelista?” Aron sa pagtubag niini nga pangutana, kinahanglan atong tun-an ang Efeso 4:11-12. Dinhi nga sulat adunay listahan kung unsa ang katuyoan sa usa ka iglesia.

Una niini ang “**apostol**”. Adunay duha ka klase sa apostoles. Ang unang mga disipulo ni Jesus mao ang mga apostoles. Si Pablo usa ka apostol. Ang pulong nga “**apostol**” nagkahulogan “**usa nga gipadala.**”

Ang ikaduhang grupo mao ang mga “**propeta.**” Ang mga propeta mao ang mga magwawali. Ang pulong nga “**propeta**” gipadayag sa Biblia sa 242 ka mga panahon. Ang Deuteronomio 18:18 naghulagway sa buhat niini. “***Magpili akog propeta nga ila rang kadugo sama kanimo, Moises. Ihatag ko kaniya ang akong mensahe ug isulti niya ang bisan unsa nga akong isugo kaniya.***”

Ang uban nga mga propeta sa Daang Kasabotan mao sila si Aaron (Ex.7:1), Moises, Eliseo, Isaias, Jeremias, Daniel ug daghan pang mga uban. Ang asawa ni Isaias usa usab nga propeta (Isaias 8:3). Sa Bag-ong Kasabotan, pipila ka mga ehemplo sa mga propeta mao sila si Jesu-Cristo, Agabo (Buhat 21:10) ug ang upat ka mga ligdong nga babaye (dalaga) anak ni Felipe (Buhat 21:9).

Ang ikatulong grupo mao ang mga “**ebanghelista.**” Kini nga mga tawo maoy magsangyaw sa maayong balita ni Jesu-Cristo nga ang katuyoan mao gayod ang pagdala ug mga kalag nga

nangawala. (Kini nga mga tawo ang atong ginatawag nga mga “tagsugod” sa ministeryo nga Tagsugod sa Pag-ebanghelyo). Sa Bag-ong Kasabotan, si Felipe usa ka magbubuhar, diakono ug ebanghelyista. **Sa Buhat 21:8 nag-ingon, “Sa pagkasunod adlaw miqikan kami ug miabot sa Cesarea. Miadto kami sa balay ni Felipe nga usa ka ebanghelyista ug didto kami miabot. Si Felipe usa sa pito ka tawo nga gipili didto sa Jerusalem.”** Siya usa ka magbubuhar nga nagwali sa ebanghelyo ngadto sa mga nangawala nga katawhan ug iyang gibunyagan sila. Sa Buhat 8:12 nag-ingon, “**Apan sa dihang midawat na sila sa mensahe ni Felipe mahitungod sa Maayong Balita sa paghari sa Dios ug sa ngalan ni Jesu-Cristo, sila, mga lalaki ug babaye, gibunyagan.**” Karon, sa tibuok kalibotan, aduna na kitay mga kalalakihan ug kababayehan nga magbubuhar nga mga misyonaryo sa pagsugod ug bag-ong mga iglesia.

Ang ikaupat nga ministeryo mao ang “**pastor-magtutudlo.**” Ang mga pastor mao ang mangunang magtutudlo. Sila ang mga pangulo sa espirituhanon nga bahin, mga alagad sa pag-giya sa mga tawo sa dalan sa Dios. Kinahanglan siya adunay gasa sa “pagtudlo” ug “pagsangkap.”

Matag-usa sa Cristohanon diha kang Cristo makadawat ug espirituhang gasa sa dihang ang Balaang Espiritu mosulod sa iyang kasingkasing sa panahon sa pagkakabig sa pagtuo. **1 Pedro 4:10 nag-ingon, “Ingon nga maayong piniyalan sa nagkalainlaing mga gasa sa Dios, kinahanglan nga gamiton sa tagsatagsa ang talagsaong gasa nga iyang nadawat gikan sa Dios alang sa kaayohan sa uban.”** Sumala sa Efeso 4:11-12, nga adunay mga membro sa iglesia nga naay espirituhang gasa sa pagkaebanghelyista (tigsangyaw sa Maayong Balita).

Kinsa man ang puwede mahimong tagsugod? Ang makatudlo sa ebanghelyo, makadisipulo ug makasugod ug bag-ong igleisya? Ang pastor ba puwede mahimong tagsugod? Ang magbubuhar ba puwede mahimong tagsugod? Ang lokal nga pangulo ba puwede mahimong tagsugod? Ang abogado ba puwede mahimong tagsugod? Ang magtutudlo ba puwede mahimong tagsugod? Ang misyonaryo ba puwede mahimong tagsugod?

Ang Matag-usa puwede mahimong tagsugod, iyang gibati ang tawag nga mahimong ebanghelyista ug tumanon ang Biblikan-hong kasarangan. Apan unsa man ang mga kuwalipikasyon (kasarangan) aron mahimong tagsugod, bisan pa man usa ka pas-

tor o usa ka magbubuhat?

1. Kinahanglan luwas (Buhat 9).
2. Gidawat ang tawag (Galacia 1:15-16).
3. Kinahanglan puno sa Balaang Espiritu (Galacia 5:16, Efeso 5:18, ug Buhat 13:9).
4. Kahibalo kon unsaon paggamit ang Pulong sa Dios (II Timoteo 2:15).
5. Gihandum ang pagpahimuot ug pagsunod sa Dios (I Tesalonica 2:4).
6. Higugmaon ang bag-ong mga nakabig (magtutuo) ug atimanon sila (I Tesalonica 2:7-12 ug Tito 1:9).
7. Kahibalo unsaon sa pag-ampo (I Tesalonica 1:2 ug Colosas 4:2-6).
8. Nagpuyo sa putli nga kinabuhi (I Timoteo 5:22 ug Tito 1:7-8).
9. Kinahanglan lig-on diha sa pagtuo (Tito 1:9).

Unsaon man nato pagdaug ang nasod diha kang Cristo ug pagsugod ug bag-ong iglesia sa mataglunsod, siyudad ug dapit kon dili kita mobansay ug mga hamtong nga magbubuhat nga adunay gasa ug magbuhat sa buhat sa ebanghelista sa pagpatigayon sa ilang gasa? Dili paigo ang mga pastor sa kalibotan aron sa pagkab-ot sa mga nangawala sa tibuok kalibotan ngadto kang Cristo. Ang mga katawhan sa Dios kinahanglan nga matudloan (mabansay) alang sa buluhaton!

Kon ang magwawali-mga magtutudlo magbansay sa daghang mga sundalo sa mga magbubuhat nga katawhan nga matagbo ang Biblikanhong mga kasarangan, atong matuman ang tumong sa pagsugod ug mga iglesia sa tanang mga siyudad, mga kasilinganan ug mga balangay (baryo) sa tibuok kalibotan.

Kinsa man ang mahimong tagsugod? **Bisan kinsa** nga gibati ang pagtawag sa Balaang Espiritu aron sa pagsangyaw sa maayong balita ni Cristo ug magsugod ug bag-ong mga iglesia.

V. ANG KATUNGDANAN SA USA KA TAGSUGOD NGA EBANGHELISTA ISIP PANGULO

Unsa man ang unang katungdanan sa pastor, sa

ebanghelista o tagsugod nga pangulo? Kinahanglan ba niya buhaton ang tanan? DILI!!! Siya usa ka espirituwal nga pangulo nga magserbisyo sa iyang mga katawhan.

Sa Efeso 4:11-13 klaro kaayo ang pagsaysay kung unsa ang unang katungdanan sa usa ka pastor. Ang Biblia nag-ingon nga ang Dios naghatag sa iglesia ug usa ka pastor-mga magtutudlo usab aron sa “pag-andam sa katawhan sa Dios sa mga buhat sa pagserbisyo aron nga ang lawas ni Cristo mapatukod.” Sa pagsangkap nagkahulugan sa pagtudlo sa mga katawhan aron sa pagbuhat ug usa ka “praktikal” (mabansayon) nga buluhaton (ministeryo), ug dili lamang sa pagtuon sa mga doktrina. **Sa lain nga pagkasulti, ang unang katungdanan sa usa ka pastor o pangulo mao ang pagbansay o pagtudlo ug pagsangkap sa mga magbubuhad aron sa pagpamuhad sa mga buluhaton (mga ministeryo) nga gihatag sa Dios kanila.**

Aron sa paghulagway sa katuyoan sa usa ka pastor, atong gamiton ang football team. Ang soccer team adunay mga magdudula ug coach. Ang coach ba ang moadto sa hawanan aron sa pagdula o siya ang magtudlo sa mga magdudula kung unsaon sa pagdula ang maong dula? Siyempre ang tubag niini mao nga ang coach ang magbansay o magtudlo sa mga magdudula unsaon sa pagdula.

Ang pastor sa usa ka iglesia o pangulo sa kongregasyon o mision DILI maoy magbuhad sa buluhaton (ministeryo) sa mga membro apan ang pagtudlo ug pagbansay kanila “unsaon sa” pag-ministeryo. Iyang tudloan ang iyang membro kung “unsaon sa” pagbuhad ang tanan niyang gibuhad apil na niini ang pagtudlo kanila kung unsaon pagsaksi, pagwali, pagbautismo, pagpanguna sa Ba-laang Panihapon. Tanan!

Si Thomas Wade nagtrabaho isip usa ka alalay sa karpentero sa usa ka industriya. Ang mga karpentero sakop sa usa ka 'union' (paghiusa). Usa ka adlaw niana ang karpentero ug si Thomas nagtrabaho sa taas kaayo nga bahin sa bilding o gambalay. Ang karpentero usa ka dakong tawo ug gikan sa iyang taas nga nahimutangan dili niya maputol ang usa ka kahoy. Mitan-aw siya sa ubos kung aduna bay nakakita kaniya ug siya miingon, “Thomas, ikaw magputol sa kahoy.” Si Thomas miingon, “Sigi, walay problema. Nganong nagtan-aw man ka sa palibot nga sama niana?” Ang karpentero misulti nga si Thomas dili usa ka membro sa mga karpentero (union) ug dili siya puwede magputol ug mga

kahoy o magdokdok ug mga lansang.

Sa daghang kanasoran karon sa moderno nga panahon, ang mga ministeryo (buluhaton) morag adunay “Union sa Pastor” (paghiusa). Nga ang mga Pastor lang makabautismo, manguna sa Balaang Panihapon, ug uban pa, apan ang mga membro dili puwede. Ang Pulong sa Dios nagtudlo nga kitang tanan mga ministro (magbubuhay), I Pedro 2:4, “Paduol kamo sa Ginoo, ang buhing bato nga gisalikway sa mga tawo apan gipili sa Dios ug iyang giisip nga bilihon.”, kamo, usab, mga natukod diha sa espirituhanong balay nga mahimong balaan sa pagkapari.” Sa “I Pedro 2:9 nag-ingon, Apan kamo mao ang piniling katawhan, ang mga harianong pari ug ang balaang nasod. Gipili kamo sa Dios aron maiya ug aron magsangyaw sa mga kahibulongang buhat sa Dios. Gitawag kamo niya gikan sa kangitngit ngadto sa iyang katingalahang kahayag.”

Ang tanang magtutuo diha kang Cristo usa ka pari, ministro ug walay buhat nga mga ‘union’ didto sa Ginghamlan sa Dios. Kinahanglan tan-awon sa mga Pastor ang ilang katungdanan isip sulugoon o alagad, espirituhanong mga pangulo, nga kinahanglan iapil ang magbubuhay sa tanang mga aspeto sa buluhaton (ministeryo).

Si Jesus naggahin ug tulo ka tuig aron sa pagbansay sa dose ka mga disipulo. Siya ang hingpit (perpekto) nga modelo unsaon paghatag ug kalahian o kausaban sa kalibotan. Gigamit niya ang unang pamaagi – ang pagpadaghan. Kung unsa ang iyang pamaagi mao pod ang atong sundon. Unsa man ang gibuhay ni Jesus?

Si Jesus adunay duha ka klase sa pagministeryo:

1. Siya adunay publiko nga ministeryo buluhaton. Siya nagwali ngadto sa mga kadaghanan.
2. Siya adunay pribado nga ministeryo o buluhaton. Mao kini ang iyang pribadong pagministeryo nga nakahimo sa dakong kalahian o kausaban dinhi sa kalibotan.

Si Jesus sa iyang pribadong pagministeryo, naghimo Siya ug tulo ka mga butang:

1. **SIYA NAGPORMA UG TIM O GRUPO SA MGA DISIPULO.** Pila man ang naa sa iyang tim o grupo? 12

ka mga tawo. Dili kinahanglan nga magsugod ka ug dose ka mga tawo. Mahimo nga magsugod ka sa usa. Kung wala kay usa, kinahanglan nga aduna kay madala nga usa.

2. SIYA NAGTUDLO O NAGBANSAY SA IYANG TIM O GRUPO. Ang pagbansay nga bahin niining Tagsugod sa Pag-ebanghelyo nga manuwal maoy magtudlo kanimo "unsaon sa" pagtudlo o pagbansay ang imong tim o grupo.

3. SIYA NAGPADALA SA IYANG TIM O GRUPO SA PAGGAWAS. Adunay daghang mga estratehiya unsaon sa pagpadala sa membro sa imong tim o grupo sa paggawas aron sa pagpauswag sa imong iglesia ug makasugod ug bag-ong mga iglesia. Aniyay tulo ka yano o sayon nga mga ideya kon unsaon paggamit ang tim sa 12.

- ◆ Bahina ang imong siyudad o komunidad sa 12 ka seksiyon ug himoan ang matag-usa sa imong tim o grupo nga mga membro ug kapitan diha sa usa ka seksiyon sa siyudad. Sila mahimong responsable sa pagpangangyaw sa ilang seksiyon sa siyudad.
- ◆ Ipadala sila sa gawas isip mga kapitan sa 12 ka nagkalainlaing mga kasilinganan, mga siyudad, mga lungsod o balangay (baryo) aron sa pagsugod sa bag-ong mga buluhaton.
- ◆ o ang dugang pang balanse nga paagi mao ang pagpadala sa uban paggawas diha sa inyong komunidad sa pagsangyaw aron sa pagpatubo sa inyong iglesia ug ipadala ang mga uban sa gawas sa ubang mga kasilinganan, mga siyudad, mga lungsod o balangay o baryo aron sa pagsugod sa bag-ong mga buluhaton.

(Ang matag-usa ka kapitan diha sa panahon sa pagpatubo sa iyang kaugalingong bag-ong tim o grupo sa duha o sobra pa ka tawo ug mosugod sa pagtudlo o bansay sa iyang tim o grupo kon unsa ang iyang natunan. Ang tim nga membro sa kapitan maoy responsable sa pagsangyaw sa dapit nga gigahin ug pagsugod sa bag-o nga buluhaton.)

Ang pangulo sa Tagsugod sa Pag-ebanghelyo magporma usab ug **PAG-EBANGHELYO-PAGDISIPULO TIM O GRUPO** sa mga tawo nga magbubuhay ug bansayon ug tudluan kini nga tim o grupo sa paghimo unsaon sa pagsangyaw sa maayong balita, pagpanudlo ug pagpananon sa iglesia. Kini nga manuwal makatudlo ug makabansay unsaon paghimo niini, apan ang unang lakang mao ang pagpatubo sa imong tim o grupo. Kung wala kay magtutuo nga tudloan, kinahanglan una nga naa kay masultihan sa pulong sa Dios ug madala sila. Human nimo sila madala kang Cristo, imo silang himoon nga disipulo o tinun-an ug magporma ug **PAG-EBANGHELYO-PAGDISIPULO TIM O GRUPO**. Ang imong katuyoan mao ang pagporma ug **TIM O GRUPO** sa mga disipulo o tinun-an nga imong matudloan ug mabansay nga mahimong Tagsugod nga Ebanghelista ug ipadala sila sa gawas aron sa pag-ebanghelyo o pagsangyaw sa Pulong sa Dios. Kini nga tim o grupo sa disipulo o tinun-an mao ang gitawag nato ang mga Tagsugod dinhi niining pagbansay nga manuwal. Ang tumong ug tinguha nga ang matag-usa nga tagsugod mahimong usa ka Tagsugod nga Ebanghelista nga pangulo ug makaporma sa iyang kaugalingon nga tim o grupo sa mga disipulo o tinun-an ug mga tagsugod. Kini mao ang “proseso sa pagpadaghan.”

Sa pagporma sa imong tim o grupo, adunay duha ka mga pamaagi:

1. Publiko – ipahibalo diha sa pulpito nga magporma ka ug pagdisipulo nga ministryo o buluhaton tim o grupo ug giinbitar ug giawhag ang matag-usa sa pag-apil. Ang Dios ang mopili sa mga tawo ug dili ikaw ang nagpili. Pananglitan: Pillion kaha nimo si Mateo, usa ka kobrador sa buhis, nga mahimong usa ka disipulo?
2. Pribado – Pag-ampo sa Dios ug pangayoa sa Iyaha kung kinsa ang buot Niyang makaapil sa imong tim o grupo. Ug adtoa sila sa pribadong paagi ug inbitaha sila nga apil sa imong pagdisipulo nga ministryo (buluhaton) tim (grupo). Isulti nga kinahanglan magtigom kamo kausa sa usa ka semana. Imo silang tudloan ug bansayon, ug pagkahuman ipadala aron sa pagsugod sa pag-ebanghelyo ug nagabuhay sa buluhaton aron sa pagdala ug daghang kalag diha kang Jesu-Cristo.

Sa ministeryo sa Tagsugod sa Pag-ebanghelyo, ang usa ka pangulo niini adunay duha ka nag-unang mga responsabilidad:

1. Ang unang responsabilidad sa usa ka pangulo sa Tagsugod sa Pag-ebanghelyo mao ang pagtudlo ug pagbansay sa mga sumusugod sa tagsatagsa o sa gagmay nga mga grupo. Ang pagbansay dili himoon sa dinaghan o sa dagko nga mga grupo. Kinahanglan bansayon sila sa ginagmay nga mga grupo. Ang tanan pastor ug mga pangulo magporma ug usa ka tim (grupo). Among gisugyot nga naa kay usa hangtod dose ka mga tawo diha sa imong tim (grupo). Sila ang mahimo nimong disipulo (tinun-an) nga imong tudloan ug bansayon. Apan kon wala ka pay mga magtutuo nga naporma nga usa ka tim (grupo), busa mosugod ka gikan sa wala, una magkabig ka ug dad-on diha kang Cristo, tudloi ug bansaya sila hangtod mahimong tim (grupo). Ang mahinungdanon dinhi nga ang imong tumong mao gayod ang pagporma ug usa ka tim (grupo) aron mahimong mga tagsugod o mga disipulo (tinun-an). Makigkita ka sa imong tim (grupo) matagsemana alang sa pag-ampo, paghatag ug taho o pahibalo sa buluhaton, pagkonsulta ug dugang pagbansay kanila.

Si Dr. Waylon Moore sa iyang libro nga, Pagpadaghan sa mga Disipulo, nag-ingon niining mosunod:

- A. Ang Pagdisipulo maoy usa sa mga maayo nga estratehiya ug pamaagi aron sa pagpadaghan sa kaugalingong ministeryo(buluhaton) nga gikan sa Dios.
- B. Ang Pagdisipulo maoy pinakasayon nga ministeryo (buluhaton).
- C. Ang Pagdisipulo maoy pinakadali, lig-on ug seguro nga pamaagi aron sa pagpalihok diha sa lawas ni Cristo alang sa pag-ebanghelyo.
- D. Ang Pagdisipulo adunay pinakadakong potensiyal (may dakong kahimoan) nga makaani ug daghang bungga kaysa sa ubang ministeryo (buluhaton).
- E. Ang Pagdisipulo magbunga ug mga hamtong nga mga pangulo sa iglesia nga si Cristo ang sentro sa kinabuhi ug nasa-yod, nasabtan ang Pulong sa Dios.

2. Ang ikaduhang responsabilidad sa usa ka pangulo sa Tagsugod sa Pag-ebanghelyo mao ang pagpadayon sa senimana nga pakighimamat sa mga magsusugod. Ang pangulo kinahanglan nga maggahin ug usa ka oras o sobra pa, kausa sa usa ka semana sa iyang mga pagpalihok sa ilang kinabuhi diha sa buluhaton. Unsa may buhaton ninii nga mga panagtigom:

- A. Ang pangulo magsugod sa tigom sa pag-ampo. Kita anaa sa tungatunga sa usa ka espirituhanong gubat ug ang atong bugtong nga depensa (taming) mao ang pag-ampo.
- B. Ang matag-usa sa magsusugod nga ebanghelista magpaambit sa iyang mga kadaugan sa pagpamuhat sulod sa usa ka semana.
- C. Ang matag-usa sa magsusugod nga ebanghelista sa pagsugid sa mga problema nga ilang nahinagbo sulod sa usa ka semana ug isulat ang matag-usa nga kasinatian.
- D. Tambagan ang mga magsusugod mahitungod sa tagsatagsa nga problema.
- E. Bansayon ang tim ginamit ang praktikal nga seksiyon sa **Tagsugod sa Pag-ebanghelyo nga manuwal**. Pananglitan, tun-an pag-usab ang kapitulo “Unsaon sa Paghatag sa Inyong Testimony,” o “Pag-ebanghelyo” aron sa pagseguro nga ang mga magsusugod kahibalo unsaon pagdaug ug mga kalag diha kang Cristo. O tingali kinahanglan tun-an pag-usab ang kapitulo nga gitawag “Pag-ampo,” “Dili direkta nga mga Pamaagi,” o “Unsaon sa bansay sa Lokal nga mga Pangulo,” ug uban pa. Gamita kini nga panahon sa pagbansay sa mga magbubuhat.
- F. Tudloi sila sa mga praktikal nga mga aspeto sa ministeryo sama sa unsaon sa pagsulat ang mensahe, unsaon paghimo ang pagtambag, ug uban pa. Mao kini ang responsabilidad sa usa ka Tagsugod sa Pag-ebanghelyo nga Pangulo sa pagbansay ug maayo niining mga magsusugod.
- G. Tagai ang mga magsusugod ug kinatibuk-ang pagsinati ug humanon ang tigom sa pag-ampo. (Tan-awa ang ubang mga praktikal nga mga sugyot diha sa kapitulo, “Senimana nga Pagsunod (Follow-up) sa Magsusugod.”)

Kung ang tagsugod nga ebanghelista nagpuyo sa layo nga dapit, ang pangulo magbuhat ug panagtigom kausa kada bulan o kaduha sa usa ka bulan. Siya usab padayon sa paghibalo kaniya pinaagi sa pagsulat. Mao kini ang gibuhat ni Apostol Pablo. Importante kaayo nga ang usa ka pangulo magbisita sa tanan niyang mga tagsugod nga magbubuhhat ug padayon ang mga panagtigom sa iyang tim (grupo).

Unsa ang katuyoan sa usa ka Pastor/Pangulo?

Magsaad ka ba nga magporma ug usa ka grupo, pagdisipulo, pagtudlo ug pagpadala kanila?

VI. ANG PAG-EBANGHELYO, PAGDISIPULO nga TIM

Ang katungdanan sa usa ka pangulo isip Tagsugod sa Pag-ebanghelyo mao ang pagtudlo sa mga membro sa iglesia aron sa pagtuman sa ilang mga ministeryo. Sa matag-usa ka iglesia, ang Dios nag-andam ug mga magbubuhhat nga adunay mga hiyas alang sa buluhaton sa pag-ebanghelyo ug pagpananom ug mga iglesia. Ang pangulo mao ang magtino ug magtan-aw sa mga adunay potensiyal ug pinasahi nga gasa. Ang katungdanan sa pangulo mao ang pagbansay sa mga babaye ug lalaki, ilain ang babaye ug lalaki. Ang pangulo mogamit sa Tagsugod sa Pag-ebanghelyo nga manuwal ug uban pang galamiton nga mga materiyal. Ug ang tim (grupo) sa mga magsusugod kinahanglan ilhon nga mga ebanghelista sa lokal nga iglesia diin sila membro. Ang lokal nga iglesia magsaad sa pag-ampo kanila, paghatag ug suporta ug pagpadala kanila sa mga bag-ong buluhaton.

Ang katuyoan sa tim (grupo) sa Pag-ebanghelyo-Pagdisipulo?

- 1. Magpandaug ug mga kalag**
- 2. Magbautismo ug mga bag-ong magtutuo**
- 3. Magpadayon sa pagtan-aw ug magdisipulo sa mga bag-ong magtutuo**
- 4. Magbansay sa mga lokal nga pangulo diin asa magsugod**

ang trabaho. (Ang Dios ang magpili ug mga bag-ong pangulo nga diin kinahanglan nga tudloan sa mga tagsugod nga ebanghelista.)

5. Mag-organisa ug bag-ong iglesia nga kaugalingong nagsuporta, kaugalingong nagdumala ubos sa pagdumala sa Balaang Espiritu sa Dios.
6. Magsugod sa pagpadaghan sa mga bag-ong buluhaton. Ang matag-usa ka tagsugod mahimo na nga usa ka pangulo isip Tagsugod sa Pag-ebanghelyo kung nakaporma na siya ug tim (grupo) sa mga magsusugod na usab aron sa pagbuhat sa bag-ong buluhaton. Mao kini ang estratehiya alang sa pagpa-uswag ug pagpananom ug mga iglesia.

VII. SIYAM KA MGA SUKARANAN SA MAUSWAGON NGA PAGSUGOD UG MGA IGLESIA

Si Donald A. McGavran sa iyang libro nga, Pagsabot sa pagtubo sa Iglesia, ug si Howard Snyder, sa iyang libro usab nga, Oriyentasyon alang sa pagsugod ug mga Siyudad nga mga iglesia, naghulagway sa mga sukaranan alang sa mauswagon nga pagpananom ug mga iglesia.

A. Ilhon ang mga tawo nga adunay mga espirituanong gasa sa pagsugod ug bag-ong buluhaton.

Ang matag-iglesia adunay mga magbubuhath ug mga ebanghelista nga adunay espirituanong gasa sa pag-ebanghelyo ug pagsugod ug mga bag-ong buluhaton. **Ang Efeso 4:11-12 naghisgot nga ang buluhaton sa usa ka pangulo isip Tagsugod sa Pag-ebanghelyo, bisan kon siya pastor o magbubuhath, mao gyod ang pagbansay sa mga bag-ong magbubuhath aron sa pagtuman sa ilang ministeryo. Roma 12:6-8; I Corinto 12:4-11.**

B. IPAUGMAD ANG PAGKAPANGULO SA BAG-ONG MAGBUBUHATH

Ang pagpaugmad sa bag-ong nagsugod sa pagpangulo mao ang pinakauna nga basehanan sa pagsugod ug iglesia sa dapit nga walay iglesia. Walay igo nga mga naordenahan nga mga ministro aron sa pagtuman niini nga ministeryo mao nga gikinahanglan ang

mga bag-ong magbubuhat. Ang buluhaton sa pangulo isip Tag-sugod sa Pag-ebanghelyo mao ang pagbansay sa mga bag-ong magbubuhat sa ilang mga ministeryo. Ang **Efeso 4:11-12** nag-ingon nga ang Dios ang naghatag sa lokal nga iglesia, “*Ang mga gasa niya mao nga ang uban iyang gihimong mga **apostoles** (mga misyonaryo), ang uban mga **propeta**, ang uban mga **tigsangyaw sa Maayong Balita**, ang uban mga **pastor ug mga magtutudlo**. Gihimo niya kini aron sa pag-andam sa tibuok katawhan sa Dios alang sa buluhaton sa Cristohanong pag-alagad aron motubo ang lawas ni Cristo*”

Usa ka Pastor sa usa ka lokal nga iglesia nag-ingon, “Kung akong tugotan ang mga bag-ong magbubuhat sa pagbuhat sa bautismo ug uban pa, unsa na man ang akong buhaton?” Kini nga pastor adunay gamayng nahibaloan o nakat-onan sa Biblikanhong katungdanan sa usa ka pastor. Ang mga Pastor, misyonaryo ug mga pangulo kinahanglan nga maghatag ug panahon sa duha ka dagko nga mga katungdanan:

- A. PAGBANSAY SA MGA BAG-ONG MAGBUBUHAT ARON MAHIMONG MGA EBANGHELISTA.** Kini nga mga ebanghelista makabaton ug espirituhanong pagkahamtong aron mahimong mga magsusugod.
- B. PAGBANSAY UG PAGTUDLO SA MGA LOKAL NGA MGA PANGULO UG EBANGHELISTA.** Kini sila mao ang mga lokal nga pangulo ug ang mag-abaga sa buluhaton. Kinahanglan kaayo nga kini sila matudloan sa Biblikanhong doktrina lakip niini ang: unsaon paghimo ug hilom nga panahon sa pagpamalandong o debosyonal, unsaon pagpatubo sa pagtuo, ug unsaon pagbuhat sa mga katungdanan sa iglesia.

Si Pablo nagwali sa mga taga-Tesalonica sulod sa pipila ka mga semana, apan, siya mibiya sa dihang aduna nay estabilisado nga iglesia ug kini iyang gisangon sa mga kamot sa mga bag-ong magbubuhat sa Tesalonica.

Siya nagpabilin sa Efesos sulod sa duha ka tuig aron sa pagtudlo sa gambalay sa Tyrannus (Buhat 19:9). **Unsa man ang mga resulta? Ang tanang katawhan sa katibuk-an sa Asia Minor nakabati sa pulong sa Dios.** (Buhat 19:10,20). Wala kini nahimo ni Pablo nga siya ra usa! **Kanunay siya nga nagadisipulo**

ug mga bag-ong magbubuhat aron sa pagtuman sa sugo ni Jesus.

Ang II Timoteo 2:2 nag-ingon, “Itugyan sa mga tawo nga kasaligan ang imong madungog nga akong giwali atubangan sa kadaghanan aron kini itudlo usab nila sa uban.” Kini klaro nga nagsaysay sa mga sekreto sa kalamposan sa buluhaton ni Pablo. Iyang gituman ang sugo ni Jesus diin gimandoan kita nga “maghimo ug mga disipulo.” Si Pablo nagbansay sa uban aron bansayon ang uban ug bansayon ang uban pa gayod.

C. KINAHANGLAN NGA ADUNAY LIG-ON NGA PAGESABOT SA KINAIYAHAN SA IGLESIA

Imposible kaayo nga magsugod sa pagpamuhat nga wala ka nakahibalo asa ka magsugod. Unsa man ang iglesia? **Ang iglesia mao ang grupo sa mga magtutuo nga nabautismohan diin nagkahiusa aron sa pagtuman sa mga katuyoan (Buhat 2:42-47),** mao kini ang mga:

- 1. Pagdayeg (apil niini ang paghimo sa mga ordinansya)**
- 2. Pag-ebanghelyo**
- 3. Pagdisipulo**
- 4. Pag-alagad sa mga Ministeryo**
- 5. Panagtigom**

Unsa ang kinaiyahan sa usa ka iglesia? Unsa ang mga pamatasan niini?

- 1. Gidumalaan ubos sa paggiya sa Dios**
- 2. Gisuportahan ubos sa paggiya sa Dios**
- 3. Gipakaylap ubos sa paggiya sa Dios**

D. Ilhon ang lugar nga madinawaton

Usa sa pagtino sa dapit nga madinawaton sa pulong sa Dios mao ang pag-obserba sa mga dapit diin adunay daghang kausaban sa komunidad o sa mga tawo. Sa mga dapit nga sama niini, ang mga tagsugod sa pag-ebanghelyo makapangita ug mga tawo nga madinawaton sa pulong sa Dios.

Uban nga paagi sa pagdiskobre sa madinawaton nga katawhan mao ang pagpangita niadtong adunay pagbati sa dako nga pagkinahanglan sa Ginoo tungod sa mga pinasahi nga mga kalisdanan. Kini mahitabo ni bisan kinsa bisan pa man sa iyang pagkasosyal. Usahay ang dato adunay dako nga konplikto o problema sa ilang mga anak tungod sa druga ug ubang angat nga mga problema. Ang ebanghelyo adunay tubag sa mga panginahanglan sa katawhan diha sa tanan nga sosyal nga mga tawo dinhi sa kalibotan. Ang atong trabaho mao ang pagpangita niini nga mga tawo ug isugid si Cristo kanila.

E. KADASIG SA PAGPADAYAG SA IMONG PAGTUO KANG CRISTO. Salmo 126:6

Wala nay masimportante pa niini. Ang mga Apostoles nakabaton sa mensahe sa pagbasol ug sa pagdawat kang Cristo alang sa kaluwasan. Ilang naabot ang tibuok kalibotan pinaagi sa ilang madasigon nga pagpadayag sa pulong sa Dios. Karon, kinahanglan nga ato kining buhaton! Ang **Salmo 126:6 nag-ingon**, **“Sila nga naghilak samtang nagpugas mopauli unta nga mag-awit nga malipayon kay nagdala na man sa abot.”** Kon ikaw wala nagaani sa imong pagpamuhat, siguro tingali wala ka nagtanom ug ensakto. Pangutan-a ang imong kaugalingon kung pila ka mga tawo ang imong gipaambitan sa maayong balita ni Cristo sa niaging semana ug nakadawat sila kang Cristo. **Pagkadali sa Pag-ebanghelyo** (tungod kay naa ka) dili igo. Ang **pagpadayag sa ebanghelyo** (pagpaambit sa pulong sa Dios) dili igo. Kinahanglan nga adunay **maaghaton nga pag-ebanghelyo**. Ang **maaghaton nga pag-ebanghelyo**, nagahatag ug oportunidad sa tawo sa pagdawat ug pagtugyan sa iyang kinabuhi diha kang Jesu-Cristo isip iyang Dios ug Manluluwas.

Kanus-a ang pinakaulahing higayon nga ikaw nag-ampo ug mihilak gayod alang sa kaluwasan sa mga nangawala?

F. PAGTATAW SA SINUGDANAN SA IGLESIA DIHA SA PINUY-ANAN.

Si Pablo nagwali sa maayong balita sa mga Judio ug mga Hentil. Human siya magpaambit sa pulong ni Cristo, ang mga bag-ong magtutuo adunay panagtigom sa dapit diin sila komportable. Usahay naa silay panagtigom sa mga balaybalay sa mga bag-ong

magtutuo. Sa ubang higayon, gigamit nila ang mga pampublikong dapit sama sa eskuwelahan.

Lakip sa mga tipikal nga dapit diin sila magtigom:

1. Buhat 16:40 **ang panimaly** ni Lydia – Phillipi
2. Buhat 17:5-6 **ang panimalay** Jason – Tesalonica
3. Buhat 18:7 **ang panimalay** ni Tito, ang matarong– Corinto
4. Buhat 19:9 **ang eskuwelahan** sa Tirano – Efeso
5. Buhat 20:20 si Pablo nagtudlo **sa pampublikong lugar ug mga balay-balay usab.**

Sa atong moderno nga panahon, ilabina sa mga dagkong siyudad, kinahanglan tagaan ug empasis ang importansiya sa sinugdanan sa iglesia dinha sa panimalay tungod sa nagkamahal nga presyo sa propedad. Ang mga cristohanon gibati ang dakong panginahanglan sa paghiusa sa pagdayeg. Kini wala nagmando ug building o dakong lugar sa pagsimba. Ilabina nga ang iglesia nagasugod pa. Pinaagi sa mga balay, ang iglesia motubo ug dili himuong dakong problema ang pagrenta o pagpalit ug luna alang sa building.

Ang problema magsugod sa pagrenta o pagpalit ug luna diin adunay presyo. Sa mga gagmay siyudad, ang lugar tigumanan maabot o makaya sa budget. Apan, sa mga dagkong siyudad, dili sama niini. Tungod niini nga mga rason, sa pagsugod maayo gyud ang rason sa paggamit ug mga balay, tugkaran o laing lugar sa balay.

Ang eksperyesiya nagtudlo kanato nga ang pagpadaghan sa mga magtutuo kung ang iglesia nahimutang sa usa ka natural ug maayong kalikupan.

Apan, usa sa pinakadakong problema sa iglesia nga nagatigom sa usa ka balay, adunay intepretasyon nga kini temporaryo lang nga aktibidades. apan usa kini ka pamaagi nga sila makatigom ug salapi aron makarenta ug lugar o makapalit ug luna alang sa tukuran sa iglesia.

Ang atong tumong mao ang pag-andam ug mga bag-ong buluhaton nga dili kinahanglan magsalig sa tabang sa uba.

G. MAGHATAG UG DAPIT NGA MAKALILIPAY NA PAGSIMBA SA MGA MAGTUTUO.

Sa dihang kita musulod sa presensiya sa Dios, puno ug sinseridad kita nga nagapaduol dinha Kaniya. Sa Mateo 6:9-13, ang Dios nagtudlo kanato nga moduol kita sa Iyang trono nga puno sa pagdayeg. Ang pagdayeg maoy ihatag nato sa pagkagamhanan ug pagkamaayo sa Dios dinhi kanato. Itutok ang tanan natong atensiyon diha Kaniya ang pagpasalamat sa tanan Niyang gibuhad kanato. Siya molungtad, anaa bisan asa, nasayod sa tanan ug makagagahum sa tanan. Siya si EL-SHADDAI (EL-halangdon, SHADDAI –gamhanan). Siya si JEHOVAH JIREH (Dios nga nagapatagbo). Siya si JEHOVAH ROPHE (ang Dios nga mag-ayo).

Ang Dios daghan ug kinaiyahan. Ang pagdayeg mao ang pag-ila kung kinsa ang Dios. Kini bation sa matag kasingkasing ug makita sa nakalain-laing pamaagi.

H. AYAW IBUTANG ANG PROBLEMA SA “TUKURANAN SA IGLESIYA” DINHA SA MGA KATAWHAN.

Mas maayo kung mahiusa ang mga miyembro una atubangon ang mga isyu lakip ang suweldo sa pastor, ang isyu sa luna sa iglesia ug ang konstruksiyon sa iglesia.

I. Ang dapat tagaan ug importansiya mao ang pagsugod sa buluhaton ug pagpadaghan niini pinaagi niining duha ka mga prinsipyo:

1. Pagsugod ug pipila ka mga buluhaton samtang pagbansay sa mga laymen.
2. Pagtudlo sa mga bag-ong magtutuo sa bag-ong buluhaton aron sa pagaksiyon sa panan-awon sa pagpadaghan sa mga buluhaton.

VIII. PITO KA SUSI ARON SA PAGPATUBO SA IGLESIA HUMAN KINI NASUGDAN

Sa dihang nasugdan ang iglesia, unsaon man pagpatubo niini? Daghang mga namantala nga libro, naghigot ug nagtuon niini unsaon sa pagpatubo ang iglesia. Apan, alang sa pagtubo sa iglesia, adunay unom ka mga elemento nga importante kaayo. Kini

1. Ang Ministeryo sa Pag-ampo

Ang iglesia kinahanglan nga adunay pundasyon sa pag-ampo. Ang mga pastor ug mga pangulo dili lamang sultihan ang ilang mga katawhan sa pag-ampo apan tudloan usab sila unsaon sa pag-ampo. Usa sa mga problema sa mga Cristohanon karon mao ang dili sila kahibalo maghatag ug panahon sa pagtawag sa Ginoo. Aniyay pipila ka mga suhestiyon:

- A. Iaplay sa imong kinabuhi ang mga suhestiyon nga anaa sa seksiyon niini nga manuwal sa “Ang Tagsugod ug ang Pag-ampo”.
- B. Tun-i unsaon pagpaminaw sa tingog sa Dios ug magbaton ug mga listahan sa mga ampoanan kada semana. Importante usab ang pagbaton ug listahan sa mga pagpasalamat ug uban pa.
- C. Pagsugod sa pagtudlo sa mga katawhan sa pag-ampo ug nga ila kining himoon sa ilang kinabuhi. Mao kini ang usa ka rason ngano nga ang mga Cristohanon mogahin lamang ug gamay nga panahon sa pag-ampo bisan tuod kanunay sila makadungog ug mensahe mahitungod sa pag-ampo. Dili sila kahibalo maghatag ug panahon nga makig-estorya sa Ginoo.
- D. Magporma ug mga grupo sa pag-ampo sa mga panimalay. Ang pag-ampo dili lamang panahon sa pagsimba.
- E. Usahay taposa ang pagsimba nga ang tanan magluhod sa pag-ampo. Kini importante kaayo aron nga mahulma ang iglesia sa pag-ampo.

2. Ang Ministeryo sa Pagdayeg

Si Howard Snyder naghigot sa iyang libro, “***Giya sa mga Siyudad nga pagpananom ug iglesia***”, aron sa pagpatubo sa iglesia, gikinahanglan ang paghatag ug malipayong serbisyo sa pagsimba diin ang mga katawhan madayegon. Mao kini ang kinatibukang prinsipyo.

Walay si bisan kinsa nga moapil ug panimbahon aron lamang iyang mahunahunaan ang usa ka lubong. Ang pagtuo nga walay kalipay dili tiunay o tinuod nga pagtuo. Ang malipayong serbisyo sa pagsimba adunay maayong musika nga makatakod. Kini wala nagpasabot nga dapat duna kitay pagsimba nga walay paghan

-ay. Adunay mga surbey o pagtan-aw sa tibuok kalibotan nga ang mga kaiglesiahanan nga nagatubo sa matagnasod maoy adunay pinakamalipayong serbisyo sa pagsimba.

Hinumdumi nga ang musika pamaagi lamang sa pagsimba. Gidayeg nato ang Dios dili ang musika. Ang musika usa ka kulturanhong pamaagi sa pagdayeg. Dili kinahanglan nga daoton ang kultura aron lamang sa pagsangyaw sa maayong balita.

Ang tinuod nga pagdayeg mao ang pagsimba kung kinsa ang Dios. Ang pagdayeg mahitabo sa kasingkasing sa tawo ug makita sa daghang pamaagi. Ang ubang iglesia naggamit ug himno sa pagsimba. Ang uban naggamit ug mga mughong koruses o alawiton. Kita nagtuo nga kinahanglan ang pagrespeto sa usa ka kultura sa ubang katawhan ug ato usab respetohon ang iglesia. Respetohon usab ang nagkalainlaing estilo sa musika nga gipili sa usa ka iglesia. Ang importante nga ang ilang pagsimba malipayon ug buhi. Kini usa ka selebrasyon diha sa Ginoo.

Ang uban nga mga iglesia sa Aprika naggamit ug pompiyang ug bisan pa gani ang pagsayaw sa atubangan sa iglesia sa panahon sa ilang serbisyo sa panimbahon. Sayop kaayo nga isulti, “Dili ninyo puwede kini himoon kay dili ingon niini ang serbisyo sa pagsimba sa Amerika, Brazil, India o bisan asa pa man”.

Bahin sa serbisyo sa panimbahon, ang iglesia kinahanglan nga magbautismo ug magtuman sa Balaang Panihapon. Si Dr. Charles Brock sa iyang libro nga, “Indigenous Church Planting”, nagbuhat ug mga obserbasyon mahitungod sa duha ka importante nga ordinansa:

Aron sa Pagbautismo kinahanglan ang mga mosunod:

- A. **Ang husto nga kandidato**— ang nakahinulsol sa iyang mga sala ug nagbutang sa iyang pagtuo diha kang Jesu-Cristo nga maoy iyang Dios, Manluluwas ug Manlalaban. Walay usa nga bersikulo nga makita sa Biblia nga nagsugo nga ang gamayng bata kinahanglan nga mabautismohan. Klaro kaayo nga gisulti nga ang mahimo nga bautismohan mao ang mga tawo nga nagdawat kang Cristo isip ilang Ginoo ug Manluluwas. Ang usa ka bata walay abilidad sa pagdawat kang Cristo.
- B. **Ang husto nga awtoridad**— ang usa ka lokal nga iglesia

nga dinumalaan sa Balaang Espiritu maoy makadesisyon kung kinsa ang angayan ug dili angayan nga bautismohan.

- C. **Ang husto nga administrador**— ang usa ka iglesia autonomous (may kaugalingon nga pamaagi) ug makapili sa tawo nga mahimong mag-administer sa pagbautismo. Kinsa ang nagbautismo kang Apostol Pablo? Sumala sa Biblia ang mga lokal nga pangulo, membro, magbubuhat (laymen) puwede makabautismo: Makita sa Mateo 28:19; Buhat 8:36-38; Buhat 9:17-19; Buhat 14:21-23.
- D. **Ang husto nga pamaagi**— ang pagtuslob diha sa Pangalan sa Amahan, sa Anak ug sa Balaang Espiritu.
- E. **Ang husto nga katuyoan**— simbolo nga si Cristo namatay tungod ug alang sa atong mga sala, nalubong ug nabanhaw gikan sa kamatayon. Kini usa usab ka simbolo nga kita namatay diha sa atong mga kasal-anan ug nakadawat ug bag-ong kinabuhi diha kang Jesu-Cristo.

Aron sa pagselebrar sa Balaang Panihapon, kinahanglan nga ang matag-usa adunay:

- A. **Husto nga apilan**— disipulo ni Cristo
- B. **Husto nga awtoridad**— si Jesu-Cristo. Siya ang nagmando sa tanang mga magtutuo sa pag-apil sa Balaang Panihapon aron sa paghinumdum sa kamatyaon ni Jesus didto sa krus.
- C. **Husto nga administrador**— ang iglesia autonomous (may kaugalingon nga pamaagi) ug makapili sa tawo nga mahimong magdumala sa Balaang Panihapon. Kini mao ang Tagsugod, lokal nga pangulo o membro sa iglesia.
- D. **Husto nga katuyoan**— nga mahinumdoman ug isangyaw ang kamatayon ni Cristo hantod Siya mobalik.

Labaw sa tanan, sa atong pagsimba ang pagdala o pagwali sa mensahe kinahanglan gikan sa Pulong sa Dios. Kon ang tagsugod walay kaagi o kahibalo sa pagwali, siya magpili ug kapitulo nga gikutlo gikan sa Biblia ug himoon ang mga mosunod:

- A. Basahon ang bersikulo
- B. Isaysay ang espirituhanong kamatuoran nga makita sa

bersikulo

- C. Isaysay unsaon sa pagkinabbuhi sa mga kamatuoran sa kinabuhi sa mga naminaw
- D. Paghatag ug ilustrasyon sa matagkamatuoran
- E. Himoon kini sa matagbersikulo o pasahe
- F. Itapos ang mensahe pinaagi sa paghatag ug inbitasyon

Gawas kon ang tagsugod adunay daghang kaagi na sa pagwali, masmaayo kung himoon niya ang iyang mensahe sa 20 ka minutos.

PAHIMANGNO: Masmaayo pa ang magwali ug 20 minutos kada semana sa grupo nga nagatubo kay sa magwali ug 30 o 50 ka minutos sa mga katawhan nga wala na maghandum nga mobalik pa ug dili morekomenda sa ilang iglesia ngadto sa ilang mga higala nga mag-apil sa pagsimba.

Ang pangulo mahimo usab sa paggamit ug Pagtuon sa Biblia (Pagtuon sa Biblia) ug pagsugilon sa mga sugilanon sa Biblia. Tun-an ang kapitulo sa “Unsaon sa pagdumala ug mga Balay nga Pagtuon sa Biblia (Home Pagtuon sa Biblia nga ania niining manuwal ug ang kapitulo sa Sugilanon, aron makahibalo unsaon pagwali sa maayong mensahe ug makahibalo unsaon pagdala ug Pagtuon sa Biblia.

3. Ang Ministeryo sa Pag-ebanghelyo

Ang iglesia nagkinahanglan ug espesiyal nga pag-ebanghelyo nga mao (outreach ministry) ang pagministeryo sa gawas sa iglesia aron nga motubo. Mahimo nimong gamiton ang mga plano nga anaa niining manuwal. Ang importante nga masabtan sa iglesia nganong kinahanglan ipalapnag ang maayong balita sa kalibotan ug dili hulaton ang mga tawo nga mosulod sa iglesia. Ang Tagsugod kinahanglan usab nga magministeryo pinaagi sa pagbisita aron nga masabtan sa mga membro ang kaimportansya sa paggawas sa iglesia aron sa pag-ebanghelyo sa mga nangawala.

4. Ang Ministeryo sa Pagdisipulo

Aron motubo ang iglesia, kinahanglan aduna kiniy programa nga magtudlo sa mga bag-ong magtutuo. Ang iglesia usab magban-say sa mga pangulo pinaagi sa pagtudlo sa mga praktikal nga panginahanglan sa pag-ebanghelyo; ang pag-ampo, paghatag ug testimonyo, pagdaug ug kalag alang kang Cristo, paghimo ug mga pagtuon sa Biblia sa matagbalay ug uban pa.

Importante usab nga dalhon kanunay sa tagsugod sa pag-ebanghelyo sa iyang pagpamuhat ang mga pangulo ug mga bag-ong magtutuo. Pinaagi niini makat-on ang mga bag-ong magtutuo o mga lokal nga pangulo unsaon pag-ebanghelyo. Dili mahimo ang pagdisipulo o pagtudlo sa usa ka lawak tun-anan (classroom) lamang. Kinahanglan nga makita ug magamit kini.

Adunay duha ka sekreto sa maayong pagdisipulo: Una, pagtudlo sa mga tawo sa tinagsa o ug sa pinaagi sa gamayng mga grupo. Secondly, importante nga makita o masaksihan sa imong disipulo ang imong pagpamuhat.

5. Ang Ministeryo sa Panagtigom

Aron nga mutubo ang iglesia, gikinahanglan ang panagtigom diin makita ang tinuod nga gugma sa matag-usa. Kon adunay mga bisita nga mobisita sa iglesia, importante nga mabati nila ang gugma sa Dios ug ang gugma sa matag-miembro niini. Kon adunay mga kasuko, kaligugot ug pagbingkil-bingkil imposible kaayo nga motubo ang usa ka iglesia. Ang harmony ug gugma importante nga mabati sa mga bisita.

6. Ang maayong Pag-administrasyon

Gipangutana ang usa ka pastor sa usa ka iglesia sa Amerika nga adunay 4,000 ka mga miembro, “Unsa ang kalahian sa duha, pastor sa usa ka iglesia nga adunay 40 ka mga miembro ug pastor sa usa ka iglesiya ng adunay 4,000 ka mga miembro?” Ang iyang tubag mao, “Adminsitrasyon!”

Kinahanglan nga ang usa ka pastor adunay panghunahuna sa pagedukar sa iyang mga miyembro aron sa pagbuhat sa buluhaton sa Ginoo ug dili nga akohon tanan sa pastor ang pagpamuhat. Ang usa ka pastor makontrolar ang igelsia nga dunay 30 hangtod 8-ka mga miembro; apan, moabot ang panahon nga ang pagtubo im-

posible na kaayo kon dili niyang edukaron ang mga katawhan sa mga pamaagi sa administrasyon. Siya dapat maghatag ug mga responsibilidad sa mga hamtong ug natudloan nga mga katawhan. Ang unang katungdanan sa tagsugod mao ang pagbansay.

IX. ANG KINAIYAHAN SA IGLESIA SA BAG-ONG TESTAMENTO

A. Dinumalaan sa Dios

Ang prinsipyo sa pagdumala importante alang sa mga nagtuo ug demokrasya. Ang maong resulta niining sumbanan sa espirtuhanong pagkinabuhi sa usa ka iglesia gikinahanglan kaayo nga sa diin kon kini mapakyas ang kinatibuk-ang paningkamot sa iglesia makumpromiso lamang.

Ang kinaugalingong pagdumala resulta sa espirtuhanong responsabilidad sa mga dapit nga kinaugalingong nagsuporta ug kinaugalingong pagpamuhat. Ang pakyas nga paghatag sa responsabilidad sa mga bag-ong magtutuo ang pagdumala sa iglesia makadaot kini.

Usahay lisod sa usa ka Tagsugod sa Pag-ebanghleyo ang pagdili sa pagdumala sa bag-ong iglesia. Pinaagi lamang gyud sa Balaang Espiritu nga mahatag sa Tagsugod ang mga responsabilidad sa pagwali, pagtudlo ug administrasyon sa mga miembro. Sa sinugdanan sa iglesia kini madumalaan una sa Tagsugod. Apan, kini hingpit madumalaan lamang kon makahibao na ang iglesia unsaon ang pag-administer niini ug dili na ang mga organisasyon bisan pa ang Tagsugod. Unsaon man kini? Kini mahitabo pinaagi sa pagdisipulo ug pagtudlo nga ihatag sa Tagsugod sa mga bag-ong magtutuo aron nga mapauswag ang pagdumala nila sa iglesia.

Ang uban mosulti nga ang iglesia bag-o pa, ug walay igo nga mga sunulundon, ug walay igo nga kaagi sa paghimong ug kauglaingong desisyon. Apan, luyo sa kamatuoran nga ang iglesia tulo pa lang ka semana ug walay igo nga kaalam sama sa diyes na katuig nga iglesia, gikinahanglan nga magbuhat kini ug mga desisyon inubanan sa Diosnon, may kaalam na espirtuhanong pangulo. Ang katungdanan sa usa ka Tagsugod sa Pag-ebanghleyo mao ang pagtambag ug dili mao ang mag himo sa mga desisyon. Siya maghatag ug mga oriyentasyon ug paggiya , ug pag-amping ug pagsumpo sa mga kamalian sa iglesia. Kon ang iglesia magpadulong sa pagkamali, kinahanglan ang Tagsugod sa

pagdumala, apan kinahanglan ang magbuhat sa mga desisyon mao ang iglesia.

Kinahanglang ang pag-oberba sa mga praktikal nga ang-ang:

1. Ang Tagsugod sa Pag-ebanghelyo mosulod sa usa ka siyudad ug mag-daug ug mga kalag diha kang Cristo.
2. Siya magtudlo unsaon pagtuon sa biblia ug magtudlo sa mga importanteng doktrina gamit ang mga pamaagi ni Charles Brock, ang Pagsugilon ug uban pang mga pamaagi.
3. Pagtudlo ug pagbautismo sa mga bag-ong magtutuo.
4. Ang Balaang Espiritu ang maghatag ug mga lokal nga pangulo. Ang mga bag-ong magtutuo maedukar mahitungod sa Biblianhong doktrina.
5. Ang mga bag-ong magtutuo nga nakasabot sa doktrina magplano aron sa pag-organisa sa iglesia.
6. Magpili ang grupo ug mga pangulo.

B. Suporta gikan sa Dios

Gikinahanglan ang pagtudlo sa mga magtutuo mahitungod sa paghatag sa ikanapulo ug paghalad, makita sa Malacias 3:8-10. Kon ang bag-ong iglesia nakigbisog, kini motubo. Ang misyonaryo nga si Charles Brock nag-ingon sa iyang libro, Indigenous Church Planting, pananglit ang alibangbang nangingkamot nga makalingkawas sa cocoon ug ang tawo magtan-aw lamang. Kon tabangan sa tawo ang alibangbang pinaagi sa pagpikas sa cocoon niini, ang pakigbisog moundang. Ang resulta mao ang usa ka huyang nga alibangbang nga mabuhi lang sa pipila ka mga minuto. Ang tawo nga nagtabang niini gi-lapas ang usa sa mga balaod sa kinabuhi. Kon ang tawo gitugutan ang pakigbisog sa alibangbang, ang resulta mao ang lig-on, nindot ug maayo nga alibangbang.

Sa mga pakig-bisog ug mga kalisdanan, ang angayng buhaton mao ang pagsalig ug pagsunod lamang sa Dios. Ang Dios mao ang maghatag ug kasulbaran sa tanan, pinaagi niini magtubo nga mga malig-on sa pagtuo ang mga katawhan. Motubo sila sa pamaagi nga gusto sa Dios.

Kadaghanan sa mga ka-iglesiahanan adunay mga pangalan nga gibutang sa atubangan sa ilang iglesia. Pananglit, Unang

Baptist nga Iglesia. Sa mga nakabasa niini ang ilang pagsabot o ang moabot sa ilang huna-huna mao ang “Ang mga Unang Baptist nga mga miembro magtigom dinhi”. Unsa may kalahian? Ang unang signo nagpasabot nga ang building mao ang iglesia. Sa ikaduha, ang signo nagpasabot nga ang mga katawhan mao ang iglesia ug makatigom sila bisan asa.

Tan-awa kining pormat aron masabtan ang mga presyo sa pagtanom ug iglesia ginamit ug tradisyonal nga pamaagi:

Church Planters—suweldo matagbulan

_____ x 12 ka bulan x 7 ka tuig = _____

Church Planters—bayad sa balay

_____ x 12 ka bulan x 7 ka tuig = _____

Propiyedad = _____

Building = _____

Tibuok kadaghanon sa usa ka simbahan = _____

C. Kaugalingong pagpamuhat ubos sa pagdumala sa Dios.

Ang bag-ong iglesia kaugalingong nagapamuhat. Sa kinaiyahan niini, kinahanglan ang pagpaambit sa kinabuhi niini ngadto sa uban. Ang sama niini nga iglesia naga-ebanghelyo ug adunay handom nga makasugod ug bag-ong mga kaiglesiahanan.

Sa kalibotan nga demograpiya, gikinahanglan ang pagpadaghan ug mga bag-ong iglesia nga magtukod usab ug mga iglesia aron sa pagkab-ot sa tanang katawhan sa matagsiyudad ug matag dapit.

Ang Tagsugod sa Pag-ebanghelyo mao ang magdaug ug mga kalag alang kang Cristo, pagdisipulo ug pagtulod kanila sa mga doktrina sa pagtuo. Human niini ang pag-ampo nga magbutyag ang Dios ug mga bag-ong pangulo ug pagbansay kanila aron sa

pagsugod na usab ug laing pagpamuhat sa laing dapit. Kini nga proseso magapadayon hangtod ang ang mga bag-ong simbahan na pud ang magtukod ug bag-ong simbahan ug uban pa. ang Tagsugod mobiya niini nga lugar ug ibilin kini sa mga pangulo, apan magpadayon ang Tagsugod sa pagbisita ug pagdasig kanila.

X. KONKLUSYON

Ang Tagsugod sa Pag-ebanghelyo nga gusto ug malampuson nga pagpananom ug iglesia kinahanglan nga:

- a) **Hamtong sa espirtual nga bahin, andam ug na-edukar**
- b) **Makabalo sa pagporma ug pagdisipulo sa grupo sa mga ebanghelista**
- c) **Makadaug ug mga kalag alang kang Cristo ug adunay baruganan ug pilosopoya nga “mugawas” ug dili “maghulat”.**
- d) **Magsugod ug malipayon ug masadya nga serbisyo sa pagpanimbahon**
- e) **Makabalo unsaon sa pag follow-up ug pagdisipulo ug mga bag-ong magtutuo**
- f) **Makabalo unsaon pagtudlo ug pagbansay ug mga bag-ong pangulo**
- g) **Makabalo unsaon sa pagbautismo ug mga bag-ong magtutuo ug magdumala sa Balaang Panihapon**
- h) **Magtudlo sa mga katawhan unsaon pagdaug ug kalag ug magdumala sa mga balaybalay nga pagtuon sa biblia alang sa mga wala pa naluwas**
- i) **Pagtudlo sa mga pangulo sa pagdumala sa iglesia**
- j) **Tudloan ang iglesia nga mahimong self-governing, self-supporting ug self-propagating**
- k) **Pagtudlo sa mga bag-ong magtutuo unsaon pagporma ug kaugalingong grupo sa pag-ebanghelyo alang sa pagsugod ug bag-ong buluhaton**

MGA PRAKTIKAL NGA MGA ASPETO

UNSAON PAGTUDLO ANG IMONG GRUPO?

MGA PRAKTIKAL NGA MGA ASPETO SA PAGTUDLO SA IMONG GRUPO

Ang seksiyon niini nga manuwal magpasabot unsaon sa usa ka Tagsugod sa Pag-ebanghelyo sa pagpamuhat sa ministeryo pinaagi sa mga praktikal nga pamaagi. Kini nga mga pamaagi maaplikar ubos sa paggiya ug pagdumala sa Balaang Esipiritu sa Dios. Ang rason niining pagpamuhat mao ang pagpadasig sa Balaang Esipiritu nga na-rekord sa Bag-ong kasulatan. Sa moderno nga panahon, ang Tagsugod sa Pag-ebanghelyo gamiton ang mga pamaagi sa pag-ebanghelyo nga naa sa Bag-ong Kasulatan.

PART I. UNSAON PAGESUGOD UG MGA BAG-ONG GRUPO O BAG-ONG IGLESIA

- I. UNSAON PAGPANGITA UG MGA KATAWHAN NGA NA-GHANDUM UG KALINAW
- II. UNSAON PAGPAKITA SA GUGMA SA DIOS PINAAGI SA PRAKTIKAL NGA PAMAAGI
- III. UNSAON PAGESUNOD SA OIKOS
- IV. UNSAON PAGDUMALA SA PAGTUON SA BIBLIA
 - A. UNSAON PAGDUMALA SA PAGTUON SA BIBLIA (EVANGELISTIC)
 1. PAGESUGILANON, MAAYONG BALITA NI JESUS NI CHRISTY BRAWNER
 2. DILI DIREKTA NGA PAMAAGI, MAAYONG BALITA GIKAN SA DIOS NI CHARLES BROCK UG WAYLON MOORE
 - B. UNSAON PAGPADAYON SA MGA PAGTUON SA BIBLIA, PAGESUGOD UG BAG-ONG KINABUHI DIHA KA CRISTO NI CHRISTY BRAWNER

PART II: UNSAON PAGDISIPULO SA IMONG GRUPO

- I. ANG TAGSUGOD (EVANGELIST) UG ANG BALANG ESPIRITU

- II. ANG TAGSUGOD (EVANGELIST) UG ANG PAG-AMPO**
- III. ANG TAGSUGOD (EVANGELIST) UG ANG KALUWASAN**
- IV. ANG TAGSUGOD (EVANGELIST) UG ANG PERSONAL NA TESTIMONYO**
- V. ANG TAGSUGOD (EVANGELIST) UG ANG PERSONAL NGA PAG-EBANGHELYO - ANG UNOM KA BERSIKULO NGA NAG-EKSPLIKAR SA MAAYONG BALITA.**

MGA PRAKTIKAL NA ASPETO SA PAGBANSAY SA IMONG GRUPO

PART I. UNSAON PAGESUGOD UG BAG-ONG GRUPO O BAG-ONG IGLESIA

Sa dihang natigum mo ang imong grupo, kini ang una nimong itudlo kanila. Human sa pagtudlo sa imong grupo, ang upat ka butang sa Part I, “Unsaon sa Pagsugod”, ipadala sila aron sa pagpangita sa mga katawhan nga naghandum ug kalinaw ug didto sila magsugod ug mga pagtuon sa Biblia (pagtuon sa biblia). Sa sunod nga semana, tigumon mo sila aron sa pagdisipulo kanila gamit ang Part II.

Sa pagsulod sa Tagsugod sa usa ka bag-ong siyudad, kinahanglan nga ibutang niya sa iyang huna-huna nga ang Balaang Espiritu ang magtudlo kaniya sa mga katawhan nga gutom sa espirituhanong pulong. Ang Dios nagapamuaht bisan asa ug nagandam Siya sa kasingkasing sa ga tawo aron nga able kini sa pagdawat sa Iyang pulong. Ang ebanghelista kinahanglan nga magbutang sa iyang pagsalig sa Balaang Espiritu sa pagbuhat sa iyang katungdanan. Ang buhat sa Espiritu mao ang pag-andam sa mga kasingkasing. Ang katungdanan sa usa ka ebanghelista simple lang kaayo – pangitaon kadtong giandam sa Balaang Espiritu.

Adunay mga butang nga dili na gyud mabalhin ni mausab. Ang mensahe sa pulong sa Dios dili mabag-o. Ang mga pamaagi o mga istrategiya mausab. Ang mga pamaagi nga gi-presentar niinin nga libro molihok kon anaa ang pagdumala sa Balaang Espiritu. Kini magamit sa mga ka-iglesiahanan nga gidumalaan sa Balaang Espiritu ug:

1. Gidumalaan ubos sa paggiya sa Dios
2. Gisustinaran ubos sa paggiya sa Dios
3. Gipakaylap ubos sa paggiya sa Dios

Mao kini ang tumong. Aron makab-ot ang tumong, kinahanglan ang paggamit sa biblianhong mga pamaagi nga moaplikar sa matag-kultura.

I. UNSAON PAGPANGITA SA MGA KATAWHAN NGA NAGHANDUM UG KALINAW

Ang Tagsugod kinahanglan nga magsalig sa Balaang Espiritu nga magdumala kaniya ug mag-andam sa mga kasingkasing sa mga nangawala.

Ang Tagsugod kinahanglan nga magpili ug lugar, bisitahon kini, ug hinagboon ang mga katawhan nga naa sa kadalanan, kabalayan ug bisan asa nga dapit. Mahimo usab ang paggamit sa census o pag-ihap sa mga katawohan. Dili buluhaton sa Tagsugod ang pag-andam sa kasingkasing sa mga katawhan, kini buhat sa Dios. Ang Dios lamang ang mga gahum sa pag-andam sa usa ka tawo ug ipabati Niya ang pagkinahanglan sa tawo Kaniya. Responsabilidad sa Tagsugod ang pagpangita sa mga katawhan nga adunay kasingkasing sa pagdawat sa pulong sa Dios.

Si Jesus nagtawag sa usa ka tawo nga adunay kalinaw, sa Lucas 10:5-6 nag-ingon, “Bisan diing balaya kamo moabot, unaha ninyo pag-ingon, ‘Ang panagdait maania niining balaya.’ Kon didto may nagpuyo nga mahigugmaon sa pakigdait, ibilin kaniya ang inyong panghinaot sa pakigdait. Kon wala, ang inyong panghinaot sa pakigdait mobalik ra kaninyo.”

Kinahanglan nga ang Tagsugod moadto sa usa ka banay ug mosulti, “Ako andam sa pagbuhat ug Pagtuon sa Biblia, interesado ba ikaw?”. Kon ang tubag sa tawo “oo”, siya usa ka tawo nga may kalinaw. Tuguti nga ang tag-balay ang maghatag suhestiyon kung asa nga dapit nila gusto magbuhat sa **Pagtuon sa Biblia**. Nganong kinahanglan buhaton kini? Sa pagsugod, ang aksiyon kinahanglan nga magsugod sa pagmugna ug iglesia nga kadugayan mahimo nang usa ka kongregasyon nga selg-governed. Ang pagtuon sa biblia puwede himuon sa ilawum sa balay o tugkaran o bisan sa pampublikong lugar. Apan importante usab nga mamugna ang pagtuon sa biblia sa samang lugar matag-semana. Aron dili maghatag kalibog sa kung asa nga dapit himuon kini. Importante usab nga ang pagsugod sa trabaho dili sa mga bata. Human nga makaporma siya ug malig-on nga grupo, mahimo na siya magsugod sa mga bata. Sa sinugdanan sa buluhaton, ang tumong sa Tagsugod mao ang pagmugna ug mga Pagtuon sa Biblia sa daghang mga kabalayan, kini kinahanglan nga mapalapnag.ang Tagsugod dili lamang usa ka magtutudlo sa Biblia apan usa ka pangulo sa pagsugilanon. Siy mag-ani sa iyang pagpananom. Ang Balaang Espiritu ang magpatubo sa mga tanom sa tukmang

panahon.

Mga pangutana alang sa mga dili-cristohanon base sa kultura

1. Mahimo ba akong makapangutana kanimo mahitungod sa espiritual nga bahin?
2. Unsa man ang imong pagsabot sa Dios?
3. Gusto ba nimong masayran pa kung kinsa ang Dios?
4. Gusto ba nimong magpaambit ko sa sugilanon mahitungod sa Magbubuhat?

Mga Pangutana alang sa mga cristohanon base sa Kultura

Si Rick Warren sa iyang libro nga, “Ang Iglesia nga adunay Katuyuan” sa pahina 190-191, naghigut mahitungod sa pagsugod ni Warren sa Saddleback Community nga Iglesia, usa sa mga pinakadakong iglesia sa Amerika, pinaagi sa paghatag sa lima ka mga pangutana sa mga tawo nga naa sa komunidad. Simple lang, pagpanuktok sa kabalayan ug paghatag sa mga pangutana. Kinahanglan nga magdepende sa buhat sa Balaang Espiritu. Ang Balaang Espiritu nag-una na aron sa pag-andam sa mga kasingkasing sa katawhan. Ang buhaton na lang sa usa ka ebanghelista mao ang pagpangita sa mga giandam sa Balaang Espiritu nga mamati sa pulong sa Dios.

1. Sa imong opinyon, unsa ang pinakadakong panginahanglan sa mga katawhan nga naa niining dapita? – kini nga pangutana magsugod ug konbersasyon.
2. Naga-apil ka ba ug mga panimbahon? – kon dili Crsitohanon base sa kultura, ang imong ipangutana mao ang, Unsa nga relihiyon ikaw nahisakop?
3. Sa imong pagsabot, nganong daghan man ang mga katawhan nga dili nagaadto ug iglesia? – kini nga pangutana nagpasabot nganong dili man sila gusto magsimba.
4. Kon ikaw mosulod ug usa ka iglesia, unsa nga klase nga iglesia ang imong pangitaon?
5. Unsa man ang among mahimo kanimo ug unsa man ang imong sugyot sa mga gusto nga magsugod ug iglesia niining dapita?

Buot namong magdungag ug duha pa ka mga pangutana:

6. Nabati ba nimo nga aduna kay personal nga relasyon diha kang Cristo o naa ka ba sa proseso sa pagpalambo sa imong relasyon Kaniya?
7. Interesado ka ba sa pagbuhat ug Pagtuon sa Biblia o Pagtuon sa Biblia sa imong panimalay?

Unsa man ang responde sa mg katawhan sa Christian radio broadcasts, sa mga traks, o mga dagkong kalihokan, kini maggamit aron mahibaloan kon ang mga katwhan able alang sa Pulong sa Dios. Ang Tagsugod sa Pag-ebanghleyo uban ang iyang grupo kinahanglan nga mahibal-an kung kinsa kadtong mga intereaso sa pagbuhat ug Pagtuon sa Biblia sa ilang tagsa-tagsang panimalay. Pangitaon kadtong mga katawhan nga maoy giandam sa Dios.

II. UNSAON PAGPAKITA SA GUGMA SA DIOS SA PRAKTIKAL NGA PAMAAGI

Juan 13:34-35

Sa Juan 13:34, Si Jesus naghatag kanato ug mando nga kianahanglan ang “gugma sa matag-usa” ug gitudloan kita unsaon paghigugma sa matag-usa, “Kay gihigugma ko kamo, higugmaon usab ninyo ang uban”.

Kinahanglan nga higugmaon nato ang uba “kay si Jesus unang nahigugma man kanato”.

Ang pangutana: Giunsa man kita paghigugma ni Jesus?

Adunay daghang mga pamaagi nga kita gihigugma ni Jesus, adunay duha ka pamaagi:

1. **Walay Kundisyon nga Gugma:** (Mateo 9:9-13) Si Jesus gitawag sa Mateo nga magsunod Kaniya. Si Mateo usa ka sinalikway sa iyang panahon, usa ka “makasasala”. Apan si Jesus nahigugma kang Mateo. Nakita ni Jesus ang usa ka tawo nga nasakitan, tinalikdan ug nawala. Si Jesus gisultian si Mateo nga magsunod Kaniya, Iyang gihimong higala si Mateo. Nakita ni Jesus ang usa ka tawo nga Iyang gihigugma pag-ayo nga andam Siyang mamatay tungod ug alang kang Mateo. Ang gugma ni Jesus wala nagdepende

kanato, o kon unsan ang atong ginahimo o kun kinsa kita. Si Jesus padayon nga nahigugma kanato bisan sundon o isalikway nato Siya, higugmaon gihapon kita ni Jesus.

2. **Gugma nga Sakripisyo**: (Mateo 14:13-14) Bisan pa tuod nga gusto ni Jesus ang mag-inusara aron sa pag-ampo, Siya kanunayng andam ug buot nga mutabang sa mga nagkinahanglan Kaniya. Kon ang mga nagkinahanglan moduol kang Jesus, Siya andam sa paghatag sa Iyang panahon. Iyang gihatag ang iyang panahon ug kusog. Si Jesus puno sa **gugma ug andam sa pagkab-ot sa mga nasakitan, sa mga masakiton ug sa mga nangawala. Siya andam kanunay!**

Kita dapat magpakita ug gugma sa samang pamaagi:

1. **Walay kundisyon nga Gugma**: sa Leviticus 19:18 ang Dios naghatag ug mando nga “Higugmaa ang imong isig-katawo sama sa paghigugma nimo sa imong kaugalingon”. Sa Lucas 10:29 nangutana ang mga disipulo kang Jesus, “Kinsa man ang akong silingan?”. Si Jesus mitubag pinaagi sa parabolo mahitungod sa Samaritanhon, nga ang ginaingon nga silingan lakip ang imong kaaway.

Isip sumusunod ni Cristo, wala kita’y katungod sa pagpili kung kinsa ang dapat natong higugmaon. Giklaro ni Jesus nga kita mahigugma sa tanan; lakip niini ang naglain-laing klase sa mga tawo, higala o kaaway, datu o probre, limpyo o hugaw.

Ang Dios gugma. Dakong pagpakita sa gugma Niya kanato pinaagi sa krus. Gusto sa Dios nga mapakita sa tibuok kalibotan ang Iyang gugma sa tanan. Unsaon man pagpakita sa Dios ang dakong gugma Niya karon? Gusto Niyang mapakita kini pinaagi sa Iyang mga disipulo, pinaagi kanimo. Himuon ba nimo kini? Imo bang ipaambit ang gugma sa Dios sa mga nangawala, sa mga nasakitan pinaagi sa praktikal nga pamaagi?

2. **Gugma nga Sakripisyal**: Ang gugma wala nagkinahanglan ug salapi apan panahon ug kusog. Ang biblia nagmando kanato sa pagpas-an sa gibug-aton sa matag-usa. Kon

adunay mga nasakitan o nag-kinahanglan, mahimong anaa ka sa iyang luyo aron sa pag-abag. Usahay gikinahanglan ang taas nga panahon aron nga mamaayo o mahapsay ang panghunahuna niya, ug gikinahanglan pud ang taas nga panahon nga makig-uban ka kaniya. Buot ka ba nga maghatag sa imong oras ug panahon aron lamang sa uban? Buot ka bang mosakripisyo sa imong kinabuhi aron sa pagpaambit sa gugma sa Dios sa uban?

Sa Juan 13:35, “Kon maghigugmaay kamo, mahibalo ang tanan nga kamo akong mga tinunan”

Sa atong pagpakita sa gugma sa Dios nga walay kundisyon ug sakripisyo, makita ug mabati sa mga katawhan ang gugma sa Dios nga naa kanato ug kita lahi sa uban, pinaagi niini magpaduol ug mapanalanginan sila sa gugma sa Dios. Pinaagi sa gugma sa Dios, ang mga katawhan mag-able sa ilang mga kasingkasing aron sa pagpaminaw ug pagdawat sa kamatuoran. Pinaagi sa Iyang gugma, mag-able ang mga pultahan sa mga panimalay aron mamati sa Pulong sa Dios.

Unsaon man pagpakita sa gugma sa Dios sa praktikal nga pamaagi? Unsaon man paghatag ug serbsiyo sa imong komunidad? Unsaon man nimo ug sa iglesia pagpanggawas aron sa pagpaambit sa gugma sa Dios? Mangita kita ug pamaagi aron kita makahatag ug tiunay ug talagsaon nga serbisyo sa uban. Ang kalibotan nagapanghinaut ug balos sa ilang gibuhad. Apan sa atong paghigugma ug pagministeryo, kita dili maghandum ug balos sa atong paghatag.

Sa imong pagpamuhad, isugid nga gusto nimong mapaambit ang gugma sa Dios ug pangutan-on mo sila kung intereaso ba ang siya magtuon sa Biblia sa ilang panimaly. Ang Dios ang maggiya kanimo sa mga tawo nga adunay kalinaw ug andam sa pagpaminaw ug pagdawat sa pulong sa Dios.

III. UNSAON PAGESUNOD ANG OIKOS (Buhat 16:31)

Adunay laing prinsipyo nga ginagamit karong panahuna. Mao kini ang ginatawag na “oikos” nga prinsipyo. Sa Buhat 16:31 nagsulti, “Saligi ang Ginoong Jesus, ug maluwas ka lakip ang imong panimalay.” Ang pulong Oikos nagpasabot nga “panimalay o household” o “lukup sa imong impluwensiya”. Ang matag-usa sa kalibotan sakop sa usa ka Oikos.

Kon makaplagn mo ang tawo nga dunay kalinaw kinahanglan nga magsugod ka sa iyaha hangtud nga mapasulod kaniya sa mga tawo nga naa sa iyang oikos. Ang matag-usa nga naa sa iyang oikos naa usab oikos. Pananglit, kung ang tawo adunay diyes ka tawo sa iyang oikos, ang matag-usa sa iyang oikos naa usab diyes sa tagsa-tagsa nilang oikos. Kini mahimong mapaambitan usab sa maayong balita. Ang importante nga makaplagn mo ang tawo nga adunay kalinaw ug mailhan ang oikos niini.

IV. UNSAON PAGDUMALA SA PAGTUON SA BIBLIA (PAGTUON SA BIBLIA)?

A. UNSAON PAGDALA SA USA KA PAGTUON SA BIBLIA (EVANGELISTIC)

Sa dihang nakaplagn mo na ang tawo nga adunay kalinaw ug midawat sa pagtuon sa Biblia sa iyang panimalay, kinahanglan nga maggahin ka ug oras sa pagbalik sa iyang panimalay aron sa pagdumala sa pagtuon sa Biblia. Imong dasigon siya sa pag-awhag sa iyang tibuok pamilya o mga higala sa pag-apil sa maong pagtuon. Kinahanglan nga ipahibalo nimo kaniya nga ang pagtuon mabuhat sa pito hangtud sa walo ka semana, usa ka leksyon kada usa sa semana. Dili buot nagpasabot nga ang pagtuon sa Biblia kinahanglan ka usa lamang sa semana, mahimong kaduha o katulo, depende sa schedule sa imong tudloan depende usab sa shedule nimo.

Adunay daghang maayo nga mga pamaagi aron sa pagdala sa Pagtuon sa Biblia. Kini nga libro magtudlo kanimo unsaon paggamit sa “Pagsugilon” nga pamaagi.

PAGSUGILANON

Ang pagsugilanon gimugna alang sa mga dili makabasa apan maayo usab kini gamiton sa mga makabasa. Paggamit ug mga nindot nga mga sugilanon. Adunay mga sugilanon sa libro ni Christy Brawner. Kini simple ug praktikal. Ang “*Maayong Balita ni Jesus*” dunay pito ka mga evangelistic leksyon mahitungod sa kinabuhi ni Jesus gikan sa libro sa Mateo, kini maggamit sa mga dili pa cristohanon. Ang sugilanon sa “*Pagsugod ug Bag-ong Kinabuhi uban kang Cristo*” gikan usab sa libro sa Mateo ug mahimong maggamit sa mga bag-ong magtutuo.

Hinumdumi: kini mga dili magtutuo. Sila dili pamilyar sa mga sugilanon sa Biblia, wala usab sila nasayod unsaon sa paggamit niini. Mahimong wala pa nila madungog unsa ang biblia. Kinahanglan ang taas nga pagpasensiya sa pagtudlo kanila. Among sugyot nga duha kamo magtudlo. Kini makatabang gayod sa pagtudlo ninyo sa mga katawhan.

Una, ang pag-eksplika nga ang Biblia mao ang Pulong sa Dios nga Magbubuhay sa tanan. Ang Dios maoy nagsulat niini pinaagi sa mga tawo nga iyang gigamit aron mapadayag ang Kamatuoran kanato. Kini nga libro magpadayag kanato sa gugma sa Dios ug ang pagbutyag sa iyang katuyuan sa atong mga kinabuhi. Mahimong nimong mapaambit kanila nga ang Biblia matarong ug tinuod gayod.

Ikaduha, ipakita kanila ang index o talaan sa Biblia. Isugid kanila nga ang Biblia adunay duha ka bahin, Ang Daang Testamento ug Bag-ong Testamento, nga gibahin-bahin sa daghang libro. Paghatag ug mga mughong eksplanasyon sa unod sa Daang Testamento ug Bag-ong Testamento.

Ikatulo, ipakita kanila unsaon sa pagpangita sa mga libro pinaagi sa mga numero sa pahina niini. Tabangi sila sa pagpangita sa pahina sa Mateo ug tabangi sila sa pag-abli sa libro sa Mateo. Sa dihang nakita na nila ang Mateo, ipakita kanila ang mga kapitulo ug bersikulo. I-eksplikar kanila nga ang sugilanon nga imong hisgutan makita sa libro sa Mateo.

Sunda ang mga suhesityon sa pagsugilanon ug pagpaambit sa Espirituhanong Kamatuoran:

1. Hinumdumi nga kanunayng maayo ang imong pagtagad sa mga tawo, lakip niini ang pagrespeto, ang pagpananghid sa paghisgut sa sugilanon ug ang pagpadayon sa buluhaton matag-semana.
2. Pagsugilon pinaagi sa kalma nga tingug. Ayaw pagwali sa mga tawo.
3. Ayaw pakig-lalis mahitungod sa kamatuoran. Tuguti ang Balaang Espiritu sa paglihok sa kasingkasing sa mga dili-magtutuo, aron sa pagpadayag sa ilang mga kasingkasing ug pagpasabot kanila sa kamatuoran.
4. Ayaw hukmi ang matag-tawo ni kundenahon ang ilang pagtuo. Tun-i lang ang Biblia ug tugoti ang Balaang Espiritu sa Dios ang maglihok kanila pinaagi sa Iyang Pulong.
5. Sugdan ang matag-tigum ug mubong pag-ampo, pagpangayo sa Dios ug maayong pagsabot sa mga sugilanon.
6. Gamita ang mga pamaagi sa pagsugilon: Basaha gikan sa booklet ang usa ka sentence ug i-eksplikar kon unsa ang imong gibasa. Kini maghatag sa tawo ug oportunidad sa pagpaminaw sa sugilanon sa makausa pa. Kun adunay kopya, mahimong imong ipabasa sa mga tawo ang sugilanon aron sila makaapil sa paghisgot sa sugilanon.
7. Kinahanglan nga ang pangulo maghatag ug mga pangutana human sa pagsugilon. Ang katuyuan mao ang pagtan-aw pag-usab sa sugilanon ug pag-susi kon nasabtan ba ang sugilanon – ug dili ang pag-debate niini.
8. Basaha ang Espirituhanong Kamatuoran. Tagai ug kagawasan ang mga katawhan sa paghisgot ug pagpangutana sa matag-espirituhanong kamatuoran. Ayaw ug pakigdebateo pakig-lalis ni bisan kinsa. Niining taknaa, dili kinahanglan nga modawat o mouyon sa mga Espirituhanong Kamatuoran. Ang importante nga ilang nabatian ug nasabtan ang mga kamatuoran sa Pulong sa Dios.
9. Human sa pagtino sa mga Espirituhanong Kamatuoran,

tagai ug higayon ang matag-usa sa grupo na magpaambit sa ilang mga panginahanglan ug mga pagampo.

10. Ampoi sa tinagsa ang mga panginahanglan sa matag-usa. Sa kadugayon, sa dihang magdawat ang mga tawo kay Jesu Cristo, tugoti sila na mag-ampo alang sa tanan, ilabina sa oras sa pagpangamuyo.
11. Sa pagtapos sa ikapitong leksyon, inbitahon nimo sila sa pagdawat kang Cristo isip ilang Dios. Apan, kung adunay interesado sa paghatag sa ilang kinabuhi diha kay Cristo sa wala pa nahuman ang ikapitong leksyon o ang ikapitong semana sa pagtuon, kinahanglan nga itudlo kanila unsaon pagdawat si Cristo ug tagaan sila ug panahon sa pagdawat ug pag-ampo.

B. UNSAON PAGDUMALA UG FOLLOW-UP PAGTUON SA BIBLIA

Mateo 28:19 ug II Timoteo 2:2

Si Jesus adunay mando kanato nga “Lakaw ug paghimo ug mga disipulo” dili lamang mga bag-ong magtutuo. Sa dihang adunay magdawat kang Cristo sa imong pagtuon sa Biblia, importante ang pagdisipulo kanila. Kinahanglan nga masugdan dayon ang pagdisipulo aron nga magtubo sila sa ilang relasyon diha sa Dios ug makabaton ug abundansiya nga pagkinabuhi, maghatag katuyuan ug tumong sa ilang mga kinabuhi.

Una, mao ang pagdisipulo ug pagtudlo kanila aron mailhan nila ang Dios. Tudloan sila unsaon paggahin ug panahon sa Dios pinaagi sa pagbasa sa Iyang pulong ug pag-ampo. Ikaduha, pagbansay kanila alang sa pagpamuhat.

1. Ang Pagdesisyon

Ang Tagsugod kinahanglan ang tukmang pagdesisyon. Siya magsugod ug panagtigum uban ang katawhan nga nakahuman sa pagtuon sa Biblia. Imbitahon ang mga makadawat apil ang mga wala pa nakadawat aron sa pagpadayon ug mga follow-up studies. Niini nga panahon, ang Tagsugod kinahanglang buhaton ang duha ka butang:

- A. Pagsugod sa pagtuon sa mga pagpadayon nga mga materyales. Ang matagmagtutuo kinahanglan nga madisipulo. Importante kaayo ang pagdisipulo sa matagmagtutuo ug matag-iglesia. Pinaagi sa pagdisipulo, kini magtabang sa magtutuo nga mutubo sa Espirituhanong bahin, diin kini usa ng mahimong lig-on nga pundasyon sa usa ka iglesia, ug mahimong usa sa mga galamiton sa iglesia sa pagpadaghan sa trabaho. Ang Tagsugod gamiton ang Follow-up material pinaagi sa dili direkta nga mga pamaagi. Mahimong mogamit ang Tagsugod ug ubang materyales, apan among girekomenda ang materyales sa Pagsugilon: “Pagsugod ug Bag-ong Kinabuhi”.
- B. **Importante Kaayo.** Kanunayng ipadayon ang pagpangita ug daghang pang mga katawhan nga adunay kalinaw aron sa pagsugod ug mga bag-ong buluhaton, gamit ang Good News Studies o Stories, alang sa mga bag-ong prospect.

2. Ikatulong Semana

Kinahanglan nga ang Tagsugod magpili ug usa ka pangulo nga maoy magdumala sa sunod nga semana. Kinahanglan nga ang Tagsugod naa gihapon matagsemana aron sa paggiya sa magdumala. Ang Tagsugod magtigum sa mga pangulo aron sa pagbansay kanila. Dinhi sugdan sa Tagsugod ang pagporma ug bag-ong grupo, siya magtudlo kanila ug magpadala kanila aron sa pagpamuhat. HINUMDUMI: Ang Tagsugod kinahanglan nga matigum ang iyang grupo matag-semana.

3. Ika-upat ug Ika-lima nga Semana

Ang lokal na pangulo magdumala sa pagtuon sa Biblia, ang Tagsugod mamati lamang kaniya. Ang lokal na pangulo magpadayon sa pagdumala sa mga pagtuon sa Biblia.

4. Ika-unom nga Semana

Dinhi nga semana, ang Tagasugod naghatag ug rason nga dili siya makaapil sa panagtigum, apan i-eksplikar niya nga kinahanglan mapatigayon gihapon ang panagtigum.

PART II: UNSAON PAGDISIPULO ANG IMONG GRUPO

Sa dihang natudluan na ang imong grupo sa: 1) Unsaon Pagpangita ug Tawo nga may Kalinaw, 2) Unsaon Pagpakita sa Gugma sa Dios sa Praktikal nga pamaagi, 3) Unsaon Pagsunod sa Oikos ug 4) Unsaon Paghimo ug mga Pagtuon sa Biblia sa mga dili-magtutuo, Ipadala nimo sila aron sa pagpangita ug mga tawo nga interesado sa pagtuon sa Biblia. Kausa sa semana, kinahanglan ang matigum ang imong grupo aron sa:

1. Pamation ang ilang mga kadaugan
2. Pamation ang ilang mga problema
3. Tudloan sila sa sunod nga leksyon nga gamiton sa sunod nga dili-magtutuo
4. Pagsugod sa pagdisipulo kanila. Ang sunod nga materyales magtabang ug maggiya kanimo unsaon pagdisipulo sa imong grupo.

I. ANG TAGSUGOD SA PAG-EBANGHELYO UG ANG BALANG ESPIRITU

Si Apostol Pablo nagdepende gayod sa Balaang Espiritu. Pinaagi sa Balaang Espiritu, aduna siy'y gahum sa pagwali sa mensahe sa kaluwasan nga adunay dagkong mga resulta; nagpadayag ug mga dagkong milagro; ug nagsugod ug daghang mga bag-ong ka-iglesiahanan. Kon ang Tagsugod sa Pag-ebanghelyo handum ang nindot nga resulta sa pagministeryo, kinahanglan nga siya magdepende sa Balaang Espiritu.

Sa pagsulod sa mga siyudad ug paghinagbo sa mga katawhan nga interesado

Ang Balaang Espiritu ang mag-able sa mga oportunidad pinaagi sa mga daghang situwasyon, mga tawo, mga sirkumstansiya nga makahatag higayon sa pagsugod ug buluhaton. Sa matag-siyudad, a dunay mga tawo nga interesado mamati sa pulong sa Dios. Ang Dios nagapamuhat bisan asa. Ang Balaang Espiritu ang mag-andam sa mga kasingkasing.

Sa pagdumala ug Pagtuon sa Biblia sa mga panimalay

Sa panahon sa panagtigum, adunay oportunidad ang Tagsugod sa pagidskubre ug mga adunay potensiyal nga mamahimong pangulo ug tudloan sila. Si Apostol Pablo misulod ug usa ka siyudad, duha o tulo ka semana siyang magpuyo didto, siya magdaug ug mga kalag, makakaplag ug mga bag-ong pangulo aron sa pagdumala sa bag-ong iglesia.

Sa pag-organisa ug bag-ong iglesia

Ang iglesia Iya sa Balaang Espiritu. Siya ang sinugdan niini. Kon ang iglesia buhat sa gahum sa Balaang Espiritu, Siya ang maghatag ug mga miembro nga dunay espirituhanong gasa nga importante alang sa kalamboan sa iglesia. Kini nga mga gasa nakita sa I Corinto 12, Roma 12:6-12 ug I Pedro.

Sa pagbiya ug lug

Ang Tagsugod kinahanglan nga magdepende ug magasalig sa Balaang Espiritu nga maoy magpadayon sa buluhaton human nga ang Tagsugod mubiya niini. Sa dihang si Apostol Pablo mibiya sa mga siyudad, iyang gibiyaan ang trabaho sa kamot sa mga lokal na pangulo pinaagi sa iyang pagsalig sa Balaang Espiritu.

Sa pagpamuhat sa buluhaton ni Cristo, importante nga ang Tagsugod puno sa Balaang Espiritu. Basaha ang Efeso 5:18, “Ayaw kamo paghuboghubog kay makadaot lamang kini kaninyo. Tinguhaa hinuon ninyo nga mapuno kamo sa Espiritu.” Adunay mga kamatuoran mahitungod sa Balaang Espiritu:

1. Ang kinaiyahan sa Balaang Espiritu

- ◆ Ang Balaang Espiritu **walay kataposan** – Hebrews 9:14
- ◆ Ang Balaang Espiritu **anaa sa tanang dapit** – Salmo 139:7-10
- ◆ Ang Balaang Espiritu **makagagahum sa tanan** – Lucas 1:35
- ◆ Ang Balaang Espiritu **nasayod sa tanan** – Juan 14:12,26

Kining upat ka mga kinaiyahan mga ilhanan sa Dios. Ang Dios lang ang walay sinugdanan ug kataposan, ang anaa sa bisan asang dapit, labawng makagagahum sa tanan ug nasayod sa tanan.

2. Ang buhat sa Balaang Espiritu sa nawala nga tawo

- ◆ Ang Balaang Espiritu nagpamatuod nga si Jesus mao ang kamatuoran – Juan 15:26-27
- ◆ Ang Balaang Espiritu nagpatino sa kalibotan nga makasasala, sa hustisya ug paghukom – Juan 16:8-11

3. Ang buhat sa Balaang Espiritu sa Cristohanon

- ◆ Ang Balaang Espiritu naghatag sa Cristohanon ug kasigurohan sa kinabuhing walay kataposan. – II Corinto 1:22, Efeso 1:13-14
- ◆ Ang Balaang Espiritu nagabag-o sa Cristohanon – Titus 3:5
- ◆ Ang Balaang Espiritu naghatag kagawasan sa Cristohanon gikan sa sala ug kamatayon. –Roma 8:2
- ◆ Ang Balaang Espiritu nagadasig sa Cristohanon. - Efeso 3:16
- ◆ Ang Balaang Espiritu tugotan ang Cristohanon sa pagsangyaw. – Buhat 8

4. Ang Kahingpitan ug bunga sa Balaang Espiritu

- ◆ Mapuno sa Balaang Espiritu ang tanang Cristohanon. – Efeso 5:18
- ◆ Ang bunga sa Espiritu mao ang: gugma, kalipay, kalinaw, pailub, kabuotan, kamaayo, pagtuo, kamaaghup ug kontrol sa kaugalingon. – Galatia 5:22-23
- ◆ Ang katuyoan sa pagpapuno sa Balaang Espiritu mao ang pagpaambit sa Pulong sa Dios nga adunay kadasig.

5. Ang mga Kundisyon aron puno sa Balaang Espiritu

- ◆ Kinahanglan nga luwas ang tawo. – Buhat 2:38
- ◆ Kinahanglan nga isugid ang mga kasal-anan sa iyang kinabuhi. – I Juan 1:9 ug Salmo 66:18
- ◆ Pinaagi sa pagtuo, pangayua sa Balaang Espiritu ang pagkontrolar sa imong Kinabuhi. – I Juan 5:14-15 ug Roma 1:17
- ◆ Sunda ang Dios matag-adlaw sa imong kinabuhi. – Buhat 5:32

Ang biblia naghata gkanato ug ilustrasyon kung unsa ang tinuod na Cristohanon nga puno ug kontrolado sa Balaang Espiritu, kini atong makita kang David. Mahimo natong sundon sa atong kinabuhi ang upat ka mga Espirituhanong Kamatuoran ug tugutan ang Dios sa pagkontrolar kanato ug gamiton kita alang sa Iyang gingharian.

1. I Samuel 16:13 – ang kinabuhi nga puno sa Balaang Espiritu adunay gahum nga gikan sa Balaang Dios.

Sama sa paglig-on sa Dios sa mga magtutuo karon. Si David gigamhan sa Balaang Espiritu kay ang Dios adunay dakong katuyuan sa kinabuhi ni David. Ang Dios adunay katuyuan sa atong kinabuhi, matuman kini pinaagi lamang sa gahum sa Balaang Espiritu nga maoy magdumala kanato. Ang gahum wala naggikan sa salapi, edukasyon, sa trabaho ni sa Amerika, apan gikan lamang gayod sa Balaang Espiritu sa Dios.

2. I Samuel 17:45 – wala na kita nagkinahanglan pa ug uban sa dihang naana na kanato ang Dios.

Si Goliath, sa iyang panahon, andam kaayo. Siya adunay igo nga gitag-on, kusog, kaagi ug mga gamit alang sa pakig-away. Si David andam ba siya? Dili siya taas ug dili pud igo ang iyang kusog? Dili siya anad sa gubat ug wala siya'y igo nga gamit alang sa pang-gubat. Wala usab kini niya nasinatin sukad-sukad sa iyang pagkinabuhi. Apan si David miingon, "... Ako makig-away kanimo sa ngalan sa akong Dios Amahan, ang Dios sa kasundalohan sa

Israel, nga imong giharang”. Ang nakig-uban kang David mao lamang ang Balaang Espiritu, ug mao lang ini ang iyang gikinahanglan usab! Mao kini ang atong gikinahanglan! Kon ang Dios nagtaag kanato aron sa pagsunod Kaniya sa pagtrabaho sa dakong buluhaton, nga alang kanato imposible buhaton, ang Balaang Espiritu makig-uban kanato ug kini igo na aron matuman ang plano sa Dios kanato. Siya magbuhat sa tanan.

3. **I Samuel 17:50 – ang Dios gusto magbuhat ug imposible kanato ug pinaagi kanato.** Kinsa man ang midaog sa batok kay Goliath? Dili si David, imposible nga mahimo kini niya. Ang Dios ang midaog! Ang Dios buot maghimo ug mga butang nga dili nato mahimo apan buhaton niya pinaagi kanato. Buot sa Dios nga himuon ang mga imposible sa tulo ka dapit:
 - a. **Una** – Sa sulod Kanato: Ang Dios lamang ang makapabag-o kanato. Buot Niyang himuon ang mga imposible sa atong kinabuhi. Buot sa Dios nga kita mahisama Kaniya apan kini imossible alang kanato.
 - b. **Ikaduha** – Pinaagi Kanato: Ang Dios lamang ang makahimo ug mga pagministeryo. Buot niyang magministryo pinagi kanato ug alang kanato imposible kini buhaton.
 - c. **Ikatulo** – Pinaagi sa mga Kasingkasing sa mga Nangawala: Ang Dios lamang ang makaluwas sa mga nangawala, kini imposible alang kanato. Ang Dios, pinaagi sa Iyang Balaang Espiritu, magapamuhat sa mga kasingkasing sa mga wala pa naluwas ug ipahibalo ug ipasabot kanila nga sila makasasala ug ihatod kanila ang kamatuoran nga magdala nila ngadto sa kaluwasan.

4. **I Samuel 17:46 – ang Dios magapamuhat sa mga imposible na mga butang aron ang kalibotan masayod nga Siya Dios.** Gigamit sa Dios si David nga usa ka magbalantay sa mga karnero ug walay kaagi ni kahibalo sa pakig-gubat, sa panahon nga nakig-batok siya kang Goliath, ang tanan nasayod nga adunay mas gamhanan pa ang nagakupot kang David, “Adunay Dios

ang Israel”. Tungod sa pagpadayag sa gahum sa Dios, ang mga Pilistinanon nangahadlok. Kon atong tugotan ang Dios nga magapmauhat kanato ug pinaagi kanato, Siya magpadayag sa Iyang gahum ug ang mga tawo nga naa sa atong palibot masayud nga adunay tinuod ug buhi na Dios.

KONKLUSYON

Sa pagtuon nimo niining seksiyon, gidasig ko kamo sa pagtan-aw sa mga bersikulo ug tugotan ang paglihok sa Balaang Espiritu nga maoy magpasabot ug maghatod sa mensahe diha kaninyo.

Ang magtutuo nakaangkon duhig sa Balaang Espiritu (I Juan 2:20, 27; II Corinto 1:21), Ang simbolo sa selyo (II Corinto 1:22; Efeso 1:13), Ang simbolo sa deposito (II Corinto 1:22; Efeso 1:14), Ang simbolo sa Bautismo (I Corinto 12:13a), ug Ang simbolo sa ilimnon (I Corinto 12:13b; Juan 4:14; Juan 7:37-39a).

Kinahanglan nga atong sundon ang nagsulti kanato nga “Panlakaw kamo sa tibuok kalibotan ug pagwali sa maayong balita sa matag-tawo” (Markus 16:15). Atong higugmaon ang Iyang Pulong kay kita nabalaanon tungod sa Dios. (Juan 17:17)

Magapamuhat kita sa mga alanihon sa Dios na puno sa pagsalig ug kalipay kay Siya nagapamuhat pinaagi kanato (Filipus 1:6; 2:13). Walay ni bisan kinsa sa mga cristohanon nga nagkulang sa mga Espirituhanong gasa. (I Corinto 1:7). Ang Balaang Espiritu ang nagpahimo kanato sa paghatag ug serbisyo diha kang Cristo ug kini gibuhat Niya pinaagi sa mga gasa nga Iyang gihatag kanato. (I Corinto 12:4-6)

Atong sundon ang mga mando sa Dios kanato pinaagi sa atong mga nasabtan sa Iyang mga Pulong. Ang resulta niini mao ang mga maayong bunga sa atong mga pagpamuhat (Galatia 5:22-26)

APLIKASYON

- ◆ Mahilum nga pagpangamuyo
- ◆ Hangyuan ang blaang espiritu sa pagpadayag sa mga sala nga naa sa imong kinahuhi

- ◆ Isugid ang imong mga kasaypanan nga moabot sa imong huna-huna
- ◆ Ihatag sa dios ang imong kinabuhi uban ang pagsunod kaniya

II. ANG TAGSUGOD SA PAG-EBANGHELYO UG ANG PAG-AMPO

INTRODUKSIYON

Imposibe kaayo nga mahimong disipulo ni Jesu Cristo kon dili ka usa ka tawo sa pag-ampo. Kinahanglan nga ang Tagsugod determinado sa paghatag ug panahon sa Dios, kini mao ang una ug importanteng prayoridad sa iyang kinabuhi. Kon ang pag-ampo wala sa kinabuhi sa usa ka Tagsugod, dili niya mahimong ma-ila sa sa tiunay ang Dios. Dili siya magpabilin ubos sa direksiyon sa Dios sa iyang kinabuhi. Dili usab siya makapamunga ug tinuod sa iyang pagpamuhat.

Adunay walo ka mga aspeto diin mahimo ang paghatag ug panahon sa pag-ampo o pakig-istorya sa Dios.

1. Pagdayeg ug Pagsimba

Ang Biblia nag-sulti sa Salmo 48:1, “Gamhanan ang Ginoo ug angay nga daygon pag-ayo...”. Ug sa Salmo 34:1-3, “Pasalamat ko kanunay ang Ginoo; dili gayod ako mohunong paglitok ug mga pagdayeg alang kaniya. Daygon ko Siya tungod sa iyang nabuhat. Mamati unta ug maglipay ang tanang nag-antos! Duyog kamo kanako sa pagsangyaw sa kahalangdon sa Ginoo. Maghiusa kita sa pagdayeg sa iyang ngalan!”

Nagadayeg kita sa Dios sa atong serbisyo sa pagsimba sa panahon sa Domingo. Apan, unsa man ang angay natong buhaton sa oras nga maghatag kita ug panahon sa pakig-istorya sa Dios gikan sa Lunes hangtod Sabado? Ang Salmo 22:3 nagsulti, “Apan balaan ka ug gidayeg sa Israel.”

Unsa man ang pagdayeg? Ang pagdayeg mao ang pagpahitaas, pagbayaw ug pag-ila sa atong buhi nga Dios. Ang pagpasalamat mao ang paghatag ug pasalamat sa atong Dios sa tanan Niyang gibuhay ug gihatag sa atong kinabuhi. Ang pagdayeg mao ang pagpadayag sa kinaiyahan sa atong Dios.

Ang Biblia naghisgot nga, aron sa pagdayeg sa Dios, kinahanglan nga gamiton sa tawo ang iyang huna-huna, iyang buot ug iyang emosyon. Dili sayop ang pagpakita ug emosyon sa panahon sa pagsimba. Kon kini sayop, dili diay angay nga gamiton ang huna-huna ug pagbuot sa usa ka tawo. Ang tawo adunay lawas, kalag (huna-huna, pagbuot ug emosyon) ug espiritu. (I Tesalonica 5:23)

Apan tuod, adunay dakong kalahian ang emosyon ug pagka-emosyonal. Ang pagka-emosyonal mao ang dili na makontrolar nga emosyon sa usa ka tawo. Kon mahitabo kini sa panahon sa pagsimba, ang panimbahon mahimo nga mawala sa pagkahan-ay subay sa Biblianhong limitasyon. Ang Biblia wala nagdumili sa paggamit ug emosyon sa panahon sa pagsimba; apan kini batok sa pagka-emosyonal.

Adunay pipila ka mga sugyot unsaon ang pagdayeg sa Dios pinaagi sa atong personal nga panahon nga ihatag Kaniya:

A. Pag-awit ug mga kanta gikan sa himno o mga Libro sa Critohanong awit.

Kon adunay laing tawo nga naa sa kuwarto diin nagabuhat ka sa imong “Quiet Time o Devotional”, mahimo nga basahon mo ang mga pulong sa awit gamit lamang ang imong huna-huna ug kini ihalad nimo sa Dios.

Palangdungi ang matag paragraph sa awit aron nga masabtan ang mensahe sa pag-awit nga ihalad nimo sa Dios. Dayega ang Dios pinaagi sa imong nabasa. Kini himuon nimo hangtod mahuman ang usa ka awit. Sa talaan sa mga himno, daghang mga awit sa pagdayeg ang makita didto, mahimo mo kining gamiton.

B. Awita o basaha ang koruses sa mga kanta sa pagdayeg

Ang Efeso 5:19-20 nagsulti, “ug sa inyong pagsultianay gamita ninyo ang mga salmo, mga himno ug mga balaang awit. Awiti ug dayga ninyo ang Ginoo sa kinasingkasing gayod. Sa ngalan sa atong Ginoong Jesu-Cristo, pasalamat ninyo kanunay ang Dios nga Amahan tungod sa tanang butang.” Saligi nga ang tanang awit sakto ug hingpit sumala sa Biblia.

C. Pagbasa ug mga passages sa pag-ampo nga makita sa Biblia, palandungi ang matag bersikulo

Ang Salmo 8:1 nag-ingon, “O Ginoo nga among Ginoo, pagkahalangdon sa imong ngalan sa tibuok kalibotan! Sangko sa kalangitan ang pagdayeg sa imong himaya”

Aron buhatong personal ang bersikulo, ilisdi lamang kini sa imong pangalan. Pananglit, “O Ginoo akong Ginoo, pagkahalangdon sa imong ngalan sa tibuok kalibotan! Sangko sa kalangitan ang pagdayeg sa imong himaya” Basaha ang matag-bersikulo, ug usba pagbasa ang susamang bersikulo ug himoang personal kini nga pagdayeg diha sa Dios.

Ang mga kapitulo nga angay alang niini makita sa: Salmo 8,9,19,24,65,92,104, ug 139. Ang pag-ampo ni Jesus ug ni Apostol Pablo Pipila sa libro sa Rebelasyon. Aron sa pagpangita pa ug laing mga balasahon sa pagdayeg, mahimong tan-awon mo lang ang pulong na “pagdayeg” sa concordance, kini maggiya kanimo asa makita kini nga mga bersikulo o kapitulo.

Ang pagdayeg importante sa espirituhanong pagtubo sa usa ka magtutuo. Basaha ang Rebelasyon 4 ug 5 aron madiskubrehan mo kon unsa ang atong buhaton sa langit.

2. Pagsugid

Dili kinahanglan ang paghatag ug taas nga panahon sa pagsugid sa atong mga kasaypanan. Sa panahon nga kita makasala, ang Balaang Espiritu ang magpahibalo kanato pinaagi sa atong mga kunsensiya mahitungod sa atong nabuhat. Ang pagsugid sa atong sala kinahanglan mahitabo dihadiha dayon sa panahon nga makig-istorya ang Balaang Espiritu kanato. Ang biblia naghisgut sa I Juan 1:9 nga, “Apan kon isugid nato sa Dios ang atong mga sala, siya nga matarong ug matinumanon sa iyang saad mopasaylo gayod sa tanan natong mga sala ug mahinlo sa tanan natong mga kalapasan.”

Sa atong personal nga panahon alang sa Dios, ang Balaang Espiritu magpahinumdom sa mga wala nato masulti nga sala. Pahinumduman ka Niya sa imong daotan nga pamatasan, kasuko, kaligutgot sa uban. Kinahanglan nga masugid nato ang tanan natong mga kapakyasan.

3. Pagpasalamat

Sa Filipos 4:6, “Ayaw kamo kabalaka sa bisan unsa kondili pangayoa sa Dios ang inyong gikinahanglan uban ang pagpasalamat sa tanan ninyong pag-ampo.”

Ang Pagpasalamat mao ang pag-ila sa mga nabuhat sa Dios kanato. Pananglit, “Nagapasalamat ako Kanimo O Dios sa akong maayong kalawasan, sa akong pagkaon ug sa akong pamilya”.

4. Pagbati sa Tingog sa Dios

Sa Salmo 62:5, “Dios lamang ang akong gisaligan ug kaniya lamang ako naglaom”. Ug sa Salmo 46:10, “Hunonga ang inyong panag-away ug ilha ako nga mao ang Dios...”

Unsaon nato pagkadungog sa tingog sa Dios? Ang Dios mogamit ug duha ka mga pamaagi aron sa pagpakig-istorya kanato matag-adlaw: Ang Balaang Espiritu ug Iyang Pulong. Roma 10:17 nagsulti, “Busa ang pagtuo naggikan sa pagpamati sa mensahe ug ang nabati naggikan sa Pulong ni Cristo.”

Ang Biblia mao ang sulat sa gugma sa Dios. Buot sa Dios nga makig-istorya kanato sa Iyang Pulong pinaagi sa Balaang Espiritu. Adunay pipila ka mga pamaagi aron mabati ang tingog sa Dios:

- A. Sugdi sa pagbasa sa Biblia. Among sugyot nga magsugod ka sa libro sa Efesos.
- B. Pangayoa sa Dios sa pagpakita kanimo sa mga Espirituhanong Kamatuoran sa matag bersikulo o paragraph. Pananglit, sa Efeso 1:1, “Gikan ni Pablo, apostol ni Cristo Jesus, tungod sa kabubut-on sa Dios – alang sa katawhan sa Dios diha sa Efeso, nga matinumanon kang Cristo Jesus. Adunay upat ka mga Espirituhanong kamatuoran nga makita dinhi:
 - 1) Si Pablo usa ka magtutuo ug Apsotol ni Jesu Cristo
 - 2) Siya usa ka Apostol nga gipili sa Dios
 - 3) Ang pulong “Santos” nagsangpit sa mga Cristohanon sa Efesos
 - 4) Kini nga mga Cristohanon matinumanon diha kang Cristo Jesus.
- C. I-personal ang matag Espirituhanong kamatuoran. Ang Dios

nakig-istorya sa mga nagabasa pinaagi sa mga kamatuoran. Pananglit, “Ang Dios nagsulti kanako ug upat ka mga kamatuoran sa Efeses 1:1:

- 1) Thomas Wade, ikaw usa ka disipulo ni Cristo Jesus tungod sa akong pagbuot
- 2) Thomas Wade, gipili Ko ikaw sa akong pagbuot
- 3) Thomas Wade, ikaw usa ka santos ug nagpuyo ka sa Belo Horizonte, Brazil
- 4) Thomas Wade, gusto ko nga matinumanon ka diha kang Cristo Jesus.

5. Ibalik ang pulong sa Dios ngadto sa Dios

Gamita ang mga bersikulo aron sa pag-ampo diha sa Ginoo. Gamita kining usa ka partikular nga bersikulo nga makutlo sa Efesos diin kita makasulti, “Amahan ko, ang akong Dios, ako nagpasalamat Kanimo, kay Ikaw O Dios nagtawag kanako aron mahimong disipulo ni Cristo Jesus. Nagapasalamat ako tungod kay gihimo Mo akong santos ug ako gilain Mo. Amahan ko, ang akong handum mao ang mahimong alagad nga matinumanon diha kay Cristo, sa panglan ni Jesus, mao kini ang akong pag-ampo, Amen!”

Human sa paglakaw pinaagi niini nga mga lakang uban sa unang bersikulo, padayon ngadto sa ikaduha nga bersikulo ug padayon hangtod sa maong teksto.

6. Pag-pangamuyo

Efeso 6:18 nag-ingon, “Ug buhata kining tanan diha sa pag-ampo ug pangayo kamo kanunay pinaagi sa Espiritu. Tungod niini pagbantay kamo ug lahutay gayod. Pag-ampo kanunay alang sa tibuok balaang katawhan sa Dios”

Ang pagpangamuyo mao ang pag-ampo alang sa uban. Daghang mga biblia nga adunay blanko sa likod. Kini mahimong tungaon sa walo ka bahin, o mahimong mogamit ug kwaderno aron sa mga listahan sa imong mga ampoanan.

Pananglit, sa taas sa papel, mahimo nimong sulatan sa pulong nga, “**Pang-adlaw adlaw,**” lakip niini ang pangalan sa imong kapikas sa kinabuhi, mga anak, ginikanan, igsoon, ug uban pa. Kini nga mga tawo duol ug importante alang kanimo.

Sa sunod nga mga pahina, o sa sunod nga mga kolum, isulat ang pulong nga, “**Domingo**”. Sa ubos niini isulat ang mga tawo

nga gusto nimong ampoan karon nga semanahuna. Ampoi ang imong pastor ug ang iyang asawa, ang inyong Sunday School teacher ug uban pa sa imong klase.

Padayon sa sunod pahina o kolum, isulat ang pulong nga, “**Lunes**”. Dinhi nga pahina isulat ang tanang miembro sa imong pamilya ug imong mga higala.

Sa sunod nga pahina o kolum, maoa ng pulong nga, “**Martes**”. Kini nga adlaw, hatagig panahon ang pag-ampo sa mga nangawala.

Ang sunod mao ang “**Miyerkules**”. Ubos niini isulat ang mga pangalan sa mga misyonaryo, mga pangulo sa imong asosasyon sa mga kasimbahanan, mga pangulo sa ka-iglesiahan ug uban pa nga gusto nimong ampoan.

Sunod ang adlawng, “**Huwebes**”. Isulat ang mga pangulo sa imong nasod. Ang Timoteo 2:1-2 nag-ingon, “Busa una sa tanan, awhagon ko kamo sa pag-ampo alang sa tanang tawo. Pangayoa gikan sa Dios ang ilang mga gikinahanglan ug pasalamat siya. Kinahanglan iampo ninyo ang mga hari ug ang tanang nagmando aron makabaton kitag mahusay ug malinawong kinabuhi, kinabuhing diosnon ug subay sa hustong pamatasan.”

Mosunod ang adlawng “**Biyernes**”. Isulat dinhi ang mga pangalan sa mga kaila nimong nitalikod na sa pagtuo o sa mga nangawala.

Ang sunod nga pahina mao ang “**Sabado**”. Dinhi nga pahina, isulat ang tanang pangalan sa imong higala, mga igsoon nimo sa iglesia ug mga buluhaton diin ikaw kabahin.

Kon ang Tagsugod nagahimo niini, siya maga-ampo alang sa daghang mga tawo kada semana. Ang ubang tawo nagtuo nga ang Roma 16 mao ang listahanan sa pag-ampo ni Pablo alang sa mga cristohanon sa taga-Roma.

7. Ang Pagpamalandong ug Pagsag-ulo sa Pulong sa Balaang Kasulatan

Ang Josue 1:8 nagmando, “Ayaw gayod kalimti ang basahon sa Balaod. Kinahanglan nga tun-an mo kini adlaw ug gabii ug pagkinabuhi sumala sa tanang nahasulat niini ug magmauswagon ka.”

Kini nga bersikulo naghisgut nga ang pagsud-ong sa Pulong sa Dios matag-adlaw ug gabii maghatag kabag-uhan sa kinabuhi. Sa Roma 8:29 nagsulti nga ang katuyuan sa Dios sa Tagsugod nga mahisama kang Cristo Jesus. Ang resulta niini mao ang malamposon nga pagpamuhat ug mauswagon nga kinabuhi. Apan ang pangutana, “Unsaon nato pagpamalandong sa Pulong sa Dios adlaw ug gabii? Unsaon nato pagpamalandong sa Pulong Niya sa atong katulugon?”

- A. Pagpili ug usa ka bersikulo nga makutlo sa Biblia kada semana
- B. Basaha ang bersikulo sa konteksto niini
- C. Pangayoa sa Dios ang pagpadayag sa Espirituhanong Kamatuoran nga makita sa bersikulo
- D. Himoa kining pag-ampo nimo
- E. Isulat ang bersikulo sa card o gamayng papel lakip niini ang mga reperensiya
- F. Sa adlaw, basaha ang bersikulo sa makadaghan. Buhata kini samtang ikaw nagahulat sa linya o naa sa imong quiet time, hinumdumi ang pagtaw-aw o pagbasa niini mga kalima ka beses sa usa ka adlaw
- G. Ang kataposan nimong buhaton bago ka matulog mao ang pagbasa usab niini. Buhaton kini aron nga mabutang gayod sa imong huna-huna ang maong pulong sa Dios.

8. Pagpangayo

Sa Hebreo 4:16, “Busa dili kita magpanuko sa pagduol sa trono sa Dios diin anaa ang grasya. Dinha madawat nato ang kaluoy ug ang grasya nga atong gikinahanglan.” Ang pagpangayo mao ang simple nga pagpresentar sa imong mgakaugalingong panginahanglan diha sa Dios.

III. ANG TAGSUGOD SA PAG-EBANGHLEYO UG ANG KALUWASAN

Ang imong mga pagtuo mao gayod ang mag-una sa imong mga pagpamuhat. Sa Mateo 12:34 nagsulti, “Kay unsa gani ang nakapuno sa kasingkasing mao usab ang isulti sa baba.”

Kinahanglan na masabtan sa Tagsugod sa Pag-ebangheyo ang importante na mga doktrina sa Bag-ong Testamento. Dako ang mga kalabotan dinha sa iyang pagministeryo ang iyang pagtuo sa biblia, iyang kaluwasan, iyang pagpamuhat ug iyang iglesia. Ang iyang pagtuo mahitungod sa kaluwasan modan-ag o masalamin sa iyang mga mensahe. Daghang mga cristohanon ang wala mahibalo unsaon pagtubag sa mga pinakasimpleng pangutana mahitungod sa Biblia.

- 1. Unsa man ang Ebanghelyo?** (isulat ang kon unsa ang imong salabotan gamit ang Biblianhong pagtino) Aron pagpangita sa matuod na kahulugan sa Ebanghelyo, basaha ang I Corinto 15:1-4

- 2. Unsa ang walay kataposang kinabuhi?** isulat ang kon unsa ang imong salabotan gamit ang Biblianhong pagtino) pagpangita sa matuod na kahulugan sa walay kataposang kinabuhi, basaha ang Juan 17:3

Importante sa usa ka Tagsugod sa Pag-ebanghelyo nga masabtan ang kaluwasan sumala sa Bag-ong Testamento. Diin ang mga iglesia sa Bag-ong Kasulatan ginsakpan sa luwas na mga katawhan. Ang doktrina sa kaluwasan sa usa ka Tagsugod labing hinungdanon sa iyang pagpamuhat.

Ang Tagsugod nagtuo nga ang mga katawhan nga walay Cristo sa ilang kinabuhi mahimutang ug mag-antos sa walay kataposang init sa impiyerno. Nagtuo ka ba niini? Ang usa ka Tagsugod usab dapat makasabot nga ang mga tawo nga walay Cristo nahibulag sa Dios ug ang ilang mga kinabuhi puno sa tensiyon, kaguol,

kahadlok, sala ug adunay dakong haw-ang nga nagapabilin diha sa iyang kinabuhi.

Ang pinaka-importanteng isyu mao ang doktrina sa ulahing paghukom. Adunay mga pipili ka mga kultura kusog ang pagtuo sa espiritismo ug sa doktrina sa reincarnation o pagkamatay ug pagbalik sa laing lawas. Si Jesus nagtudlo kanato sa pagkabanhaw ug dili ang reincarnation. Sa Hebruhanon 9:27, “Ang tanan kinahanglan mamatay sa makausa ug tapos niana hukman siya sa Dios.”

Sa Lucas 19:10 naghigut nga si Jesus mianhi aron sa pagpangita ug pagluwas sa mga nangawala. Mao usab kini ang buluhaton sa usa ka Tagsugod. Ang mga tawo mangawala kon sila magdepende sa laing butang alang sa ilang kaluwasan, ang tinuod nga kaluwasan mao si Jesus lamang. Sa Galatia 2:16, “Apan nasayod kami nga ang tawo isipon sa Dios nga matarong pinaagi lamang sa pagtuo kang Jesu-Cristo ug dili sa pagtuman sa Balaod. Bisan gani kami nagtuo man kang Cristo ug dili pinaagi sa pagtuman sa Balaod. Kay walay tawo nga isipon sa Dios nga matarong pinaagi sa pagtuman sa Balaod.”

Kinahanglan nga masabtan sa Tagsugod nga ang mga nangawala dili luwas ug kinahanglan nga masabtan usab sa indibiduwal nga siya usa ka makasasala ug nahibuwag kang Cristo. Dili igo ang pagdesisyon nila bahin kay Cristo, kinahanglan nga himuon silang mga disipulo. Importante nga ilang masabtan isip mga magtutuo sa ilang mga buluhaton sa iglesia. Kini nga mga tawo kinahanglan nga tudloan hangtod masabtan nila ang ilang mga katuyuan ug responsabilidad sa pagdumala sa usa ka iglesia bisan pa man ang pagpadayon sa pagpamuhat aron nga daghan pang kalag ang maluwas.

Busa, importante gayod na masabtan sa tawo unsa ang iyang buhaton aron maluwas. Ang tawo dili maluwas hangtod nga dili niya isugid ug hinulsulan ang iyang mga kasal-anan. Kinahanglan nga ibutang niya ang iyang kinatibuk-ang pagsalig dinha kang Cristo Jesus nga maoy iyang Dios ug Manluluwas. Ang Tagsugod kinahanglan mapasabot ang mga interesado nga katawhan nga buot modawat kang Jesus, kinahanglan masabtan nila ang ilang kundisyon ug mahibaloan ug masabtan unsa ang mga pamaagi unsaon pagdawat kay Jesus.

Una, ang Paghinulsol gikan sa sala. Markus 1:15. Unsa man ang Paghinulsol? Ang pulong “paghinulsol” napasabot,

pagtalikod gikan sa mga sala ug ibalhin ang direksiyon sa kinabuhi ngadto kang Jesus. Magpakontrolar kang Jesus, ilabina sa hunahuna. Ihatag ang tibuok kinabuhi diha kang Jesus. Himuon si Jesus isip Dios ug tag-iya sa tibuok mong kinabuhi, Roma 10:9.

Unsa ang Paghinulsol? _____

Ikaduha, iyang ibutang ang iyang pagtuo ug pagsalig diha kang Jesus nga iyang Dios, Manluluwas ug Manlalaban. Ang pulong “mutuo” makita sa Roma 10:9, kini labaw pa sa pag-ila. Sa Santiago 2:19, na bisana ng mga demonyo nagtuo sa kamatuoran ni Jesus.

Ang pulong “Pagtuo” sa Griyego nga pinulungan “Pistis”. Nagkahulugan, paghatag sa tibuok kinabuhi kay Cristo aron mahiusa diha Kaniya. ang pinakadkaong problema karon, daghang mga tawo nagtuo sa kamatuoran ni Jesus pinaagi sa ilang hunahuna. Ang atong buluhaton mao ang pagpasabot sa katawhan unsay kalahian sa “tiunay na pagtuo, nga makaluwas” ug sa pagtuo nga dili tinuod”

Unsa ang Pagtuo? _____

Ang tiunay na pagtuo nga makaluwas wala nay ginasaligan pang laing butang. Pananglit, ang tawo dili na kinahanglan nga magsalig pa sa iyang maayong buhat, maayong kinabuhi, mga idolo, sa Birheng Maria, sa mga anghel ug labina gayod sa mga santos. Ibutang ang kinatibuk-ang pagtuo’g pagsalig diha kay Cristo Jesus lamang. Si Charles Brock nag-ingon, “ang kahulugan sa kaluwasan dili gyud mao ang mag-galam sa sala, ang paghinulsol ug pagtuo mag-bunga ug mga grupo sa relihiyon apan dili ang itnuod nga iglesia”.

Kinahanglan nga sundon sa usa ka Tagsugod ang giya sa

Balaang Espiritu kay Siya lamang ang magpahamtang sa tawo sa iyang mga kasal-anan. Ang Tagsugod magpaambit sa tinuod nga Pulong ni Jesus pinaagi sa gahom sa Balaang Espiritu.

IV. ANG TAGSUGOD SA PAG-EBANGHLEYO UG ANG PERSONAL NA TESTIMONYO

Ang katuyoan sa personal nga testimonyo mao ang pagpaambit sa kaugalingong kaagi. Imposible kaayo ang pakiglantugi sa mga butang nga nahitabo sa ubang tawo, apan mas lisod ang pakiglantugi sa usa ka tawo sa iyang kaugalingon nga kaagi. Sa Buhat 22:1-16 ug Buhat 26:9-23, si Apostol Pablo naghisgut sa iyang kinabuhi kun giunsa niya pagdawat si Cristo ug unsa ang nahitabo human nga siya midawat Kaniya.

1. Mga giya unsaon sa pagpaambit sa testimonyo:

- A. Hamubo lamang (pinakataas 2 ka minuto)
- B. Hinumdumi nga ang imong tumong mao ang pagpaambit giunsa nimo pagkaila kang Cristo. Ang ebanghelyo i-eksplikar na unya.
- C. Ayaw pagwali
- D. Ayaw pagpaambit sa kaluwasan niining tungura
- E. Ayaw pag-imbata
- F. Ayaw paggamit ug mga lisod nga mga termino. Pananglit, “Ako nbautismohan”. Ang dili-magtutuo maghuna-huna nga aron maluwas kinahanglan magpabautismo. Mas maayo kon ang isulti mao ang, “Usa ka gabii niana, akong gidawat si Jesus sa akong kasingkasing” o “Akong gisaligan si Cristo Jesus isip akong Dios ug Manluluwas”.
- G. Paggamit ug mga bersikulo
- H. Isulat ang imong testimonyo. Dili kani dapat mulapas gikan sa 250 hangtud sa 359 ka mga pulong
- I. Sa kataposan sa imong testimonyo, apili ug duha ka mga pamulong:
 - 1) Karon masayod ko nga ako adunay kinabuhi nga walay kataposan.

- 2) Tuguti ko sa pagpaambit ug mga pulong gikan sa Biblia kon unsaon ang pag-angkon ug kinabuhing walay kataposan.

2. Testimonyo

Tubaga ang mga pangutana aron pagtabang kanimo pagsulat sa imong testimonyo:

- A. Unsa man ang akong kinabuhi kaniadto sa dihang wala pa nako nadawat si Jesu? Isugid ang imong mga pamatasan, kinabuhi ug mga sala. (Buhat 22:1-5 ug Buhat 26:4-11)**

- B. Unsa man ang akong naamgo nga nagkinahanglan diay ko kay Cristo? (Buhat 22:6-8 ug Buhat 26:12-15)**

- C. Asa ug giunsa nako pagdawat si Cristo? (Buhat 22:6-10 ug Buhat 26:13-18)**

D. Unsa ang kalahian sa akong kinabuhi sukad nga akong gidawat si Cristo? (Buhat 22:10-21 ug Buhat 26:19-23)

E. KONKLUSIYON

Sa pagtapos, isulti ang, “Karon aduna na ako’y kasigurohan sa akong kinabuhi. Tugoti ako sa pagpaambit kaninyo ug mga pulong na nagsulat nga mahimo kamong makaangkon usab sa kaluwasan ug kasigurohan sa kinabuhi”.

Ikaw nagbuhat ug tulay taliwala kanimo ug kaniya. Nagahangyo ka kaniya kon tugotan ka ba sa pagsulod sa iyang personal na kinabuhi. Tingali ang iyang tubag “oo” o “dili”. Kon siya motugot, ipaambit ang ebanghelyo kaniya. Kon siya dili motugot, mahimo mong pangutan-on siya kon puwede bang isulat ang iyang pangalan sa imong Biblia isip pahinumdom kanimo sa pag-ampo kaniya matag-adlaw.

V. ANG TAGSUGOD SA PAG-EBANGHLEYO UG ANG PERSONAL NGA PAGPAMUHAT - UNOM KA MGA BERSIKULO ANG MAG-EKSPLIKAR SA EBANGHELYO

Adunay duha ka klase sa kultura:

- 1. Ang dili-cristohanong kultura nga pagbase**
- 2. Ang cristohanong kultura nga pagbase**

Ang kultura dili makausab sa ebanghelyo. Kini maoy pamaagi lamang unsaon nato pagpresentar sa ebanghelyo. Kini nga mga kamatuoran nagkinahanglan nga ipaambit una modawat ang indibiduwal kang Cristo. Ang among sugyot nga ipresentar kini nga mga kamatuoran pinaagi sa Pagtuon sa Biblia o pagsugilanon. Sa Cristohanong kultura nga pagbase,

mahimong mapresentar dayon human nga mahitagbo ang indibiduwal. Bisan unsang paagi niya ipaambit ang ebanghelyo, dili na kinahanglanon sa indibiduwal na mahibal-an pa ang uban nga kamatuoran sa ebanghelyo.

Ang dili-cristohanong kultura nga pagbase

Sa ingon ani nga situwasyon ang imong unang pangutana mao ang, “Unsa ang imong kasabotan sa Dios ug kinsa Siya alang kanimo?”. Paminawa ang tubag niya ug pangutanan kon puwede ka bang makabuhay ug mga pagtuon uban kaniya. Kon siya dili usa ka cristohanon, imong pangutan-on kung interesado ba siyang masayod sa Dios nga maoy nagbuhay sa kalibotan. Ipaambit nimo kaniya nga mahimo niyang mailhan ang Dios sa tiunay. Gamit ug mga simpleng pagtuon sa Biblia o mga sugilanon.

Ang crisothanong kultura nga pagbase

Ang pangutana mao ang, “Mahimo bang mangutana? Kon ikaw mamatay karong gabii, nasayod kaba nga ikaw adunay kasigrohan sa kinabuhi ug ikaw muadto sa langit?” Isaulo kini nga pangutana. Kon dili makatubag ug tarong ang indibiduwal, padayona ang pagpaambit sa imong testimonyo ug ipaambit usab ang pulong sa Dios. Kon ang iyang tubag mao ang, “Naa ko’y kasigurohan”, pangutan-a siya sa, “Kon kauban mo karon ang Dios ug nangutana kanimo, ‘Nganong pasudlon man kita dinhi sa langit?’, unsaon nimo Siya pagtubag?”, isaulo usab kini nga pangutana. Kon dili makatubag ug tarong ang indibiduwal, ipaambit kaniya ang pulong. Ang sunod na pangutana mao kini, “Adunay ka bay personal nga relasyon kang Cristo Jesus o naa pa ba ka sa pagproseso niini?”

OBESERBAHE: Ang mga pangutana alang sa mga Hindus, Buddhists ug animists kinahanglan nga lahi ug dili ang Cristohanong kultura nga pagbase. Sa susama niining kultura, ang paggamit ug pulong sama sa “Dios”, “Jesus”, “langit” o “impiyerno” kinahanglan nga mabase sa konteksto sa ilang kultura. Pananglit, ang pagbutyag kung kinsa ang Dios, Siya ang Magbubuhay sa tanang butang, ang Gamhanang Espiritu, sama niini ang maayong pagsugod sa pagpaila kung kinsa ang Dios.

Lakip niini ang “langit”. Ang langit alang sa mga Buddhists

nangahulugan na kagawasan sa ilang mga panghinaot. Alang sa usa ka Hindu, nangahulugan kini nga kagawasan gikan sa reincarnation. Sa kadaghanang animists, aduna kini daghang kahulugan.

Kadaghanan sa mga kultura, ang Biblia dili usa ka libro. Daghan ang wala pa nakadungog mahitungod sa Biblia ilabina kadtong naa sa kabukiran. Ang akong gihimo sa ingon aning situwasyon mao ang pagpaila sa Biblia na libro nga gigamit sa Dios alang sa pagpadayag sa Iyang kaugalingon. Dili kinahanglan nga mutuo sila niini. Siguro dili gayod sila motuo. Apan kung interesado sila mamati sa pulong sa Dios, ang Balaang Espiritu na ang magbuhat ug pamaagi aron nga mapadayag ang kamatuoran.

AYAW pakig-lantugi mahitungod sa Biblia. Ipadayag nga ang imong pagsalig base sa imong pagtuo diin nakita mo kini sa Pulong sa Dios ug nanghinaot ka nga mapaambit kini sa uban.

Importante kaayo nga ang Tagsugod makapangita ug maayong mga pamaagi aron siya makasaksi sa uban.

**ANG MGA KAMATUORAN NGA ANG EBANGHELYO DILI
MAUSAB, apan**
ANG MGA PAMAAGI MAUSAB BASE SA KULTURA

HINUMDUMI: Ang cristohanong kultura nga pagbase, mahimo nga mangutana mahitungod sa kaluwasan sa kinabuhi. Apan sa dili-cristohanong kultura nga pagbase kinahanglan nga masabtan nimo ang lebel sa espirituhanong pagsabot sa indibiduwal. Siguro ang kahulugan sa langit alang sa indibiduwal dili sama sa kosepto ug kahulugan nga naa sa Biblia.

ANG PAGPRESENTAR SA EBANGHELYO

(Adunay unom ka bersikulo nga nagahisgut sa kahulugan sa Ebanghelyo)

1. Ang katuyoan sa Dios sa imong kinabuhi

Sa I Juan 5:13, “Gisulatan ko kamong tanan nga nagtuo sa ngalan sa Anak sa Dios aron masayod nga kamo may kinabuhing walay kataposan.”

Tumong sa bersikulo: pagpakita nga ang Dios gusto maghatag kasigurohan sa atong kinabuhi tungod sa dakong gugma Niya kanato.

Ang katin-awan sa bersikulo: adunay duha ka butang alang sa kinabuhing walay kataposan:

- a) Aron maila si Cristo Jesus ug maangko ang iyang kalinaw sa atong kasingkasing samtang kita nagkinabuhi niining kalibotan. Juan 17:3
- b) Aron makauban si Cristo Jesus sa langit human kita mamatay. Juan 14:1-3

Aplikasyon sa bersikulo: nanghinaut ka ba ug kasigurohan sa imong kinabuhi?

Obserbahe: Sa Cristohanon ug sa Dili-cristohanon kultura nga pagbase, kinahanglan na klaro nga masabtan ang kahulugan.

2. Ang kinahanglan

Ang Biblia nag sulti diha sa **Roma 3:23**, “**Kay nakasala ang tanan ug nahilayo sa himaya sa Dios.**”

Tumong sa bersikulo: pagpakita nga ang tanan makasasala

Ang katin-awan sa bersikulo: unsa man ang sala? Ang sala mao ang pagsupil sa Dios. Pananglit, kita tanan nakabaton ug kasalanan sama sa pagpamakak, kaligutgot, kahakog, kaibog ug garbo.

Aplikasyon sa bersikulo: imo bang giila nga ikaw makasasala? Unsa ang sangputanan sa sala?

Ang **Roma 6:23** nagsulti, “**Kay ang bayad sa pagpakasala mao ang kamatayon apan ang gasa sa Dios mao ang kinabuhing walay kataposan nga anaa kang Cristo Jesus nga atong Ginoo.**”

Tumong sa bersikulo: pagpakita nga kitang tanan angayang mamatay tungod sa sala

Ang katin-awan sa bersikulo: Unsa ang kamatayon? Ang kamatayon nagkahulugan nga kita nahibulag sa Dios sa duha ka paagi:

Ang kamatayon mao ang pagkahibulag nato gikan sa Dios sa atong kinabuhi dinhi sa kalibotan. Kinabuhi kini nga walay kalipay ug kalinaw sa atong kalag. Walay kasigurohan sa atong kinabuhi. Ang pagkahibulag gikan sa Dios maoy hinungdan sa kawang ug mahadlukon nga kasingkasing.

Ang kamatayon mao ang pagkahibulag nato gikan sa Dios alang sa impiyerno. Kini ang kinabuhi nga walay Cristo hangtod sa kahangturan sa atong kinabuhi. Matod sa Biblia ang tanan angayan nga mamatay, mahibulag kita gikan sa Amahan tungod sa atong mga sala.

Aplikasyon sa bersikulo: nakasabot ka ba nga angayan ka mamatay, nahibulag sa Dios, tungod sa sala?

3. Ang Probisyon sa Dios

Ang Biblia nag-ingon sa **Roma 5:8**, “**Apan gipakita sa Dios kanato ang gidak-on sa iyang paghigugma kanato kay sa makasasala pa kita nagpakamatay si Cristo alang kanato.**”

Tumong sa bersikulo: pagpakita kanato nga ang Dios nahigugma pag-ayo kanato nga gihatag Niya ang Iyang bugtong anak nga si Jesus aron mamatay alang sa atong mga sala.

Ang katin-awan sa bersikulo: ang kamatayon lamang ang bayad sa atong mga sala. Si Jesus gisilotan, gihukman ug gikondenar pinaagi sa kamatayon sa krus aron pagbayad sa atong mga sala.

Ang kamatayon ni Jesus ang bugtong sakripisyo nga igo aron kita mahimong gawasnon gikan sa sala. Daghang mga tawo ang naghimo ug mga pamaagi aron makaduol sa Dios: pinaagi sa ilang mga maayong buhat, maayong kinabuhi, mga santos, mga idolo, mga imahe, espiritu ug reincarnation.

Ang kaugalingong pagpaningkamot sa tawo walay gahum aron malipyo gikan sa sala. Si Cristo Jesus lamang ang pamaagi aron makaangkon ug relasyon diha sa Dios. Human nga mamatay si Jesus diha sa krus tungod ug alang sa atong mga sala, Siya nabanhaw ug gidaug ang kamatayon. Siya buhi ug nanghinaot Siya nga mopuyo sulod sa imong kasingkasing.

Aplikasyon sa bersikulo: nagsalig ka ba nga si Cristo Jesus lamang ang imong Dios, Manluluwas ug Manlalaban?

4. Ang imong tubag

Ang **Roma 10:9** naghigut nga, “**Maluwas ka kon ipahayag mo nga si Jesus mao ang Ginoo, ug sa kinasingkasing motuo ka nga gibanhaw siya sa Dios.**”

Tumong sa bersikulo: nagpakita aron unsaon pagdawat si Cristo Jesus isip Dios

Katin-awan sa bersikulo: sa pagdawat kang Jesus, adunay duha ka butang na himuon:

- a) Una, aron sa pagdawat kang Jesus, kinahanglan ang pag-ila kay Cristo isip Dios. Biyaan ang mga sala ug mosunod kang Jesus. Kini nagpasabot nga gihatag nimo ang pagkontrolar sa tibuok mong kinabuhi mao si Jesus. Kini ang paghinulsol.
- b) Ikaduha, aron sa pagdawat kang Cristo, kinahanglan nga magtuo ka sa imong kasingkasing nga si Cristo nabahaw gikan sa kamatayon ug Siya lamang ang imong Manluluwas. Nagpasabot nga undangan nimo ang imong pagsalig sa ubang butang sama sa moralidad, maayong buhat, idolo, imae, santos ug reincarnation. Ihatag ang imong tibuok pagsalig diha kang Cristo Jesus.

Aplikasyon sa bersikulo: andam ka na bang magdawat kang Jesus ug ihatag ang imong kinabuhi Kaniya? Andam ka na ba sa pagbutang sa imong tibuok pagsalig diha kang Jesus?

Roma 10:13, “Ang tanan nga magsangpit sa ngalan sa Ginoo maluwas.”

Tumong sa bersikulo: pagpakita nga si bisan kinsa nga mosangpit sa pangalan ni Jesus mahimong maluwas

Katin-awan sa bersikulo: nangahulugan nga gidawat na nimo si Jesus pinaagi sa kinasingkasing na pagtuo ug pagsalig

Aplikasyon sa bersikulo: andam ka na ba sa paghatag sa imong kinabuhi diha kang Jesus ug hangyuon Siya nga mosulod sa imong kinabuhi karon dayon? Kon ikaw andam na, himoa kining pag-ampo gikan sa imong kasingkasing ngadto sa Dios:

“Amahan, ako usa ka makasasala. Ako nagsalig Kanimo nga maoy akong Dios, Manluluwas ug Manlalaban. Akong ihatag ang akong kinabuhi diha Kanimo. Sulod sa akong kasingkasing ug luwasa ako karon. Bag-oha ako ug Ikaw ang mag-kontrol sa akong kinabuhi sukad karon. Amen”.

Nagtuo ka ba nga gitubag ni Jesus ang imong pag-ampo? Busa, asa na si Jesus karon? Luwas ka na ba?

ANG PLANO

ISTRATEHIYA ARON SA PAGPADAGHAN UG MGA BAG-ONG GRUPO UG IGLESIA

ANG PLANO

Kini nga bahin maguatag ug kalangkuban sa mga proseso nga kinahanglang sundon sa usa ka tagsugod sa pag-ebanghelyo. Adunay upat ka mga modelo aron sa pagsugod ug iglesia pinaagi sa pagpadaghan.

HINUMDUMI: Kini dili usa ka program nga kinahanglan sundon kini mga prinsipyo aron paghatag ug giya kung unsa nga klase nga istratehiya ang angayng gamiton ang importante nga ang buluhaton giniyahan sa balaang espiritu. Ayaw hikalimti ang pagpadayon sa pagtudlo sa uban aron pagtudlo sa uban ug pagtudlo na pud sa uban.

I. UPAT KA MODELO SA PAGBUHAT UG IGLESIA

II. ANG CYCLE SA PAGESUGOD SA PAG-EBANGHELYO

ANG UPAT KA MODELO SA PAGBUHAT UG IGLESIA

Sa unang bahin sa pagtukod ug iglesia mao ang pagsugod sa wala hangtod sa paghinayhinay ug kamugna sa iglesia. Ang ikaduhang bahi mao ang pagtukod sa iglesia. Adunay daghang modelo aron unsaon pagmugna ang iglesia, adunay upat nga atong hisgutan dinhi.

1. ANG TRADISYONAL NGA IGLESIA

Kini mga modelo nakabase sa programa. Kini adunay programa samasa Sunday School. Dinhi kinahanglanon gayod ang pagtukod ug iglesia ug gikontrolar sa usa ka pastor o mga lig-on nga grupo sa mga katigulangan o mga diyakuno.

2. ANG SATELLITE NGA IGLESIA

Kini nga iglesia gisuportahan ug mga dagkong simbahan o mother churches nga adunay buluhaton sa misyon. Kini nga mga mother churches mao ang magdumala niini nga iglesia. Kini nga mga satellite churches adunay kaugalingon panagsimba, panagtigum, bible studies, etc. Apan sila matawag nga miyembro gihapon sa mother church. Kadaghanan ang mga halad ug ikanapulo ginapadala mangadto sa mother church. Ang problema niini nga iglesia wala silay pilosopiya unsaon pagpadaghan sa ilang miembro. Kanunay nga ang unang ginatanw-aw nila nga dagkong panginahanglan una makatukod ug iglesia mao ang luna, building ug naordenahan nga minsitro. Apan kini nga mga kuwalipikasyon gimugna lamang sa tawo ug dili gikan sa Dios.

3. ANG CELL NGA IGLESIA

Kini nga modelo adunay gagmayng pundok nga nagatigum sa balay, opisina o uban pa. Kini nga mga pundok gi-organisa sumala sa level sama sa mga kabatan-unan, mga hamtong na kala-lakihan, mga hamtong na kababaihan ug uban pa. Ang usa ka layman nga magdumala niini mao ang maghatag o magmugna ug mga ordinansa sa iyang kadumalaan. Kada semana magtigum ang tanang mga pundok sa usa ka dakong panagtigum ug selebrasyon.


4. ANG POUCH O PUNTIL NAA IGLESIA

Si Misyonaryo Curtis Sargeant ang nagbuhat niini nga modelo. Ang iglesia magsugod sa mga kabalayan sa mga bag-ong magtutuo. Sila ang magdumala sa iglesia ug motubo hangtud sa kinse ka mga katawhan ug magsugod sila ug pagpadaghan. Ang kada usa ka unit o pundok mao ang iglesia o independent church.


Ang Pouch nangahulugan ug:

- P – partcipate – ang tanang miyembro moapil sa mga bible studies, pagsimba ug uban pa**
- O – obedience – kini ang sukdanan sa pag-uswag ug dili ang kadaghanon**
- U – unpaid leaders – ang tanang pangulo ug mga pastor mga lay people**
- C – cell – sila nagatigum sa gagmayng pundok**
- H – house – adunay mga pagsimba sa mga kabalayan o uban pang lugar**

**ANG TAGSUGOD SA PAG-EBANGHELYO NGA
CYCLE
UNANG CYCLE**




IKADUHANG CYCLE




Ang ikaduhang cycle nagapadayon

Ang serbisyo alang sa selebrasyon mahimong mahiusa sa cycle 1 o mahimo usab nga lainon isip usa ka lokal nga iglesia




IKATULONG CYCLE




Sa cycle 3, ang Maayong Balita nga mga Grupo, Pagselebrar nga Serbisyo ug Pag-ebanghelyo-Pagdisipulo nga pagbansay kinahanglan nga dumalahan sa mga bag-ong magtutuo nga nakabig ngadto kang Cristo diha sa mga cycle 1 ug 2 ug dili na ang Tagsugod sa Pag-ebanghelyo nga Pangulo (TPP).

ANG CYCLE 3 MAGPADAYON




IKAUPAT NGA CYLCE




Lokal nga mga pangulo mao na karon ang nangulo sa tanan nga Maayong Balita nga mga Grupo, Pagscelebrar ug Pagdisipulo nga mga grupo. Ang bag-ong mga pangulo kinahanglan nga karon na bansayon sa pagpangulo sa iglesia.

ANG IKAUPAT NGA CYCLE NAGAPADAYON




Kini mahimong usa ka simbahan sa maong lugara o upat ka nagkalainlaing mga simbahan sumala sa inyong kulturang tinuod. Ang mga pangulo sa maong lugar kinahanglan nga mangulo sa tanang liyok sa panahon.

IKALIMANG CYCLE




Ang Bag-ong Iglesia Magpadaghan

PAGGAMIT UG MGA ISTRATIHIYA ARON SA PAGSUGOD UG MGA GAGMAYNG PUNDOK




**PAGGAMIT SA T.E. PARA SA P.O.U.C.H. NGA
SIMBAHAN**



ANG PROSESO SA OIKOS

+ katawhan nga nagdawat kay Cristo tungod sa pagdala sa
tawo nga adunay kalinaw\
nga dili pa usa ka magtutuo



PAKAPIN SA BASAHON

**ANG TAGSUGOD NGA EBANGHELISTA UG KON UNSAON SA
PAGDUMALA SA BALAY NGA PAGTUON SA BIBLIA DIIN
WALAY MGA MATERIALES SA PAGTUON SA BIBLIA.**

ANG TAGSUGOD NGA EBANGHELISTA UG UNSAON SA PAGDUMALA ANG PAGTUON SA BIBLIA DIIN WALAY MATERIALES

-NI THOMAS WADE AKINS

Ang susi aron nga masabtan ang pulong sa Dios mao ang Balaang Espiritu. Si Jesus nagsulti sa Juan 16:13-14, **“Apan inig-abot sa Espiritu sa kamatuoran, tultolan kamo niya sa tibuok kamatuoran. Dili siya magsulti sa iyang kaugalingong pagbuot ingon man sa mga butang umaabot. Himayaon niya ako kay ang ania kanako iya mang dawaton ug isulti kaninyo.”** Si Jesus mao ang kamatuoran, ug ang Balaang Espiritu mao ang magpadayag sa kamatuoran diha sa imong kasingkasing.

Nabati naba nimo ang panahon nga ikaw nagabasa ug biblia ug nabasa ang usa ka bersikulo ug adunay mabati diha sa imong kasingkasing ug ang Balaang Espiritu mapadayag sa kamatuoran diha kanimo? Kni nahitabo kanako sa daghang higayon. Naay panahon nga ako naa sa lisod nga situwasyon sa akong kinabuhi. Naa ko sa kangitngit ug ang kaguol magtabon kanako nga daw sama sa kangitngit. Apan akong makita ang suga – ang suga mao si Jesus. Ug akong gisugdan ang pagbasa sa iyang pulong. Akong nakaplagan ang Isaiah 43, sa dihang akong gipamalandungan kini, ug ang Balaang Espiritu nagpadayag kanako, **“Mag-uban ako kanimo iniglatas mo sa katubigan, ug dili ka malunmos inigtabok mo sa mga suba; inig-agi mo sa kalayo dili ka mapaso o lamyon sa siga niini.”** Sa dihang nakig-istorya ang Dios kanako pinaagi sa iyang pulong ang dakong kalinaw miabot kanako, sa akong kinabuhi.

Importante sa usa ka pangulo nga mahinumduman nga siya wala nagtudlo sa biblia apan sa pagdumala niini. Siya nagapanguna sa pamaagi nga ang mga dumuduyog mag partisipar. Siya dili magbasa sa mga bersikulo apan agdun ang uban nga naa sa grupo sa pagbasa niini. Dili niya isugid ang mga kamatuoran nga naa sa Biblia, apan siya maghatag ug mga pangutana sa grupo aron madiskubrehan nila ang kamatuoran. Dili niya i-aplay ang mga bersikulo diha kanila apan pangayuon niya ang ilang mga panghunahuna o kasabutan kun unsaon sa pag-aplay ang mga kamatuoran nga naa sa bersikulo.

Sa atong pagdumala sa grupo alang sa pagtuon sa biblia, ang atong tumong mao ang pagpaminaw kung unsa ang kamatuoran nga ipadayag sa Dios kanato. Sa usa ka pangulo, kinahanglan ang pagsunod sa mga pipila ka mga ang-ang una tigumon ang mga katawhan alang sa usa ka bible study. Sa pag-tuon sa biblia, ang Dios magpadayag sa mga kamatuoran diin gusto Niyang mapaambit kini sa grupo. Alang sa dugang kasayuran unsaon pagtuon sa biblia, basaha ang “Ang pagpamati sa tingug sa Dios”, sa pahina 62.

Akong sugyot ang sunod nga mga pamaagi:

Unang ang-ang: Ang pangulo sa grupo magpili ug teksto arun pagatun-an. Iyahang tun-an ang matag-bersikulo sa matag-kapitulo. Pananglit, mahimo magsugod sa pagtulun-an sa Juan, kapitulo uno, bersikulo uno.

Ikaduhang ang-ang: Ang pangulo maghangyo ug usa gikan sa grupo sa pagbasa sa unang bersikulo.

Ikatulong ang-ang: Usbon sa pangulo ang pagbasa sa bersikulo gamit ang moderno ug simple nga linguwahe. Babaton niya ang bersikulo sa daghang pulong aron masabtan gayod kini sa mga nagapaminaw. Iyang usbon sa pagsulti ang bersikulo sa simple nga pamaagi.

Ika-upat nga ang-ang: Human sa pagbasa sa bersikulo, ang pangulo maghatag ug mga pangutana aron madiskubrehan ang mga kamatuoran nga makita sa bersikulo. Gamita kini sa pagsugod ug mga pangutana: kinsa, unsa, kanus-a, asa, ngano ug unsaon.

Gamita kini nga mga pagpangutana:

1. Unsa man ang ginasulti niining bersikulo mahitungod sa Dios?
2. Unsa man ang ginapadayag niining bersikulo mahitungod kang Jesus?
3. Unsa man ang ginasulti niining bersikulo mahitungod sa sala?
4. Unsa man ang ginasulti niining bersikulo mahitungod sa pagsunod?
5. Unsa man ang ginasulti niining bersikulo mahitungod kanako?
6. Unsa ang mga Ispirituhanong kamatuoran ang naa niini nga bersikulo?

Ika-limang ang-ang: Ang pangulo magpakita sa grupo ug mga laing bersikulo nga makita sa Biblia nga diin sosama ang mga gisulti mahitungod sa mga kamatuoran na nadiskubrehan sa bersikulo. Sa laing pagkasulti, ipakita ang ubang mga bersikulo o kapitulo aron sa paghatag ug dugang kamatuoran alang sa bersikulo.

Ika-unom nga ang-ang: Ang pangulo mag-aplay sa maong bersikulo. Himuon sa pangulo nga personal ang maong bersikulo. Hisguti ang matag-kamatuoran nga makita sa bersikulo ug ihatag kini sa matag-individuwal nga naa sa grupo. Pangutan-an sila niini nga mga pangutana: Sa unsang pamaagi nga kini na bersikulo maaplay diha sa imong kinabuhi? Unsa man ang ginapadayag niini nga bersikulo sa imong kinabuhi? Tugoti ang matag-usa sa imong grupo sa pagtubag sa mga pangutana.

Ika-pito nga ang-ang: Human sa pagsunod sa mga ang-ang alang sa unang bersikulo, padayon sa ikaduhang bersikulo, ug gamita kini nga pamaagi aron sa pagtuon sa matag-bersikulo sa tibuok libro.

Ika-walo nga ang-ang: Sa kataposan sa pagtuon, ang pag-ampo ang dapat himuon aron pag-ampo sa mga espirituhanong kamatuoran nga nadiskubrehan gikan sa nabasa.

PANANGLIT:

Unang ang-ang: Pagpili ug passage. Alang sa atong katuyoan, pilia ang Juan.

Ikaduhang ang-ang: Hangyoa ang isa nga naa sa grupo sa pagbasa sa unang bersikulo. Juan 1:1, **“Sa wala pay nabuhat bisan unsa, ang Pulong diha na. ang Pulong uban sa Dios ug ang Pulong sa Dios.”**

Ikatulong ang-ang: I-eksplikar ang beriskulo. “Kini gnabersikulo nagpamatuod nga ang sinugdanan mao ang Magbubuhay ug Siya mao ang Dios kaniadto ug karon.

Ika-upat nga ang-ang: Mga pangutana:

1. Unsa ang ginapadayag niini nga bersikulo mahitungod sa Dios? Siya ang sinugdanan. Siya ang pulong.
2. Unsa ang ginapadayag niini nga bersikulo mahitungod ni Jesus? Kon basahon mo ang beriskulo katorse, imong makaplakan nga ang Pulong mao si Jesus. Busa, si Jesus mao ang Dios.

Ikalimang ang-ang: Basaha ang uban pang mga bersikulo nga magpamatuod sa kamatuoran. Juan 1:14, “**Ug ang Pulong nahimong tawo ug mipuyo uban kanamo, puno sa grasya ug kamatuoran. Nakita namo ang iyang himaya, ang himaya nga iyang nadawat ingon nga bugtong Anak sa amahan.**”

Paghatag ug mga pangutana kutob sa imong mahunahunaan, ihatag kini sa grupo, dili ang pangulo ang magtubag sa mga pangutana.

1. Kinsa ang mahimong flesh? Jesus
2. Kinsa ang nakig-uban kanato karon? Jesus
3. Kinsa ang nakakita sa Iyang pagkagamhanan? Si Juan, ang tawo nga nagsulat niini nga libro.
4. Unsa ang nakita ni Juan kang Jesus? Ang Iyang pagkagamhanan.
5. Unsa ang buot pasabot sa “Iyang pagkagamhanan”? Kini nagpasabot nga Siya gibayaw ug gipasidunggan.
6. Unsa pa ang mga nakita ni Juan kang Jesus? Siya gikan sa Amahan.
7. Unsa pa ang nakita ni Juan kang Jesus? Siya puno ug grasiya.
8. Unsa ang grasiya? Ang grasiya mao ang paghatag sa Dios sa mga butang nga dili ta angayan modawat. Si Jesus usa ka grasiya.
9. Unsa ang kamatuoran? Ang kamatuoran sukwhi sa bakak. Si Jesus puno sa kamatuoran, kinsa Siya ug sa tanan Niyang gisulti.

Ikaunom nga ang-ang: I-aplay ang bersikulo. Unsa man ang gitudlo niining bersikulo kanato? Unsa ang mga Espirituhanong kamatuoran nga makita niining bersikulo? Himoa kini sa imong kinabuhi. Tugotan sa pangulo nga moresponde ang grupo.

Ang ubang kamatuoran nga naa sa bersikulo:

1. Ang Dios ang sinugdanan.
2. Siya walay sinugdanan ug walay kataposan.
3. Siya walay kinutuban.
4. Si Jesus mao ang Dios.

5. Si Jesus mao ang Magbubuhat sa kalibotan.
6. Si Jesus ang nagbuhat kanako. (himoa nga personal)
7. Si Jesus puno sa grasiya ug kamatuoran. Si Jesus naghatag ug mga butang nga ako dili angayan modawat. Si Jesus ang nagtudlo kanako sa tinuod. (hinumdumi ang paggamit niini sa personal nga bahin)

Ikapitong ang-ang: Basaha ang sunod nga bersikulo gamit ang susamang pamaagi. Padayona kini nga pamaagi sa kinatibuk-an sa libro, sa matag-semana. Sa pagtapos sa Juan, pagpili na pud ug lain nga libro ug gamita ang susamang proseso.

Ikawalong ang-ang: Sa kataposan sa pagtuon, mag-ampo ikaw bahin sa mga Espirituhanong kamatuoran nga gipadayag sa Dios kaninyo. Nga kini magpabilin ug magapamuhat sa tagsa-tagsa nga kinabuhi.

Adunay mga maayo nga mga materyales nga mahimong magamit aron sa pagdumala sa Pagtuon sa Biblia. Apan maayo usab ang pag-gamit lamang sa Biblia ug paghatag sa mga pangutana ug mga ipadayag pa sa Balaang Espiritu sa tagsatagsa ka kasingkasing. Ayaw paghatag ug mga katarongan nga dili makadumala ug pagtuon sa Biblia tungod kay walay mga materyales. Diskubreha ang mga kalipay pinaagi sa pagtugot sa Balaang Espirtu sa paglihok, pagdasig ug pagpadayag sa mga kamatuoran sa atong mga kasingkasing.

THOMAS WADE UG BARBARA AKINS

Notes